

中國方志叢書·華中地方·第四七五號

據

清·張寶琳修，王 棻等纂  
清光緒八年刊，民國二十四年補刻版

影印

浙江省

# 永嘉縣志



成文出版社有限公司印行



\*10103004\*

中華民國七十二年三月臺一版

# 永嘉縣志

共九冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一四三號



永嘉縣志卷之三十四

藝文志十

詩內編

宋

陳寶之研軒

謝公樓上風流客紫髯蕭疎雙鬢白曾中有氣吐虹霓牀頭無金失顏色問君借取騎鶴錢更欲吸盡長鯨川出門雙槩破寒碧去學五湖風月仙

周行已贈沈彬老

永嘉人物衰斯文久零替學徒寡道心日與風俗敝我生衰敝後上思千載事實欲問里閒一蹈仁義敬重鄉人情翻遭俗眼忌晚得沈夫子學問有根柢矯矯流輩中頗識作者意歡然慰吾心歸此同好嗜吾子更我聽士也貴

永嘉縣志

卷之三十四

藝文

詩內編

尚志古道自足師不必今人貴茶苦不異畝薰舊不同器  
所憂義理愆何恤流俗議進道要勇決取與慎為計去惡  
如去沙沙盡自見底積善如積土土多迺成巋讀書要知  
道文章實小技子試反覆思鄙言有深味自非心愛合安  
能吐肝肺行行慎取之紆節思  
遠大豈但勸鄉間永為斯民賴

### 政和丁酉罷攝樂清寓柳市莊居和林惠叔見寄

懷祿非其心事君要以道古來際遇閒每恨見不早觀其  
風雲會事業何草草卓哉張子房器博用殊少恐量世主  
心用此怡恰好所以收其才遠從赤松老富貴  
非利達貧賤非枯槁超超聖賢心吾欣願執掃

### 題永寧傳舍

浩浩車馬跡往來各有求而我亦何為行役不得休驚風  
吹砂礫草木春不柔荒山相經互渭水日悠悠下馬古驛  
亭開軒竹修修颯颯爽氣入得慰征途憂移牀取一息據  
城如清秋永願息鞍馬何當具扁舟我生湖海閒築居必  
清幽城南五畝宅山高水亦流家園千木奴不貴萬戶侯  
既輸東臯稅一飽亦易謀藐然塵囂外榮貴如浮漚咄咄

狂癡子胡  
爲此淹留

### 劉安上方潭展墓示子姪

舊菴在山頂去此五里餘創謀自吾祖遷就今所居住時  
僧不多苟且完室廬至於五十載風雨荒榛蕪先人樂溪  
山每到嘗躋躋深憐棟宇弊締構新是圖鑿巖關幽徑開  
門揖清虛高堂閎且深三山列庭除或禪或教律濟濟踰  
衣裾先塋舊所卜乃在西南隅松筠老且茂雲氣時卷舒  
政和甲午歲予解壽春符寬恩得真祠展省來郊墟清酌  
奠墓隧誥軸焚金朱報效未云記涕泗徒漣如竭來就堂  
宇會飲族屬俱夜深燈火明山靜竹柏疎翻思昔日營似  
爲今所須先人篤好善雅志在詩書于公有陰德高大其  
門間虞詡名升卿其後果不誣嗟余忝厥修覆敗良可虞  
作詩以自警  
其無迷厥初

### 歲寒亭

茲亭予所作再到異疇昔江梅老半枯檜柏春逾碧  
易名爲歲寒表此蒼翠色森然一徑幽步屨時取適

心善系示

卷二十一

藝文詩內編

友人新居

門向平湖靜處開  
雨餘山色入簾來  
連雲競秀千巖竹  
隔水飄香一徑梅  
觀裏紫芝原不老  
柱頭元鶴幾時回  
此峯信是神仙窟  
子晉吹笙有舊臺

荆溪有懷

自從南郭得三椽  
怕趁荆溪半夜船  
每望白雲驚歲月  
空將清夢遶林泉  
雖因追遠時來此  
又見登高意愴然  
極日不知多少恨  
一聲孤雁夕陽天

薛巨源送林良輔

事了却閒時  
辭官豈厭微  
笑人持酒別  
留俸換琴歸  
亭柳春迎馬  
溪雲雨滿衣  
行程休計日  
花眼醉芳菲

陳雲龍偶成

野趣成閒散  
青山即故知  
竹生踰砌筍  
花引隔墻枝  
舞蝶翻風亂  
閒雲出塢遲  
倚闌無一事  
俄有客傳詩

婁寅亮止齋卽事

居與仙巖鄰未悉仙巖路片棹偶相及山僧頻禮數指點  
覓餘跡行行道其故是為梅兩源排空成瀑布常生六月  
寒軒軒每相顧嗟哉往來者盍不忝尸素

林季仲次韻酬黃季章

長安公子意氣豪笑我憔悴居蓬蒿人生栖託一枝足何  
用搏風九萬高我今百事付流水歸臥北窗心獨喜林表  
春禽自在啼絕勝峯養金籠裏誰能曾臆無塵埃木  
雁未論才不才子陵事業亦何有風月淒然一釣臺

寄劉知言

年來何止二宜休合把身名付釣舟寒食又衝花下雨晚  
塘漸狎棹前鷗推居誰復如公瑾種竹猶憐似子猷來坐  
梅陰引春酒微酸點點著枝頭

盧守攜酒過薛直老草堂次韻

畫戟森森轉水湄  
草堂顏色帶思私  
離海上多簪紫  
礧風前卸馬羈  
醉帽半欹花近眼  
廣歌閒發墨翻池  
詩公  
明日朝天去且  
爲南陽借杜詩

題薛獻可新居次高仲貽韻

高居占得野塘橫  
竹迳桃蹊取次成  
宿靄半兼朱戶溼  
好山長傍晚窗明  
風吹酒面春情渺  
月落詩腸夜味清  
今日主人歸定否  
試聽枝上子規聲

張闡還鄉

入請犯天顏  
今朝出漢關  
渾如倦飛鳥  
日暮傍巢還

王鎬移竹後園

洗紅窈窕烏藍雨  
落紫颺颺阜角風  
挂起北窗聊問訊  
新移來竹定惺松  
方雲翼題寶積寺

暫脫塵闈馬足埃僧窗高臥白雲堆青山影裏春醒解黃  
鳥聲邊午夢回坐嬾且推書冊去吟清時喚茗甌來要知  
門外無車轍十  
日新生一逕苔

### 陳鵬飛贈邕管察推陳仲輔

幕下誰人識杲之微聞贊畫向蓮池登樓不厭鄉關遠挂  
笏只言山色奇直道自能消鬼魅高人何處不軒羲他年  
坐上話銅狄可  
是蓬萊清淺時

### 鄭伯熊北園送關簡州分得古字

我歌白雲篇送君水雲浦歌罷水雲寒伫立聽鳴鶻江湖  
昔在手短蓑釣烟雨軒裳誤羈馬濫趨羣玉府朱墨浪自  
妍筆削竟何補高鴻墮秋枕歸夢紛莫數着鞭輪子先寤  
歎獨懷古中年況作別心事復誰吐古人分龍符江色映  
脩組話舊定何  
時新知日旁午

### 黃巖縣鼓樓

天香集  
卷之三  
藝文詩內編

升聖舊時嶙嶙非  
心匠微斤斧袖不用少施見其餘  
洛道德作梁棟東家有餘材鳳衰  
無復夢帝方議明堂行矣與君共  
日則靜以馭羣動平時  
規畫已驚眾姬公昔營

### 薛季宣龍翔寺

二江涵古寺雙嶼聳平沙翠浪環流淨金城到眼奢  
水光搖殿閣塔景動龍蛇不減蓬壺意屯雲未許遮

### 送鄭景望赴國子丞詩二首

有序不錄

風喜檣鳥順知難喚酒杯好溪寒已半京洛暖應回僧舍  
方飄雪江籬欲放梅不須愁國步之子棟梁材愼我論交  
晚何堪又索居朝陽鳴必鳳清水察無魚百惱  
愁成斛羣疑鬼載車否臧亡可道贏得腹詩書

### 得符速走之官

我本樂閒人自得安閒志鄙性習疏散誰識榮華竟  
復舊廬喜獲平生志稼穡任佃夫家室歸中饋中外若非  
我卒歲無他事飽飯讀詩書暮騰時困睡朝啣燕雀懷鴻  
鵠心應異三皇竟何物況復今官寺寒餒課妻孥先春輪



典質茲乃不可常為貧求  
祿仕版籍一書名野情那得遂  
官來促我裝去作塵埃吏  
無復有消搖真為口腹累把板  
從此行短褐隨弃寘素殮  
良不堪邑有民人寄衆心險山  
川道微非所暨上恐負朝  
家終念家聲墜吾民政焦嗽為  
此不能寐格物可為邦舊  
說今難試泥古誠腐儒惟此知  
為治仁義舍不為又敢圖  
與利上官如我容刑章得就易  
庶以遂其生將久蘇疲瘁  
此意尚茫然思之或在倅

### 雨後憶龍翔寺

好溪東赴海門秋中有禪  
居湧碧流潮信往來雙別嶼世  
緣生滅幾浮漚菱歌面面  
來漁鼓燈火層層到客舟何事  
瓜期外留滯短  
窗斜雨不堪愁

### 秋思

秋思生夕涼吹我東閣帷  
中有蕩子婦清歌寄愁思為問  
愁何為良人長別離銀釵  
弔隻影霜雪堅白持君為黃河  
流妻作玉桂枝東西各異  
道邂逅不可期願為  
君下裳結束隨君衣君衣  
何當披十年守空閨

韓應陳素齋席上

自得滄洲趣門開接釣磯  
江光翻夕照嵐氣上秋衣  
心苦一官冷吟多萬事違  
何如明月夜有客扣林扉

潘稷書姜白石昔游詩後

我行半天下未能到瀟湘  
君詩如圖畫歷歷記所嘗  
起我遠遊興其如鬢已霜  
何以舒此懷轉軫彈清商

平江道中

不載圖書載酒杯姑蘇臺  
下小徘徊  
東風不識人心老擺柳吹  
花一併來

還自錢塘道中

江上青山落照邊江頭歸  
客木蘭船  
春鷗自共潮回去一點飛  
花是柳綿

徐德輝夜寓舟中

秋氣清如水推蓬夜不眠  
蘆花新月有雁莎葉尚鳴蟬  
斷夢疑堪續哀吟最可憐  
漁童看月上吹笛舵樓前

木待問火後寄詮老

欖槍墮九霄列缺亂阡陌  
西城苦黔廬東墟已堆甍  
幽棲僅容膝隱市意自適  
天公不我相同此編戶厄  
平生一邱壑未信天地窄  
終焉感窮途萬慮集中夕  
載觀宇宙內在等公宅  
鄙夫六尺軀俯仰歎偏仄  
炙手事當路快意已爛額  
野子今兀然乘除付陳迹  
此身亦何有而復身  
外憾相逢肯分山試面九年壁

郊寺

紅委墻陰花寂寂翠滋亭  
角草纖纖風翻書葉常  
交案雨壓鑪烟不過簾

鄭伯英和清卿雪溪泛舟晚登華蓋亭

滿江風雨釀清愁坐嘯烟  
波一葉舟目送飛花千里去  
身隨空碧一鷗浮兜羅世界  
成遊戲欵乃聲中自唱酬  
試問剡溪回棹客可乘興  
上南樓

清明泛舟

藝文詩內編

河房果示  
風雨連朝忽轉晴天還著  
酒聊酬我輩情花却餘寒  
春事纔如許又  
紅向瘦柳融初日黛猶輕一年  
作明朝被禳行

### 林曾汴河

一千八百隋家路兩岸青青入帝都  
可借翠華南渡後舊時楊柳一株無

許及之綸子效靖節止酒體賦筠齋余亦和而勉之

綸以筠名齋種筠當掩關愛筠栽竹易見竹知筠難竹以  
筠為本筠居竹之間希筠歲寒操追筠古風還筠中聽琴  
瑟筠外瀉潺湲人與  
筠俱勝筠隨境共閒

### 德久送沙暎信筆為謝

海物惟錯羣分命並海饒  
念含靈鈞佛性就中水母  
罔罟自不知水母浮悠亦  
蔽潮水黑潮來舟人如拾  
涎為物病采拾烹煮如擷蔬豈  
為最蠢以蝦作眼資汲引蝦入  
良窳其閒墨魚工吐墨以墨自  
塊販者填街賣烏賊沙暎暎沙

巧藏身伸縮自如故納新穴居浮沫兒童識採取索索如  
有神鈞之並海無所聞吾鄉專美獨擅羣外脆中膏美無  
度調之滑甘至芳辛年來都下爲蠶困獨此相忘最云久  
轉菴何自得此奇惠我百輩急呼酒人生有欲被舌購齒  
亦有好難具論忻茲脆美一餉許懣悔未已滋念根擬問  
轉菴所從得訪尋不惜百金直豈非近悟聖花詩望茲尤  
物令人識綠衣在旁忽  
驟然蟾蟀取笑却可憐

### 題江心寺

屹立中川嶼江行結斗城千灘界  
布地有沙漲中天惟月明清宵撓  
禪定端是棹歌聲

### 清卿求作混碧樓額因賦唐律

三十聲名晚合酬前銜久自是潮州尙須漢吏二千石聊  
臥元龍百尺樓混碧繆書波畫去醉紅憶爲海棠留從今  
只願搏扶上還  
許澄鮮守舍不

### 媚川圖亭上觀江心寺詩

三山海上失雙峯插作中川鎮水龍高出赭垣尊御寢長  
施粉無過僧筇夜敲圖繞千燈磬曉擊聲聞兩岸鐘莫恨  
無緣隨展鉢時來亭上足從容

轉菴輓詞

無復從容唱和詩忍為惻愴輓歌詞生前秋月春花了身  
後高山流水水知小阮竹林思步武仲方蒿里得追隨腰金  
鳴玉終塵土萬卷千篇付二兒

周去非懷歛飲

按朱聳號歛飲

白雲近青山清風動修竹竹間何所有曲澗聲谷谷山迴  
何可窮萬里來懸瀑昔有君子廬清標謝王屋北山茲正  
高邦君見良燭吾黨詎敢忘封植此佳木

王相南康泊舟欲遊廬山值雪

春風浩蕩江湖客咫尺廬山風雨隔  
門前老樹最關情一夜相思頭盡白

陳謙鄂州南樓

析雨沈絃思杳茫南樓依舊倚斜陽江湖草樹不相識吳  
蜀舟車祇自忙萬里筱聲驚客枕一天涼月浸胡牀古今  
多少英雄恨認取江南舊武昌

陳德翔和鄰僧韻

七八年來住水心喜鄰蕭寺共僧吟古池暗有泉相接春  
地從教筍自侵興到濃時因坐久交於淡處見情真極憐  
對立河梁暮海月初生日正沉

漳浦偶成

秋日已過半林無一葉飛曉風須闔戶夜冷旋添衣  
陰壑枕榔瘦陽坡華撥肥每傳鄰壤警行客往來稀

王鞏題管聖浩蒲川歸隱

卜築蒲川上翛然遠市塵潮聲書屋外月影釣舟前  
地僻紅塵淨沙平白鳥眠此中幽適趣不必問斜川

林賓陽紅葉

五夜霜為染，輕明映碧流。山林驚月色，天地欲無秋。  
野渡風初起，夕陽雨未收。昔聞供墨客，霜屋落颼颼。

葉適送林孔英

東堂質疑匙，啟鑰西廡坐。講水赴壑本，朝合選經博。士萬  
里那投郡，文學東風吹。散石門水吳人送去，蜀人迎雪山  
峩峩大江滿，花樓過之清又清。

送葉任道教授之官靜江

太學奏文夸第一，國子先生裏行立。嶺南梅花太枯澀，花  
豈喚人入底急。爐亭雪深叫孤鴻，傳書為想明光宮。雲翻  
雨覆古來有，不  
如堂堂金石守。

贈徐靈淵

歐虞兼褚薛，事遠跡為塵。今日觀來翰，如親見古人。  
盡歸嚴號令，富有活精神。碑板荒唐久，遑看走四鄰。



林敬之挽詞

雜選新河市酸寒處士廬甘辭魯穆饋獨著孟軻書  
籬壤從兒補禾荒付客鋤永嘉新有志莫遺姓名疎

題仰孝廉事實後

孝子久傳名誠通物表靈當年虎失猛此日竹還清  
墓墾無留菽庭荒枕舊廳惟存古題誌寶惜勝如經

悼路鈴舍人德久潘公

詩人冥漠去何訖花鳥相寬不作愁  
耆舊只今新語少九原喚起韋蘇州

送鮑賓甫

近年詩友東西去贈子驪駒媿不多  
古柳渡頭音調別滄浪聞處夜深歌

建會昌橋

十里滄浪絕岸遙幽人行處有誰招  
幸無車馬妨來往買斷寒蔬取意挑

周緒書事

北客樂馳驅，髀肉渾不生。輕風入馬蹄，一瞬萬里平。朝發長安都，暮抵受降城。陰山間鬼哭，征人晝夜行。黃塵雖染衣，紫翠堪奪睛。男兒平生遊壯志，多屢驚荆楚。豈不佳舟楫，非吾情。休誇魚稻鄉，莫戀烟波清。幸能脫七錐，側聽匣鳴中。

戴溪送王木叔黃州教職

龍飛乙科郎，白面如琢玉。去作幕下士，年少二十六。壯心直如弦，不耐公事曲。盜知太守尊，筆吏警羣目。太守豈不賢，去郡秉鈞軸。銓曹有格法，那肯煩薦牘。依然舊官職，再傍天之麓。六考未作縣，冷官到淮服。回來豪氣舉，酒斟能半斛。只今長說病，伏飲在胸腹。皇皇一世憂，隱隱兩眉蹙。中年苦節省，未必不為福。我生更迂闊，立意要違俗。誤使塵網嬰，同君被纏束。兩家各生子，丁壬合天祿。但得佳兒婦，兩翁志願足。岷山有舊約，相從結茅屋。明朝江上館，持君宿。

徐自明華蓋仙山院

萬當不如一十發却休九乃知多言累益謹三緘口寂中  
洊雷震悟處獅子吼百物自四時六鑿通九有風松靜度  
曲山花相與友心遠境更幽光生室無垢茶鼎蒼蠅鳴香  
戶黃金紐澄神天籟息見性藩籬剖對語彼上人一笑開  
塵成佛靈運後

潘遜枯山道中

綠遍沿溪樹殊鄉春又闌峯回疑有路水漲欲無灘  
靜聽禽聲樂閒同鷗影寒明朝石門洞瀑布共誰看

秋日會陳素齋

與世忘機久相親祇白鷗所居環一水為客又三秋  
籬老黃花瘦江寒紅葉流數聲悲靜夜雁度驛邊樓

沈埠維舟

野樹春深紅照水新秧雨後綠勻田  
斷烟隔岸梧桐角人立東風待渡船

白溪舟中

風約殘紅暖未晴  
崇朝厭聽打蓬聲  
白頭野老磯頭坐  
釣得溪魚不識名

戴蒙暮春偶成

家住柎溪欲盡頭  
茂林修竹不勝幽  
菰蒲漲綠蛙專夜  
榆葉吹寒麥半秋  
修禊從教非節物  
舞雩自有風流明朝  
酒醒春猶在更  
向長潭棹小舟

薛師石瓜廬

近日有深趣  
買得薛能園  
疎壤延瓜蔓  
深鋤去草根  
花前長載酒  
月下只開門  
最識田家樂  
辛勤更不言

宿瞿溪

船泊西溪岸  
人家晚更春  
霜汀寒有雁  
野寺夜無鐘  
竹逕通新店  
茅齋息病容  
農夫不相識  
問我欲何從

哭徐致中

亡友如今隔杳冥夢中只見病時形書窗閉久門添潤花  
遲荒來草自青一卷詩篇空就緒兩年文會覺凋零幾回  
行過松臺下不忍登堂不扣扇

### 題南塘薛圃

門對南塘水亂流竹根橋板自成洲  
中間老子隱名姓只聽漁歌今白頭

### 趙汝鐸水心新居

開扉待嘉客沽酒解閒愁半夜秋霖歇滿堂寒水流  
風聲生葉底月色在沙頭憶著鱸魚美松江有舊遊

### 戴仔答友人

錄一首

著書非為進歲久漫成編道遇言非贅身幽志自堅  
種瓜新學圃菽稻晚知田吾事未多闕衣裾莫浪褰

### 陳簡軒

闕名清虛堂

閉門瀟灑入窗明一洗浮生夢幻情夜月靜移花下影曉  
風輕度竹閒聲天空寥廓人孤坐地聳高寒鶴不驚滿眼

詩內編  
上

青山雲散盡恍  
疑身世在蓬瀛

### 鄭鼎夫山房

冉冉雲生石柴扉半掩深餘春歸草意積雪負葵心  
老去忽自笑興來時獨斟閒中參物理何處一蟬吟

### 徐照宿翁靈舒幽居期趙紫芝不至

江城過一宿秋氣入宵濃蛩響移砧石螢光出瓦松  
月遲將近曉角盡即聞鐘人起行庭際思君恨幾重

### 贈江心寺欽上人

客至啟幽戶筍屨行曲廊潮侵坐禪石雨潤讀經香  
古硯傳人遠新篁過塔長城中如火熱此地獨清涼

### 懷趙紫芝

一別一百日無書直至今幾回成夜夢獨自廢秋吟  
小雪衣猶縵荒年米似金知音人亦有誰若爾知心

### 題薛景石瓜廬

何地有瓜廬平湖四畝餘自鋤畦上草不放手巾書  
人遠來求字童閒去釣魚山民山上住卻羨水邊居

### 石門菴

菴是何年作其中住一僧蒼崖從古險白日少人登  
衆物清相映吾生隱未能夜來新過虎抓折樹根藤

### 徐璣述夢寄趙靈秀

江水何滔滔渡江相別離揮子家舍前對子衣披披問子  
何所爲旅舍未得歸執手一悲歎驚覺妻與兒起坐不得  
省清風在簾帷平明出南門將以語所知過子舊家處寒  
花出疎籬蕭蕭黃葉多裊裊歸步遲子去不早還何以慰  
我思

### 中川別舍弟

中川人語別南國夜何其江迴風來急山低月落遲  
纜從前浦遠角在古城吹五畝耕鋤地何當手共犁

### 送趙靈秀赴筠州幕予亦將之湖外

郡以竹爲名因知此地清溪來城下綠山到市邊平  
入幕非無客能文必有聲江湖共遊宦相望若爲情

### 泊舟呈靈暉

泊舟風又起繫纜野桐林月在楚天碧春來湘水深  
官貧思近闕地遠動愁心所喜同舟者清羸亦好吟

### 題陳待制湖莊

園無三畝地四面水連天行向樓高處卻如身在船  
野花春渚外山色海雲邊一任人來往茲懷亦浩然

### 送戴文子赴定海主簿

江天經雨後秋意轉新高遠棹送行客涼颺生細濤  
高人初祿仕判語亦風騷若到海西岸佛光盈翠袍

### 題薛景石瓜廬

近舍新爲圃澆鋤及晚涼因看瓜蔓吐識得道心長  
隔沼嘉蔬潔侵畦異草香小舟應買得門外是漁鄉

### 夏日南湖訪隱士



頻暑何能避孤舟訪隱人水鄉菱藕熟晴野稻梁新  
力學師前輩談空悟宿身鏡湖三百頃不似此湖濱

趙師秀哀山民號徐照

憶君初病時倉皇造君榻知為寒所中脛痺連左胛蔣子  
丹有神三日能屈伸五日扶杖立十日行遠巡於時數相  
見談娛靡曾倦啜茶能滿甌改詩忽盈卷君亦疑勿藥春  
和可為樂仙家桃最紅同踐天台約多愁積如山令君心  
不閒殘痾故未去溜齋腸腑閒岳僧有烈劑倒篋得餘惠  
服之汗穢漿事與東流逝啼妻無完裙弱子猶哀麕詩人  
例窮苦窮死更憐君君如三秋草不見一日好根荻霜霰  
侵萎絕嗟何早哭君日無光思君月照牀猶疑君不死猛  
省欲顛狂昨者君未疾相過不論日晴窗春剪蒲寒爐夜  
煨栗石塔苔蘚中猶有舊行蹤憂心不能寐無夢得相逢  
君詩如賈島勁筆韓天巧昔為人稱今為人寶石峯  
云不地葬從朋友議須求侍郎銘難見山民字平生翁與  
徐南去久無書不知聞信後涕淚當何如雁池  
烟水暮宛是西州路虛言楚客招終感向生賦

寄薛景石

尺書

藝文詩內編

三

虛窗風颭然獨臥聽殘蟬家務貧多闕詩篇老漸圓  
清秋添一月故里別三年最憶君門首黃花而野泉  
冷泉夜坐

眾境碧沈沈前峯月正臨樓鐘晴聽響池水夜觀深  
清淨非人世虛空見佛心却尋來處宿風起古松林  
送徐道暉游湘水

春盡雨霏霏春寒猶在衣人尋香草去鴈背遠峯歸  
瀟水添湘閣唐碑入宋稀應知名與姓題寫遍巖扉

### 盧申之載酒舟中分韻得明字

閒人閒處任載酒荷高情小舍益容客同舟卻向城  
弄花忘晝暑憂穀念秋晴歸路雖無月銀河亦自明

### 呈蔣肖韓薛師石

中夜清寒入緼袍一杯山茗當香醪鳥飛竹葉霜初下人  
立梅花月正高無慾自然心似水有營何止事如毛春來  
擬約蕭閒伴重  
上天台看海濤

陳揆卽事

誰家庭院冷蕭蕭  
閒却朱門不許敲  
惟有東風藏不得  
隔牆露出杏花梢

盧祖臯玉堂有感

兩山風雨故留寒  
九陌香泥苦未乾  
開到海棠春爛漫  
擔頭時得數枝看

松江別詩

明月垂虹幾度秋  
短篷長是繫人愁  
暮烟疎雨分攜地  
更上松江百尺樓

廟山道中

粉黃蛺蝶透疎籬  
山崦人家挂酒旗  
細雨嫩寒衫袖薄  
客中知是菊花時

邵經國上樓參政

聞道先生欲挂冠  
先生幾日出長安  
去時莫待淋頭雨  
歸日須防徹骨寒  
已遂平生多少志  
莫令末路去留難  
二疏

畢竟成何事  
留取他年作畫看

### 潘亥送兄赴饒

草堂荒蕪未春暮  
乳燕安巢雁北去  
回首蜃水桃始花  
及至螺江柳飛絮  
江東繡衣真御史  
聞者紛紛毛髮起  
日長惟抱空甕眠  
頭白應憐故人子

### 寄趙紫芝

長安獨跨驢  
一別二年餘  
朝士不能薦  
承明空有廬  
窗虛桐影薄  
權冷桂花初  
莫怪無書札  
心親迹任疎

### 吳端山居漫興

莫笑山莊小  
偏於隱者宜  
門當八字路  
園葺五經籬  
地暖花開早  
天寒酒熟遲  
不須雞報曉  
已得數聯詩

### 春日山行

雲峯疊疊路斜斜  
隔洞炊烟三兩家  
何處有香來不斷  
嫩風微雨落松花

戴栩白鶴寺

子晉昔游處平臺片石成寺名猶記鶴松響卻疑笙  
巖壁飛雙瀑金沙照一泓野人豈仙伴隨鹿過溪行

送項季約赴成都鈴幹呈洪倅

辟奏來從舊所知蜀天萬里去嫌遲清油幕建元寮貴錦  
領首參小校隨千古淚痕諸葛事十分行色杜家詩益州  
別駕如相問為說思君草檄時

周端朝三江口

吳門臺北竹樓隅三日追陪漫叟居曉夢驚辭赤壁鶴夜  
樓看打武昌魚橫洲遙激分燈影落月斜河運斗車回復  
三江問漢口陸離蘭葉響環瑤

草堂

上林不花一水淨游魚姿媚翻寒景釣蓑風冷天欲霜惟  
有白鷗雙對影北隣白幘南烏巾暮雅共集無行人草堂

老翁喚不醒孤  
照野梅消息新

### 趙汝回呈水心先生

鶴骨癯癯髮未斑  
秋風鷗鷺共翛閒  
芙蓉夾徑纔通馬  
楊柳沿池不礙山  
外稿定於何日上  
中興只在十年閒  
穀城片石無人識  
鐵馬堂堂出漢關

### 宿羅溪山

鷺嶺東遊霽景微  
碧桃花外一鶯飛  
樵夫不斫垂潭樹  
知有僧人掛浴衣

### 葉采書事

雙雙瓦雀行書案  
點點楊花入硯池  
閒坐小窗讀周易  
不知春去已多時

### 趙崇滋趙容州新居

舊日水心路新添  
趙倚樓詩盟不寂寞  
此地合風流  
隔浦荷花雨當門  
杜若秋有時清興到  
夜半喚孤舟

求酒趙評事

半老情懷睡不能  
小簷霜月當寒燈  
無人來問相如渴  
敲碎梅花一夜冰

陳埴南雁山

千峯歷罷寄山窗  
酒力詩狂總未降  
月白洞門花落盡  
天空華表鶴飛雙  
崖邊瀑雪寒侵夢  
澗底笙簫冷韻腔  
且喜懶殘煨芋熟  
不妨久話共秋缸

趙崇齋過楊子橋

一抹輕烟隔小橋  
新篁褪箬兩三梢  
惜春不覺歸來晚  
花壓重門帶月敲

薛師董秋風

秋風有落枝  
天籟動墳簾  
鼓角山河壯  
襟懷歲月遲  
阮生狂一嘯  
漢武老多悲  
雖有秦歌激  
終堪理釣絲

酬外湖樓詩

藝文詩內編

小雨潤蔬莢涼風展梧影雲連沙際白天開數峯淨湖樓  
百尺高坐覺秋日永寬鋤十畝園餘事一笑領荷枯水却  
清桂晚霜未冷誰能悲寒蠶聊忻小蛙龜飽客  
新豆菹鴛鴦我雙舴舨放浪誠有道居然惜俄頃

### 徐獻可南塘

南塘新雨過風暖橘洲香水長侵官路橋低礙野航  
竹棚人賣酒花笠婦移秧近日頻來往春歸有底忙

### 書齋

十日書齋九日扇春晴何處不閒行  
瓶花落盡無人管留得殘枝葉白生

無名氏

丁巳

題景星壁

陌上春風破酒顏馬頭珠絡響珊珊  
歸來院落已深夜滿地月明花影寒

### 蔣廷玉秋意

秋意如詩淡又如湘水清無家人易感有筆畫難成  
月冷砧干杵江空雁一聲夢回蕉葉上殘雨幾番鳴



淨刹

碑上文難讀開山失所傳巖松秋落子石井夜添泉  
地曠常多月厨寒不起烟昔年曾有虎來到寺門前  
盧方春送陸侍御歸越

啾啾風雨餘出畫意何如鏡裏無慚色囊中有諫書  
寒崖立松柏清廟擲璠璣海內看霜月光明只似初

水雲園池

貪山上水樓一望一層秋幽抱發明咏驚飛雙白鷗  
斯文今寂寞諸老舊風流漁者亦樂此扣舷清夜遊

寄趙東閣

棧閣傳鈴夜已深下方方沸管絃音霜飛初氣侵清坐月  
耿斜暉促苦吟蒼草只知浮世事燈花難說隱人心依然  
流水高山意我欲從之學鼓琴

薛嵎寄朱希仁兄弟

三尺青囊一  
咫尺不相見閉門惟苦吟聽殘寒夜雨灰盡壯年心  
身外一貧在燈前百慮深所欣交友義白首到如今

### 省試舟中

闕下春光近囊金又一空霜風吹敗絮星斗隔疎篷  
世道誰能挽妻孥見未同青燈對黃冊誤盡幾英雄

### 林魯長門曲

因宿秋山懶畫眉入宮歲早寵恩遲  
詩成莫寫溝中葉流到人間是幾時

### 韓兼山夜歸

西風浙浙吹荷衣家在蘆花深夜歸  
明月滿江人不見白鷗雙立釣魚磯

### 姚所韶漁歌

自得元真趣悠然與世忘一聲來欸乃孤棹在滄浪  
雲斷暮空碧江清秋思長欲將湘笛和無調入宮商

### 邱靜山

闕名客鄞江

山寒無美色風物動淒涼天地忽窮歲兄弟皆異鄉  
酒醒衣絮薄月落夜更長聞有家書到敲門喚隔房  
鄭吾民諸葛廬

瑯琊一室雲獨許老龍臥英氣宇宙春君臣重三顧  
歲久化為墟白日聚狐兔惟有忠臣心風雨不可破

吳肖巖名茅屋

茅屋三閒小春風長草芽故園經積雨老樹不多花  
黃髮長垂釣古書猶滿車近來人事別亦懶問桑麻

宋可菊名春日

門掩東風老無人載酒過半窗春夢短深竹雨聲多  
朽樹濕生菌殘蠶已化蛾因思舊遊地臺榭廢笙歌

潘希白送蔣朴之維揚

隋家天子愛揚州四十離宮取次遊荆棘久迷秦隴路柳  
絲空拂汴河流君才清似庾開府世事難於孫仲謀莫為  
青衫怯騎馬却將風景付閒愁

尺善集志

卷三十

可藝文

詩內編

入南溪

沙頭落月照蓬低  
杜宇誰家樹底啼  
舟子不知人未起  
載將殘夢上清溪

徐覲與客登山

與客登山去山陰  
路未乾就暄分石  
坐隨處帶書看  
宿雨添溪闊春風  
入袖寒却因樵客  
引尋得一叢蘭

鮑楚初夏閒居

杜門初入夏貧不厭  
身閒白日靜於水  
綠陰濃似山  
野蔬留客飯小艇  
送僧還却憶西菴  
後聲名石壁閒

仰止亭

昔年曾此戀青山  
幾度秋風入夢寒  
想得玉岑迴合處  
夕陽依舊滿朱闌

陳宜中如古城經吳川極浦亭

顛風吹雨過吳川  
極浦亭前望遠天  
有路可通環翼外  
無山堪並首陽巔  
溪雲起處潮初長  
夜月高時人未眠  
異日

北歸須記取平  
蕪盡處一峰圓

### 陳虞之山水小景

千年老樹立蒼石三峯兩峯天出雲  
青溪道士坐船上自按玉簫人不聞

### 送別

柳濕征衫晚出關荒城古雪劍花寒  
西風漠漠龍沙路馬上青山帶醉看

### 宋慶之寓武昌報恩寺

孟宗祠下竹依然借得空房竹樹邊貧寺少逢僧過夏遠  
鄉多是客經年倩人汲水時煎茗就佛分燈夜照眠家信  
不來心欲斷明朝又買漢陽船

薛美薛瓜廬吾宗人也吾不得而見之得見其詩斯可矣

### 太息而題於卷杪

結廬兄弟近長安弊却儒冠竟不彈自茹芝來輕漢召肯  
將瓜去博唐官貧多樂事清無盡手寫新詩墨未乾史筆  
須評隱君傳姓名應作古人看

### 詠柳

一撮嬌黃染不成藏鴉未穩早藏鶯  
行人自謂傷離別枉折無情贈有情

### 高彥竹寒夜

轆轤夢斷金梧井夜月沈沈風露冷  
起向庭中獨自行伴人惟有梅花影

### 王開平石門洞

層崖立水涓絕壁萬絲垂長是烟雲護不分晴雨時  
嵐多琳宇濕苔滑石橋危得句停舟寫春衫潤不知

### 劉植過彭澤

井邑已非舊柴桑里尙存春風三畝宅落日數家村  
隔樹聞雞犬編氓半子孫頽然孤隴上寒菊繞松根

鳳凰臺

昔年禪誦地荒草夕陽臺儀鳳有誰識遊人獨上來  
古桐陰覆井叢竹笋穿苔千古幾興廢北風吹雁回

周自中贈西山磊泉菴僧

門掩古崖碧霜欺苔徑斑去城無一里此地若深山  
留客吟松下驅泉過竹間羨師無外事相伴白雲閒

山居

又是閒中一日過明朝活計看如何  
拾薪童子歸來晚報說南山野菜多

林一龍次韻飲冰登萬象亭之什按飲冰宋慶之號

黯淡是州城川原一望平天高眾峯逼人立片雲生  
拂石同僧坐移筇避蟻行崑阿有泉眼不改舊時清

白沙至芳林嶺

海風吹島岸蕩路獨行初山險遊程緩天寒雨點疎  
莽田流水外高樹夕陽餘忽見題詩壁人言賈氏居

藝文詩內編

陳均遊鶴林寺錄一

竹遶高僧逢話處花留仙子舊開枝  
道心虛淡元無著付與東風爛漫吹

蔡槃瓜州

烟際繫孤舟蘆花兩岸秋江空雙雁落天迴一星流  
急鼓西津渡殘雲北固樓商人茅店下沽酒話揚州

自敘

江湖閒步幾經年窮似襄陽孟浩然折簡為求僧舍茗典  
衣因欠酒家錢真情盡向詩中見歸夢常於枕上圓世路  
風波深可畏結茅何日遂歸田

寄雪蓬姚監丞

憶昔青燈夜對牀斷猿聲裏早梅香一從去棹衝寒雪幾  
度凭闌到夕陽秋思漸於蟬外覺別愁偏向雁邊長梧桐  
解得離人意不遣西風吹葉黃



薛肩夔過朱氏居

地僻少車馬南山對草廬  
雨來雲滿案瓶漏水侵書  
老樹無全葉清池不養魚  
吟邊猶學圃日涉趣何如

元

徐似孫秋夜獨步

門巷清如水支筇夜獨遊  
馬閒官路月鐘滿禁城秋  
白髮空無恙黃花別有愁  
可人從此去不上庾公樓

許上之和戴奎韻二首

錄一

溪上扁舟載鶴過紅塵回首漫如何  
晚年邱壑襟期好此日江湖感慨多  
狂客空遺鸚鵡賦家人休唱屢屢歌  
等閒一笑成疎放倒著秋衣似敗荷

陳天祐春夜雨後懷王宰

一窗風雨後燈影弄微明  
未得留春句其如此夜情  
宿花無蝶夢吠草有蛙聲  
心上無端事蕭蕭白髮生

汪鼎新遣興

老去何心戀舊編  
一回開卷一茫然  
畫懸素壁風敲竹  
琴挂虛堂雨慢絃  
刻骨魯公猶乞米  
苦吟陶令卻無錢  
閒來靜掃松根石  
坐看輕雲出澗邊

宋眉年山步

未必清秋趣能如  
幽意長孤雲出野  
水寒鳥戀殘陽  
巖谷有空響  
野花無定香  
山翁忘世事  
不改舊冠裳

徐淮登松臺清秋有感

欲澆磊砢惟憑酒  
竹葉滿樽翻綠波  
欹帽正當風力緊  
吹簫無奈月明何  
高林紅葉得霜醉  
故國青山入夢多  
客子長懷有誰識  
憑高一笑付清歌

張天英武陵春曉曲書於玉山佳處

武陵春曉花冥冥  
漁歌蘭棹搖殘星  
溪涵山氣綠如酒  
幽禽啼破松烟青  
天上時聞鳳凰曲  
金門飛夢人初醒  
長嘯

銀臺月將落空翠著衣香霧薄忽見安期蓬海東劍佩從  
風降元鶴陽鳥銜火懸扶桑袖卷紅雲朝帝旁手攬龍車  
觀天光下視  
蟻國空千霜

### 曹睿飲顧仲瑛芝雲堂得酒字

元冬天氣佳野水碧如酒扁舟發吳門夜泊浣溪口緬懷  
玉山人閒者闊何久登堂問寒暄況復得良友佳人發清  
唱春色動江柳熒熒燈燭光飲劇意彌厚人生苦別離勝  
集固不偶出門夜何其仰見參與斗明朝隔烟雨相望一  
首回

### 孫華鳳山懷古

太息南冠久陸沈百年風節見於今王嘉不就公孫詔朱  
泚盜移秀實心遼海有靈歸夜月荒原無樹著秋吟不知  
江漢新降鬼會  
憶天朝雨露深

### 周君資避亂歸自北山

之書系示

卷三十一 藝文 詩內編

三民國二十四年補刻

三  
三  
臨壑蒼松鬢鬢強舌存齒徹復何傷青門無恙存瓜圃錦  
里依然舊草堂魚返故淵原自樂燕尋華屋爲誰忙天涯  
細草皆春色愁  
絕潘郎鬢上霜

### 陳元暉山行

短策登臨處白雲三兩家溪山增秀麗談笑咀英華  
興盡苦啼鳩春歸忽落花主人有珍味筍蕨正抽芽

### 沙可學詠懷二首 錄一

獨上高城望遠郊雁飛黃葉下蕭蕭天旋西極餘殘照江  
湧狂波作暮潮塵世百年雙鬢改鄉關萬里一身遙何由  
從獵灤河曲霜  
冷弓強鐵馬驕

### 薛漢和袁德平

世路不可涉風霜苦見侵園廬長入夢歲月易驚心  
木落秋容瘦雲昏雨意深登樓試長望烟水晚沈沈

### 和伯雍夜坐

月落夜方半江空歲又闌浮生知易老久客欲歸難  
漏靜忽聞笛樓高誰倚欄呼燈更小酌起舞戲盤跚

鄭洪題黃子久畫

二十年前識大癡梭鞵桐帽薜蘿衣星霜老髮三千丈梁  
棟遺材四十圍圖畫渾如詩句好丹砂終與道心違笻筇  
泉上青松樹猶覆當年白版扉

吳山白堦寺

江山襟帶尚依然王氣銷沈已百年八葉龍孫東渡海六  
宮虎土北歸燕銅駝荆棘荒山裏石馬莓苔落照邊玉柀  
游魂飛劫火五陵無樹不啼鵑

中有雙峰媚一川  
謝公樓閣尚依然

謝儁伯西湖偶成

思遠樓西平與東會昌湖上藕花風  
水亭隔岸湘簾捲人倚闌干憶謝公

陳一齋名闕谿亭次汪桐陽

空亭明遠嶂老樹黯餘曛野興臨流坐秋聲入夜聞  
漁歸孤棹月鶴睡一松雲記得前溪路人家兩岸分

宋可梅煎茶

汲雲煮雀舌仙味滌煩襟花縣春眠重山窗酒病深  
水香魚著眼烟起鶴移林陸羽曾題品清風直到今

陳麟題歸去來圖

飛泉千尺銀河懸孤松石上蒼龍眠四山無數白雲出  
五株衰柳當門前葛巾丈人步其下悠然別有山中天

翁斗村名闕江上秋感

寂寥搔短髮幽思滿滄洲一雨異鄉夢千山獨夜秋  
近書仍未達薄酒不消愁雙杵誰家急西風水外樓

吳澗所名闕趙宰別業

幾樹柳陰合空階一半遮破琴長在壁老鶴不歸家  
客至時供茗官閒更管花有時成獨步門外聽蜂衙

### 瞿澥搗衣曲

寒蛩何處棲棲傍礧石月停礧聞蛩鳴礧動蛩復歇似鳴  
辛苦心欲替征人說去年舊衣寄誰去今年新衣幾到曙  
卻移礧石來支機  
蛩鳴復在支機處

### 李壁太行山

跨連燕岱壓中州秀色浮空晚未收  
如此山河落人手西風殘照懶回頭

### 謝無競效香奩體

胭脂濕透汚羅衣春盡蕭郎又不歸  
香冷篆盤簷影轉一簾紅雨燕雙飛

### 劉宗功桐江旅泊

黃葉西風急離愁載一舟殘蟬荒驛暮明月異鄉秋  
禾黍生新恨江山記昔遊故人垂釣處流水自悠悠

明

林温醉學士歌

宋為學士  
濂賦

六龍高飛海宇一武功既定崇儒術九天宮闕五雲深雉  
 扇鸞旂乘輿出黃閣風高秋日涼西奎東壁昭文章聖明  
 天子萬幾暇詔許儒士承清光內宮傳宣走絡繹烏帽聯  
 翩赴前席大官賜饌薦珍饈光祿行觴洗瓊液玉堂學士  
 金華殿醉酒拜舞君王前天顏喜動笑模寫揮灑宸翰如  
 雲烟臣濂再拜喜欲顛臣有丹心赤於面臣心忠赤臣獨  
 知臣面赭紅人共見前綯後軼重儒林臣濂光  
 寵冠古今願持歸家貽孫子百世相傳同此心

癸丑中秋奉東宮旨賦秋月歌

玉階夜涼宮漏永風動梧桐委金井海門推上明月來影  
 浸冰壺秋萬頃銀漢迢迢星宿稀萬象不敢爭光輝關河  
 千里共今夕毋使霜露沾人衣小臣年年江海客獨倚山  
 窗看月色今年來對禁城秋鳳閣龍樓天咫尺玉門賓客  
 一何多承恩自憐雙鬢皤愧無  
 長才比希逸一笑其如秋月何



送婁士連之官四川

見說蜀中天下奇一官萬里去何之雲連古棧驅車遠江  
繞盤渦入棹遲落日秋風神禹廟黃鸝碧草武侯祠尋幽  
好載郵筒酒縣令相過是故知

林常風雨過鄱陽湖有感

三月雨多風滿天湖中水高難繫船大魚跳浪白如雪好  
山隔岸清於烟去官莫過彭澤縣讀書擬上匡廬巔人生  
百年苦行樂帝鄉遙遙心自憐

陳德甫溪山春曉圖

郭外長溪接遠江磯頭新水白鷗雙萬山雲氣翻春雪一  
枕松聲響夜壑賓客不徵綺里季子孫終老鹿門龐何時  
我亦來同隱多種桃花映酒缸

余堯臣秀野軒

永善系  
卷三十一  
藝文  
詩內編

濕翠浮草芽空青散木杪輕舟理棹歸人渡清曉棲鴉  
返故巢潛鱗濯新藻倒影淡斜暉迴颺晴吳鏡門夜不  
扇燕坐事幽討落葉秋自飄殘花春懶打我欲  
往從之稅駕苦未早揮手謝孤雲去去沒蒼皓

梅珪用韻呈戴東野二首錄一

曉看江燕掠簷過落盡春花可奈何南國烽烟春尙急西  
山爽氣晚猶多笑看詞客閒居賦醉和鄰翁擊壤歌更喜  
方塘初漲綠呼童趁雨種新荷

陳燧送邵鍊師歸江陰

青門隱者人不識騎鶴來尋華蓋君姹女夜栖丹鼎火玉  
妃春繡紫衣雲愁聞南國旌旗暗愛聽中天歌吹分此去  
元都舊時路碧桃紅雨正繽紛

曹介次韻寄胡叔僅

少壯相逢今老醜別來世事極堪嗟每因秋月思叢桂幾  
向東風漢落花塵榻豈無人可下濁醪偏爲客來除多君

蕙帳能高臥不  
管天書下白麻

### 張著秋興

故園東望海西頭幽事長懷九月秋竹几山明渾見畫槽  
牀酒熟不知愁霜寒杭稻肥黃蟹水淨芙蓉映白鷗隨分  
耕漁聊自適無端垂老向延州

### 送嘉定王尹移守松江

屠白羊酌紅酒共禱神祠留太守太守今年遷大州除書  
已下誰能留兩州相去無百里失君應愁得君喜安得如  
君數十人一時盡福東南民

### 劉南金客沙川

每厭紅塵歲月侵偶因佳趣卽登臨高低山色宜朝暮來  
往潮聲自古今夜雨頻催歸客夢梅花偏動故園心蹇驢  
落日沙川路瑟瑟西風和短吟

尺書系志

卷三十 藝文 詩內編

三

王份寄兄

江上冥冥雨似烟  
鶴鶴飛急渚沙圓  
十年書劍貂裘老  
萬里兵戈羽檄傳  
阮籍窮途空自嘆  
馮驩貧甚復誰憐  
天南泊還同不繫船

周詢題張師夔所作木石圖為潘行人賦

珊瑚出海枝撐空  
老蛟抉石雲玲瓏  
鮫鮪古色生莽蒼  
雙眸欲挂寒梢東  
張公昔年宦南服  
揮毫尺素如尺玉  
何從得此秋一幅  
蕭颯陰風動林屋  
請看屈鐵苔蘚株  
輪困豈比莊生樗  
萬牛回首不易致  
明堂梁棟今當需

潘畿題六檜堂卷

君家六檜羅堂下  
假借諸聲兩得之  
北顧欹梧留遠恨  
東遷禾黍有餘悲  
斧斤直欲戕根本  
梁棟將焉用爾為  
蔽芾甘棠召南什  
憑誰說與太師知

王毓羅山高一首次廬山高韻

羅山高哉何延表兮磅礴阻海襟甌江甌江之南數十里  
雨金山山左旋兮梵宮掩映鐘鼓聲相撞青山黃石列其  
下瑤溪厚碧尤洪龐穹崖瀑布瀉銀漢奔雷落澗發靈磴  
淵源到底更澄澈晝夜不息聲淙淙嵐氣襲人翳林麓浮  
雲帶雨來巖石喬松修竹夾徑有真趣虎狼遁跡聲無  
廬陵詞翰真跡留古壁晴烟翠靄擁護猶仙幢千載之下  
獲瞻兮摩挲老眼再三過却憐彼美才無雙令人對此快  
清隱隴上躬稼如老龐羽人詩友遠來敘情話呼茶淪鼎  
酒醜缸車塵馬足絕馳驟幽懷寄傲乎山窗歌春風兮問  
明月激清流兮枕石且陶生幸際唐虞世守拙終居父母  
邦追思移文會向山靈假若非稚珪拔俗之雄才周顛之  
志焉能降今又截轅謝逋客嗟我欲說安得巨筆如長杠

游仙巖和韻詩

山門深邃倚雲斜紺宇繽紛絢彩霞  
池湛碧映巖花泥沾貝葉梁閒燕聲雜昏鐘柳外鴉有約  
他年來結社共談元趣謝紛華

黃淮首夏述懷

抱瘵謝朝謁歸休臥田園未畢一身累暫息兩耳喧  
盥櫛肅衿佩舉帷坐高軒清和雨初霽綠陰日已繁  
文鱗泳芳池好鳥鳴樹間俯仰悟至理庶足開心顏  
此樂恆難得欲寫已忘言

### 秋暮書懷

極目關山幾夕陽況逢秋暮轉淒涼  
愁思竹葉浮鸚鵡寒覓蘆花當鷓鴣  
報主志存龜左顧思親心逐雁南翔  
折筵擬卜餘生事欲訴靈氛已斷腸

### 劉現江心送別

我愛中川勝尋常一葦通潮聲喧萬馬塔影浸雙龍  
江闊涵秋月雲深隱暮鐘送君成遠別鄉思逐飛鴻

### 潘文奎贈潘檢討歸任溫郡博

賜歸應喜遂初心兩鬢蕭蕭出翰林故里舊交無綠髮  
講闡列侍有青衿風生玉塵朝談易月滿春壇夜鼓琴  
暮景亦圖歸老計欲分半榻伴清吟

林詢夏夜

微風動林杪涼月透羅幃幽人不能寐攬衣步前墀墀前  
列佳木綠葉含素輝上有羣鳥集儔匹相因依莎雞草根  
鳴疎螢度林扉物情各有適巨細無或遺嗟予處熒獨惻  
惻恒苦饑連年厭征役陡覺筋骨疲干戈尙滿眼風塵暗  
旌旗俯仰宇宙閒歎息將安歸

梅頤四時詞錄二

松下桃笙酒半醒石根流水碧冷冷片雲將雨窗前過分  
得新涼入研屏黃葉蕭蕭獨掩關屏風小幅畫江山酒醒  
夢入湘雲去不  
管秋聲在樹閒

陳純初題聽松樓

雙樹巖前舞翠蚪瀑花飛雪下龍湫  
曉風吹瘦青山骨中有聽松人倚樓

劉清綠淨軒

清幽何異輞川墅古怪不類平泉莊屋頭葉化作龍鬬竹  
裏水流如酒香玉光出雲草木潤山色照我鬚眉蒼彈琴  
賦詩未爲樂日  
日須醉三千觴

黃采寄廷瑞員外

罷直下鸞坡離愁奈若何燕雲天際盡吳樹雨中多  
潮送江聲去雁將秋信過不須論往事強健且高歌

陳亢宗賜午門觀燈應制二首

錄一

白玉仙京上帝家六龍遙駕五雲車巨鼇此夕移三島火  
樹迎春吐萬花水咽宮壺留夜色懽騰黎庶樂年華承恩  
盡醉歸來晚  
派鈞天隔彩霞

方以正姚貳守宅會飲對菊聯句席上賦

醉餘岸幘一掀髯萬里雲烟景物兼白雁數聲來遠浦碧  
嵐千丈落前簷人生幾見黃花吐老去空勞白髮添欲罷  
還傾賓主意青  
天回首月纖纖



戴時雨次韻答林鎮東

別君歸去情偏惡，強自高歌託醉狂。  
問訊行舟來合水，起瞻初日候東方。  
阮生豈為窮途哭，蔣詡應憐晚徑荒。  
有約重尋松下路，短簫吹月據胡牀。

陳聳暮春感懷

載酒歡遊事已非，江頭春色漸霏微。  
留人檣燕呢喃語，度水楊花撩亂飛。  
久客每憐時節換，故園無奈信音稀。  
輕舟未解沙頭纜，愁倚孤篷對夕暉。

林補送陳翰林致仕

白髮老儒臣，承恩出紫宸。  
文章鐫國史，詩律紹唐人。  
湖海星霜久，鄉關夢寐頻。  
歸來應在卽，尊酒日相親。

葉錫元夕賜宴應制

銀燭通宵照五城，九重寒漏寂無聲。  
樂從霄漢空中奏，人在蓬萊宮裏行。  
火樹光騰春色好，金蓮花映月華明。  
小臣

永嘉縣志

卷三十

藝文詩內編

七

何幸陪清宴稽  
首歌詩頌太平

### 陳德慶暮春自遣

春雨厭厭十日泥隔林長日叫山雞溪頭新水綠初滿屋  
外垂楊青未齊消日酒杯空有限關情詩句却無題小窗  
睡醒無餘事閒  
理絲桐到日西

### 謝廷循寄志賢昭賢諸姪

白髮蕭蕭歸夢遲多情遠慰別來思春風拄頰披吟處落  
日登樓眺望時  
代衣冠承世澤百年詩禮見宗支籍咸  
共喜渾無恙他  
日相從愜素期

### 劉觀試內府詩

天官催入試翰苑午門西法駕移仙仗儒臣命舊題  
辭章疑潦草禁密幸攀躋安得如劉向來分太乙藜

### 陳性宗宋與寄友

落日猶未落青山還白青鳥飛三外見泉過竹邊聽  
童子求新汲先生守舊扇相看不相見應註太元經

秋夜風雨次虞原璩韻  
獨臥苦不寐燈殘知夜深青氈猶是客白髮最關心  
繞屋烏三匝隔江龍一吟誰家催寄遠孤淚滴清砧

### 周旋霜林晚節圖

朔風何蕭蕭嚴霜亦浩浩維此歲載陰羣芳盡枯槁  
松柏心堅貞長自保春風桃李花春雨靡蕪草紛紛競顏  
色第逞一時好

### 劉翼春日同文育會怡珙宅用子直韻

冠蓋如雲集樽罍北海寬月移花影轉風定燭光寒  
王粲詩方就陳思典未闕夜深清不寐踏月共盤桓

### 陳鐸錢塘寓館用韻寄趙荊州

海門一望接滄溟老我重遊鬢欲星人物已非前日態  
山還似舊時青當墟越女空招飲隔浦吳歌不忍聽萬里

程途多寓館不知誰是舊忘形

### 趙聞棠溪遇宗弟惟朝

寄倦棠陰渚相過有惠連  
臨風解行李避雨就航船  
盞共晚涼洗醉同秋被眠  
相看俱白首重會是何年

### 周凱九山寺

一入山來塵夢醒松風瑟瑟水泠泠  
遍尋舊迹摩苔碣謾寫新詩寄竹亭  
翠羽鳥銜香積飯白頭僧誦石函經  
陰雲忽送傾盆雨洗出峯巒分外青

### 王瑞羅浮山齋作

江城四月梅雨餘杜鵑啼血聲相悲  
微風南來弄晴色野花落盡殘胭脂  
桑柘陰陰護書舍閒關有鳥鳴  
黃鸝農歌遠近出村塢商聲互答良  
其時我家自昔居村落廣歌對酒  
歡酬醉田家此樂無人知春耕夏耘  
秋有穫功名富貴是等閒太平喜  
遂豐年樂

王由寄商素菴先生

把釣桐江畔烟波盡日看榮名膺上第直諫忤中官  
泉石娛身老松筠耐歲寒今皇新御極耆舊慶彈冠

謝暹送人還霞城

江路花飛風寂歷瑶草離離暮烟碧仙人招爾歸不歸誰  
跨蒼龍橫玉笛碧桃始花春未深環佩珊珊雲霧霧手摩  
芙蓉上玉京日照麒麟生五色

葉義周月夜泛舟

月色晴鋪萬里秋笑呼小艇泛中流一天清氣生吟榻萬  
頃寒光逼醉眸已有風情如鑑水却疑身世在瀛州隔城  
聽得笙歌奏知是誰家倚畫樓

趙旺夜飲鑑湖書屋

岑樓高百尺淨倚鏡天開分榻連雲臥鈎簾待月來  
欲追王粲賦莫惜杜陵杯薄暮凭闌望天邊一雁回

葉聰秋懷

北斗城高近海溥每歲風景動微吟青山有恨傷  
水無情自古今幾度吹笳空夜月誰家擣練急寒  
此日重回首忽見江花思不禁

王瓚遊仙巖寺

清興渺何許登山極上層境幽無俗駕寺古有高僧  
翠靄屯林木流泉濺石棱探奇歸去晚枯幹蕪為燈

茅竹嶺西莊

乘閒聊赴野雲期水荇牽風蕩槳遲求友黃鸝聲緩轉伺  
魚白鷺步輕移江清似此誰同渡山好吾今更有詩茅竹  
嶺西千樹竹繁陰如蓋坐多時

黃鐘宿澄鮮閣次壁閒韻

對酒不辭醉因從高閣眠銷魂風共雨極目水連天  
燈影沈帷外鐘聲出枕邊獨憐今夕永孤鶴唳芝田

李階松月軒

年來柴市罕經過掃得松根落葉多  
紗帽籠頭對茶鼎月明不問夜如何

王澈同竹巖弟過陶成洞

試覽羅東勝游節喜共支陶成右古洞題詠有新詩  
海日光先射山雲影乍移何當謝塵鞅長向此棲遲

葉式閣試

聖主延羣策選方觀小臣仰瞻黃閣曉鼓舞紫垣春欲售  
匡時志先呈許國身邇言煩吐握朽質藉陶甄時雨有餘  
化至仁無棄人撫心  
恒自警何以獻楓宸

張孚敬書院成

臥龍潭下書院成白鹿洞主慚齊名松菊已變荒蕪徑溪  
壑更添吾伊聲蒼生有望山中相白首願觀天下平青衿  
登進樂相與日  
聽滄浪歌水清

之

藝文詩內編

三三 民國二十四年

### 止劉提學遊雁山

海內衣冠集雁山  
 草茅無路得追攀  
 山中定掃豺狼道  
 天廊廟心相似莫  
 道樵漁盡日閒

### 金陵秋興八首

一夜秋聲到碧梧  
 鍾山削立草堂孤  
 九霄玉殿開神祖  
 千古金陵壯舊都  
 但恐凡才污畫省  
 何求侍女執香爐  
 尊鮑數動扁舟興  
 白鳥滄洲見後湖  
 賢關曾扣歷清曹  
 聖世才難借未遭  
 耿耿於今懷父母  
 哀哀何以報劬勞  
 天邊勅捧黃龍軸  
 地下恩均白鷺袍  
 遐盼孤雲邱隴隔  
 湛空零露滴蓬蒿  
 白門朝出暮還歸  
 又見長岡木葉飛  
 羸馬卻知由熟路  
 傲裘猶足備寒衣  
 近來昆弟傳書少  
 昔在交游見面稀  
 日食太倉升斗粟  
 稻粱正想故山肥  
 雞鳴牛首鬱崔嵬  
 武帝戎衣近一來  
 會報美人回玉輦  
 幾回朝士望金臺  
 龍江千里牙檣動  
 虎旅三邊錦隊開  
 回首人歸何處去  
 秋原白骨不勝哀  
 石頭城壓大江邊  
 誰遏降王計萬全  
 千騎倒戈秋渚裏  
 九江授首落帆前  
 鼎湖龍去渾無日  
 渥



水駒生已有年定命於今真主在華封何幸祝堯天去  
 歲朝朝見聖顏軒輝初對立清班本從周孔尊彝典忝逐  
 歎韓冒大奸日月應臨肝膽赤雪霜旋改鬢毛斑孝陵宮  
 殿秋林近寂寞於今對晚山會辭北闕赴南宮相遇真  
 為自古難一代終期對禮樂兩京猶得從衣冠扁舟未遂  
 歸張翰空谷休孤起謝安是處亂蛩衰草裏月明無語倚  
 闌干北望傷神暮景催故人書至獨憐才秋光又逐黃  
 花滿霜信先隨白雁來宋玉悲秋還作賦社陵抱病欲登  
 臺近聞邊塞猶多事  
 百二重關不可開

恭和御製翊學詩

帝王治有道修身宜所先於皇聖天縱受命真自天陞彼  
 霸功小愛此王道平經筵講大學治法三代前乾乾自不  
 息安然而能遷升堂人其室登山陟其巔擴之保四海泉  
 達火始然卓哉真德秀義能衍斯篇微臣忝進講膺服同  
 拳拳

王激稼軒

藝文詩內編

太平無稟勸東封且爲明時作老農歲事斟量春信後  
衣料理雨聲中百年目足江村味一飽龕醅未耜功草澤  
行吟君莫問道人不是鹿皮翁

### 喜歸雲峰山房

江上青山入望新客衣初拂帝京塵庭闈歲晚思歸養雨  
露恩深許乞身雲谷誅茆營別業鶴山摘茗煮先春莫言  
林下無居士束絹新裁折角巾

### 雄溪舟中

幽居十日閉茅堂偶著綸巾問野芳細雨斜風吹客鬢白  
鷗畫槳共湖光花枝作旆村醪熟土鼓迎神社飯香小晚  
詩成雲水暝高歌擊楫和鳴榔

### 天津待家兄不至

一川成春夢帆檣何處津斷鴻冥望眼新月照孤身  
客悶難忘酒燈花亦誑人夜爐灰漸冷心折衛河濱

送周思訓致仕歸郴州

魚鳥升沈只自憐  
文陽人去早春前  
長亭日暮風吹鬢  
野水波寒雪滿船  
江上草堂空四壁  
天涯燈火又三年  
子規聲裏瀟湘雨  
不到先生負郭田

移居白鶴書院叙懷二首 錄一

屋上青松屋下泉  
紅塵暫了買山緣  
一燈喜共妻孥影  
十載獨憐風雨天  
春半寒庖除舊穀  
村南社雨足新田  
盤殮不問魚鰕市  
法席新參玉版禪

王湖張秉用孝廉計偕北上過訪言別詩以送之

江城著烟鳥欲棲  
茅茨兩邊雞亂啼  
滿山落葉溪水赤  
一客入戶秋日低  
書聲漸覺林薄寂  
詩思遠與雲霞迷  
賢才登進我所欲  
江上幾回聽馬蹄

燕京留別張相公

五六年來同旅食八千里外話歸程孤舟細雨短長夢落  
日青山今古情野老有心朝北闕塞鴻何事復南征故園  
此去逢秋穫簫鼓雞豚醉太平

### 張純泛湖

遠峯列翠媚雲鬟雨後幽花滿目斑隔岸朱樓烟樹裏誰  
家玉笛夕陽閒天光蕩漾酣華燕風景依稀似故山爲憶  
西湖秋萬頃悠悠畫舫未知還

### 項喬京中送鄉人

拂衣天北不衝寒漸喜江心近馬鞍  
我亦欲歸歸未得東風沈醉爲君拚

### 項璫西湖

曉日湖光漾盤旋石徑紆沙邊維錦纜松下度籃輿  
粉墮蓮房瘦烟銷荷帶疎采菱誰氏子歸路唱吳歎

### 王健郊外曉行柬茅鹿門

晴烟積翠隱林臯  
旭日流暉動客袍  
睡犬未驚民舍起  
饑鳥初集女墻高  
榴分野色渾疑火  
松人江聲併是濤  
此景從來堪寄興  
莫將珠玉惜揮毫

### 懺閣阻雨

危崖側轉路千重  
懺閣登臨坐午鐘  
可是潭龍來聽法  
半山香雨忽濛濛

### 題湖南處士卷

湖南結屋水雲閒  
十里平湖抱岸還  
日落沙明開玉鏡  
芙蓉倒浸郭公山

### 王德遊寶巖寺

山溪行幾曲小憇是雲林  
望入青巒迴談從白柏深  
攜壺無俗客學語識幽禽  
忽爾逢漁者誰知坐釣心

### 中貴人采金南方

萬國共球入帝廷  
重聞新命下青冥  
未央散遣中人日  
南部遙看使者星  
海上黃金無大藥  
人間丹詔有威靈  
司農

爲佐軍儲否  
歲徵輸或可停

### 黃一鵬樂清尹王婁江招飲沐簫泉亭

天際一亭開雲閒雙騎來欲尋仙子宅共上沐簫臺  
階樹光含雨巖花笑近杯山公俱酩酊疑泛習池回

### 登吹臺絕頂

千仞岡頭一振衣幽厓陰洞到來稀青天樂向空中聽半  
嶺雲從足下飛坐辨陰晴殊衆壑行攀日月隔重扉詠觴  
未盡登臨興側  
景催人下翠微

### 王挺江心寺

寶刹中流起雙峯九斗分天疑留砥柱山似惜離羣  
禪室全臨水僧龕半宿雲曉來鐘磬發遙向隔江聞

### 黃燦東山草堂圖爲趙東山題

草堂虛敞依青嶂門逕逶迤蔭綠莎華蓋雨來雲拂戶墨  
池春暖水生波書攤清晝鳥聲碎簾捲晚風林影多今日

長楊初獻賦未  
應回首憶烟蘿

葉幼學題畫屏

樓臺倚拔萬山前  
堊水滌澗亂石邊  
茶寵竹牀搖晚翠  
短篷高柳夕陽天

王文東漫興

孤心原不厭  
藜蒿歲晚寒  
光入緼袍映  
月蘆花和岸白  
翻風石竹出牆  
高乾坤消長看  
周易身世浮沈  
寄楚騷多道  
充龍成落魄  
醉來何事氣猶  
豪

孫昭憶趙竹川

苦憶竹川子  
新橋移小舟  
蟹螯樽酒暮  
菰米石塘秋  
陟嶠雲連屐  
歸城月滿樓  
相思吳楚隔  
烟水自悠悠

許琥春雨卽事

春光知幾許  
寒雨尚瀟瀟  
簾捲桃花艷  
林藏鳥語嬌  
顏從明鏡改  
愁向濁醪消  
已混樵漁跡  
無煩話市朝

朱邦彥邵武道中

石磴緣巖一線通肩輿和雨度千峯  
不知甌曲花前信吹過春來第幾風

婁恪除夕

白髮侵蓬鬢青燈對濁醪一年今夜盡萬慮幾時消  
庭樹風千葉窗梅雪半梢酒闌詩未就雞漫報明朝

王諍江心重新門樓志感

中流寶刹似仙槎西竺浮來互海涯一自諸天停玉輦俄  
然孤嶼擁金沙雲樓幻現三千界烟樹平分百萬家只此  
滄洲足棲隱誰憐城市老年華

王叔果京口夜泊

地迴風聲震江空月色微棲鳥驚不定旅鴈欲何依  
歲暮心彈鋏天寒念卷衣家山千里隔幾在夢中歸

村居卽事



天上風雲變態殊，山中歲月竟何如。但聞魏絳和戎策，誰  
草王符愛日書。別院青春來舊燕，近郊綠樹帶新畬。投閒  
老矣無他念，日向溪邊看釣魚。

### 望京城

驢背春風悄，林端曉月明。凍消塵不動，天迥雁聯征。  
日耀雙龍劍，雲垂五鳳城。長安知不遠，攬轡欲澄清。

### 王叔本江心避暑

尋幽來古寺，露頂坐蒲團。雲散諸天淨，江空六月寒。  
叢林開雪竇，曲檻落風湍。一入清涼界，頓令心地寬。

### 王叔懋遊仙巖

幾年蹤跡寄江湖，每憶空山得自娛。雨後瀑喧芸閣濕，夜  
長僧定佛燈孤。鐘聲百入誰虛枕，世界三千厭道途。他日  
重來尋勝事，禪關應許共跏趺。

### 張鳴鸞送章一山南歸

花柳爭妍夾萬川紅雲如繡綠含烟孤帆此去看圖畫百  
轉鶯聲勝管絃久客頻趨金谷外到家疑在玉堂前風流  
我憶王摩詰為  
寫江南雨後天

張鳴鶴贈楊南麓進士

黃花山下景偏佳驚見寒梢帶月斜  
問字何人能載酒草元堂外擁青霞

林宗教澄鮮閣懷古

松老祠宮裊兔絲南枝不改撼風悲  
暉陽力盡還為厲諸葛身穢欲報誰  
江海朝宗應有意汴杭回首悵無期  
洲前蘋藻秋堪薦淚灑當年紀事碑

陳貞詠仙鶴觀錄一

偶息棠陰下聊登子晉臺旅魂驚去雁  
春信問江梅生事青藜杖愁懷白酒杯  
安期如有約早晚賦歸來

林宗正燕丹古興

昔聞燕趙地慷慨多悲歌今歷燕趙區烈烈北風多北風  
吹車車欲覆捲地塵沙眯兩目白日為昏不見人淚下如  
聞漸離筑漸離之筑當如何燕丹六義激荆軻誓將一死  
為報怨藐視秦政如么麼言下千金無諾責西入函關為  
刺客臨歧一筑易水寒蕭蕭古道衣冠白可憐七首鴟鵂  
鋒不中秦王事已空八百年來燕社稷噫嘻轉盼為秦封  
劫灰不沒壯士魂千秋俠氣滿關門關門多少英雄客弔  
古青衫濕淚痕共道燕丹能速禍我為雄心快千古子房  
椎興博浪沙刑徒笑起驪山塢君不見齊楚株連趙魏韓  
奴顏婢膝要秦歡江山一日同吳沼何似昂昂公子丹

### 王光蘊游雨花臺謁南渠公祠

帝城佳氣曉蒼蒼極目三山思渺茫石磴曲盤雲樹暝天  
風輕度雨花香空中華塔標靈界江上飛帆帶夕陽無那

登臨感今古還尋京兆舊甘棠

### 趙祖冬謝公亭

謝公今不作亭植大江心事往青山在盟寒白鳥沈  
古碑磨水影高樹落春陰登眺斜陽外長歌慨古今

藝文詩內編 民國二十四年補刻

王應辰園居

喬木穿青谷名園帶紫畦  
花知隨意發鳥欲向人啼  
砌影風前竹池光雨後霓  
坐來自忘去非是武陵迷

答戴錦衣

早謁麒麟殿曾詣龍虎韜  
馬嘶燕草細鵬落朔雲高  
結客傾瓊醕逢人脫寶刀  
仍聞宮直暇詞賦振風騷

張遜業遊仙巖寺

支杖探奇度遠峯雲門遙見翠微重  
珠宮縹緲懸銀漢寶樹參差鑲玉龍  
啣露蟬聲和法偈出林香靄帶疎鐘  
尋僧擬結青蓮社應覓廬山惠遠蹤

項敬祖重陽後三日王暘谷大參招陪吳翁晉飲江心寺

遊興本來偏臨江幾刺船身躋孤嶼  
上望入九山前但得簪黃菊何須玩白蓮  
東南賓主在一一是豪賢

陳鳴鳳春望

鶉鳩聲歇雨初收一帶春山翠欲流  
何處尋詩堪載酒綠楊堤外有扁舟

### 劉懋功古長相思行

我思美人隔漢陽九疑日出烟蒼蒼望而不見心欲絕空  
留雜珮蘭茵香行雲行雨朝復暮無情有情誰之故哀狖  
饑聽深樹啼干  
秋神絕高唐賦

### 康從理登燕子磯

雨過長林翠濕衣澄江迢遞隱壺扉濤衝絕壁看疑墮雲  
擁危闌思欲飛草樹依微分楚甸樓臺掩映遶吳畿憑高  
日盡歸鴻外干  
古閒愁對落暉

### 江行有懷社中諸友

扁舟投落日遙夜楚江隅月上寒潮靜燈依野岸孤  
馳驅悲斷雁牢落愧棲鳥一灑并州淚東流入舊都  
懷顧太學

藝文詩內編  
三

登樓風雨暮蕭蕭久客離魂黯欲消楚樹吳雲春寂寞塞  
鴻江燕歲迢迢新愁芳草天涯路舊事梅花月下簫今日  
分飛悲萬里憑闌搔首思無聊

### 王如璧遊江心

中川由來兩山夾相傳有僧此說法雙峯中斷忽復聯  
負恆沙勢如壓一時聞見舉竦然爭輸金粟營諸天陵谷  
幻遷幾千劫神呵鬼護淒寒烟宋蹕當年值艱否航海文  
山此棲止摩文配卓表雙忠英烈江山並流峙猗余甘載  
辭中川歸來風物良非前叢林宛轉負偉構金波碧巘相  
新鮮上方寶宇渺峯律樓閣參天麗朝日浮屠逼漢儼朱  
輪迴塘偃臥隣鮫室秋江水月蕩層陰玻璃萬斛浮珠林  
天香梵語隔城郭蛟門一色空人心象外權歌動寥廓鏡  
裏帆檣偏錯落蓬瀛彷彿路非遙滿眼流光看不足

### 洪孝先金陵與周雁川話舊

倦彈長鈇負年華共對琴尊惜聚沙千里鄉心貧有妹十  
年生計客無家黃金浪說燕昭館白髮還食赤水霞盡道

新詩君獨細轉  
憐椽筆畫生花

同王太僕出郭訪黎瑤石秘書話舊

一片礎聲溝水西  
尊前秋色為君攜  
高天塵淨羣山小  
遠岫雲來萬樹低  
劍合龍泉分紫氣  
書從天祿照青藜  
長安年少頭俱白  
莫謾當歌問鬪雞

張昭贈張白門

帝里稱名隱  
翛然水竹家  
嵐光團野榻  
鳥跡印江沙  
石室千秋草  
春畦五色瓜  
鶉衣吾道在  
寂歷謝聲華

王良心遊孤嶼

海上浮來第一邱  
仙舟頻結白雲遊  
蟹樓晴吐雙林曙  
鮫室寒生孤嶼秋  
姑射登臨疑北固  
謝公題詠徧東甌  
眼中自有蓬瀛境  
何用乘槎探十洲

黃一莊客懷

滿天風雨作新秋  
臥起無聊獨倚樓  
遙望太行天欲暮  
白雲深處不勝愁

### 王繼明蜀中寄所親

杜鵑啼處是東川  
北斗遙看思惘然  
盛世無才漸竊祿  
衰顏何計覓真詮  
少年幾醉星霜下  
此夜還疑筆硯前  
莫謾題詩懷舊侶  
春來歸思已翩翩

### 林懋功書懷

夙昔襟懷苦未酬  
風塵做盡黑貂裘  
祇餘秋水芙蓉劍  
夜夜精光逼斗牛

### 張汝紀宿巴東館

暫憩巴東館  
驅馳春暮天  
人家蒼嶺半  
麥壟白雲連  
夜靜江聲急  
山迴月色懸  
停盃問郵吏  
明日是西川

### 送大兄北上

紅葉西風別思多  
臨歧揮淚聽驪歌  
星河影傍龍泉動  
鴻雁聲從蜃海過  
兩岸秋山千里月  
一帆寒雨萬重波  
春來



漫憶池塘句  
色都門遲玉珂

張鳴鳳送太衡弟北上

把臂拂青萍  
含愁對紫荆  
月浮鳩鵲觀  
花繞鳳凰城  
況是連枝會  
翻為萬里行  
懸知池草夢  
遙憶不勝情

鄭貞元白雲菴次韻

芒鞋踏徧白雲阿  
滿壑松濤疊翠波  
一自老禪譚偈後  
半簾明月照人多

邵倬遊江心

何處堪為汗漫遊  
興來攜客此登舟  
浮雲忽幻羣山色  
祇樹寒翻萬壑秋  
虹飲長川收暮雨  
雷盤高閣撼江流  
憑闌不盡登臨意  
搔首蒼茫問十洲

周宗旦寄贈方隱君四首  
錄三

隱君家在九華山  
夜夜春風吹珮環  
雙袖白雲留不住  
化為龍氣滿天關  
日日騎雲向武夷  
芙蓉千尺插天池

邊白鹿春無數叱向高巖耕紫芝  
山中高臥六十霜  
青雲為佩霞為裳南溟六月赤虹起羣仙跨之來翱翔

### 周文美寄懷洪從周社丈

十年燕邸故交違萬里懷人思欲飛浪迹自堪遺聖世深  
情誰復念緇衣地偏花鳥驚時改郊迴風烟逐望非為問  
客星池上路此  
心終肯負漁磯

### 張德明悼忠詩

緊惟革除際天意何分明一以昌帝圖為世開太平一以  
立臣極為道扶忠貞偉哉卓夫子仗節首捐生砥柱屹然  
立坐障滄溟傾綱常既標表日月迴光精乃知有自來於  
事長有徵當其童叟日純孝根天經深夜馭虎歸呵護頰  
山靈生為烈士在天為列星餘勁鼓噫氣猶足鞭雷霆  
明也產公里瞻言歧芳聲采采西山薇糝以沅湘蘅再拜  
寶香麓佇立獨屏營天  
風灑毛髮恍見來霓旌

### 陳紹賢贈陳學博陞任巴東

歐江冬暮最關情  
落木千山此送行  
一命原爲秦漢士  
五經重授楚諸生  
雲開古壘龍山近  
天遠孤舟夢澤平  
別後思君何處是  
猗猗蘭芷滿江濱

### 何堅西山護國寺

暫謝塵氛地來尋  
鹿豕羣山行迷翠  
靄望足黃雲  
古寺林中見天香  
坐裏聞長吟  
忘去住  
樵牧下斜曛

### 王繼莊贈關別駕四首 錄二

都仙昔冲舉遺識在  
龍沙日唯千載遙  
丹臺貫金花元風  
暢五陵八百隨飛霞  
其師匪異人豫章以爲家  
夫子起新  
建紫氣成龍蛇  
竭來振瘡痍流惠於永嘉  
永嘉古仙窟  
太玉浮菁葱華蓋攬吹臺  
瞥見雙飛龍使君守清淨  
皎日  
行秋空戴盆無遺照  
探丸無遺踪車門冷如水  
袖刺疇能通何謂老王生  
渤海翻見容

### 吳彥匡飲王挺然齋中感舊之作

帝城烟月憶同遊  
日夕清談散旅愁  
有酒便尋桃葉妓  
無錢將典鸚鵡裘  
阮公逝後誰青眼  
陶令歸來已白頭  
佳會

良宵真不易  
尊爲爾更遲留

### 項以勲春懷

徘徊惆悵舊游蹤  
暮雨朝雲一夢中  
檻外空餘雙燕子  
春殘猶自傍簾櫳

### 聞得仁題楊掌教北湖菴

翻陽春至水如苔  
楊子談元草閣開  
一望湖光三百里  
薰風五月自南來

### 張昂寄許海岳太史

天上仙人碧玉堂  
山中野客薜蘿裳  
青雲附去才偏澀  
白石歌來鬢漸蒼  
環珮瀛洲憐窈窕  
宛經綸黃閣喜相將  
秘書只擬從君讀  
吐握當年意已長

### 葉選入山和舍弟仰山韻

歎息年來滿眼塵  
春風覓棹一尋真  
山中猿鶴休相訝  
原是烟蘿舊散人

王孟暉武昌晚泊

遙指春紅滿，微廬故山望。斷萬山餘舟，前入夜聞吹笛夢。  
裏逢人說寄書，赤壁月明飛一鶴。武昌水暖躍雙魚，相如  
多病還為客。懶散無心賦子虛。

虞世暘清明舟中

舟從雙嶼向三溪，晶晶晴波接曙堤。古寺迴風寒食柳，短  
牆臨水午時雞。高低陵谷梨初放，遠近郊原麥正齊。為取  
烟光拚一醉，莫教空酌草萋萋。

王光美白沙嶺望梅

縹緲烟波一望收，天風吹浪海東頭。  
千峯紫霧通瑤島，恍見仙人十二樓。

王名世彭城舟中

蘋末風生五兩輕，呂梁水落浪花明。  
停杯不御思公子，獨憶雞壇昔日盟。

周一奎送劉博士之任湖廣

落日甌門外長波破暝烟官仍寒博士人上楚江船  
海月歸仙旆山花媚遠天白憐吾道大萬里一青氊

項維聰漫興

無言獨倚木蘭舟見客猶遮半面羞  
我有青衫應欲濕無人知是舊江州

雨後登鎮山

暑氣消拳石息影灌木陰譁聲減桔槔喜色生  
千林微潤安足恃滂沱須甘霖四山尚雨脚百昌知  
天心久立轉焦勞曠覽非登臨童奴不解意拂石張囊琴

贈李使君

高秋長鉞許相過意氣逢君一放歌興自臨卣杯底盡詩  
於彭澤菊邊多佳人玉笛聞春柳碧檻銀燈撲夜蛾聖世  
可能容蹇拙欣從太液共恩波

吳光翰錢塘夜雪

積雪滿江干，霏微夜色闌。  
光浮汀樹碧，聲入海潮寒。  
戍島猶燈火，漁槎任釣竿。  
茫茫天水際，疑作玉京看。

泊清江浦寄山陽楊明府同年

長隄四望渺烟波，欲泊扁舟更渡河。  
江北雁鴻秋後少，山陽礎柱晚來多。  
蕭條古驛霜千樹，冷落漁燈雨一蓑。  
爲問彈琴淮上宰，小山叢桂近如何。

林陽江心觀潮

孤嶼潮生江月迴，晚風吹浪響春雷。  
水晶宮殿通鮫室，海角珠林結蜃臺。  
千古風流懷藻思，百年英烈想殊才。  
佛龕燈火光猶在，曾照君王步輦來。

黃宗揚正與山居卽景

一庭山百隴，真是綺園家。  
欹砌淹殘雪，疏窗宿斷霞。  
鶯聲三月柳，鶴跡半溪沙。  
問字曾無客，開尊獨坐花。

王光經東谷菴

古刹藏幽谷林深何處通  
午風松謾謾曉露竹叢叢  
鳥跡疑無徑梵音覺有宮  
客來層嶂外僧定密雲中  
草長緣塔碧花飛入座紅  
晨昏鐘磬響靜悟得真空

周文穎紫心香

枝枝嫋娜映窗扉  
冷玉含烟尙未稀  
寄語兒童休折取  
恐將香露濕春衣

翁家春山東道上

覆地蘆花白燒天柿葉紅  
客心愁落日馬足趁歸鴻

戴宗璠仙巖觀瀑集流觴亭

寶地尋丹壑春風漾彩舫  
山容開遠黛水鏡合中泠  
徒倚雲松暝低徊瀉瀑縈飛揚  
奔素練噴薄敵春霆  
樂意同濠濮澄襟契瀚溟  
羽觴流竹澗禊飲續蘭亭  
良會猶難再高歌且暫停  
林光呢宿鳥野火吹沙汀  
歸醉茗花椀還翻貝



葉經餘情猶未  
撥遮莫動晨莛

戴宗璫冲真觀

昔時見說丁丁碑未解此碑落何所年代已多碑已殘怕  
向人閒作柱礎今秋挾卷來宣陽雨後新涼生白苾廣文  
官舍一亭無但覓溪山自容與一水灣灣屬浦迴斷橋流  
潦爭喧歷僕夫負我超彼岸俾見鐘樓高拂漢開元天子  
葉神仙會勅名山為道觀真人妙道傾天下太守高才埒  
王謝澹惟偶過為談元卻求麗藻光重泉文章草草求不  
得夢裏揮毫更洒然天雞啞啞夢轉驚仍於紙尾書丁丁  
一時結撰稱怪事千古冲真記勝情蔡牀少憩試秋茶往  
事淒涼感物華最憐丹竈浴狐鼠惟有洪鐘如鼎呂斷碑  
漫漶敲不停前年昇入公庭去栝柏昂藏老翠虬斜陽衰  
草冷颼颼縱橫鳥跡苔階上可似丁丁遺篆不

王維夔偕董達父翁克生家弟昭會夜度虔南第一關因

同用為起句

永嘉原志

卷三十一 藝文詩內編

夜度虔南第一關  
驛懸燈綠樹  
九折王陽坂  
路驚心步轉艱  
現絕躋攀暗塵驅馬青山外  
古

包容採蓮曲

微風落日動波光  
葉并起雙鴛鴦  
歌響回船盪雙槳  
採蓮女遠去花中央  
蓮花亂粉面荷

湯克詢春風亭為徐博士賦

東山飛翠入簾櫳  
譚盡羲文三十六  
令人不覺醉春風

柯榮送吳門陳仲明遊關

有客維舟賦遠遊  
湖海元龍傲何尺樓  
鴈聲中菰葦洲  
千里池鄉重作客  
十年愁鬢又逢秋  
已知

林翔送何无咎之白門

祖帳清尊此送君  
關山鴻雁不堪聞  
石梁霞起飄詞采  
赤土星躔動劍文  
萬樹秋聲遙帶雨  
千峯寒色莽生雲  
西風何處逢搖落  
目斷河橋路轉分

張中蘊題聶明府擊壤集

喬松秀新霽修篁  
靜含影峭精琴心  
遠蕭爽鶴韻永  
升邱得異境令人  
發深省絃歌憩美  
陰九臯清露耿

王士光題爽閣

飛閣俯平疇登臨  
翠欲流天開山似  
畫雨過樹疑秋  
極目遙青入高歌  
大白浮壁閒何所  
有寒氣隱吳鉤

胡維寧舟中即事

雲舒遠嶠雨初收  
葭菼蒼蒼一棹秋  
白鷺不知新水漲  
飛來還認舊磯頭

林宗志送陳仲川

芙蓉江上半含秋  
新月蘆汀送太邱  
此去月圓人已遠  
那堪望月獨登樓

### 周應期江心寺和先太史韻

漫傳世外有蓬萊  
靈境中流不染埃  
欲倩羽輪來作楫  
翻疑蜃氣結爲臺  
望窮蒼漢江雲起  
醉倚危樓海色開  
試讀舊題先德在  
萬重錦浪破春雷

### 陳堯言秋懷

何處飄桐葉  
蕭蕭不忍聽  
鄉心曾夢寐  
寂散跡尙雲萍  
旅館寒先到  
孤眠酒易醒  
推窗欲天問  
斜月映殘星

### 張聯芳送何无咎至榆關赴鄭中丞之招

招賢書幣至  
握手暫相分  
海接黃河水  
城連紫塞雲  
檄文勞彩筆  
兵政試參軍  
別後關山笛  
淒清不忍聞

### 王志言謝公亭效謝體

江蕩元陰曠  
劫淩孤岑  
河瀾媚層刹  
雲水互升沈  
瞰海芳榭透  
迤控珠林  
摩崖像康樂  
臨風懷佳吟  
夏禽變春

草五馬空遺音意澹境逾寂慮忘淵與深塵踪  
乍闌市流光悵古今何如屏勞雜於此披我襟

### 登永靈山

東甌海上最高峯結伴來登仗瘦筇山控孤城封薜荔潮  
迴雙塔出芙蓉平原綠映千疇稼遂壑聲旋十里松一嘯  
長風招玉羽相將此地覓仙蹤

### 王至章詠懷和韻

庭槐誰植舊時陰遁跡牆東恐未深一榻清風高士臥半  
窗明月故人心浮名無復塵中擾幻境應從夢裏尋淨土  
由來多慧業試將妙果滌凡襟

### 劉思祖飲湯見絃左丞宅

得見真如夢天涯恍一家杯深霜後葉燈落雨中花  
劍氣沈湖海萍蹤負歲華離心與鄉思啼徹夜城鴉

### 懷姚龍文

獨憐流滯共他鄉  
白草連天道路長  
鼓角夢迴江漢月  
雁鴻聲斷薊門霜  
論交自任平生俠  
結客誰當年少場  
一夕思君揮綠綺  
兼葭落木夜蒼蒼

### 黃國信大龍湫觀瀑

遙聞邃壑響晴雷  
天際泉飛一道來  
映日光搖虹變幻  
迎風素捲雪徘徊  
忽從歌嘯沾衣袂  
時灑珠璣落酒杯  
四顧霏霏看不足  
又憑拄杖上高臺

### 林隱之秋夜集王季中齋頭

花底笙歌月下聞  
曲闌干外駐流雲  
鷓鴣典盡盜籛醉  
遮莫胡牀坐夜分

### 諸時升雨後吟

山中習靜無人語  
檻外惟聞鷓鴣啼  
見說夜來風雨急  
落花流水滿前溪

### 劉光亨閨思二首

花下與郎別別去郎音絕花不負郎期花開郎未歸  
花亦不常好顏萎委秋草相逢花落時芳心可自持

張天麟西山曉望

風嘶鐵騎草萋萋碧落暗分唱曙雞佳氣漸浮平楚外清  
光遙接薊門西鎖開閭闔千巖曉霧捲滄江萬木齊多少  
廢興烟草裏西山雲壓翠鬢低

秋思二首

水闊菰蒲淨江空暝霧收客心原自冷搖落不關秋  
湘水千年恨孤臣萬里情秋波催落葉寒雁兩三聲

邵建策過嚴灘

千峯迴合古祠幽烟外靡蕪入望愁山月清秋痛整樹客  
星殘夜落漁舟郡名猶借嚴家姓江色長遺漢水流明發

王程南北路幾人蕭瑟問羊裘

王至京楓聲

水香系舟

卷三十四 藝文詩內編

吳

一山紅樹起秋聲  
風急飄飄逐遠旌  
好句溝中題未就  
斷腸陌上思偏生  
朱顏欲老驚秋鏡  
霜面初酣近赤城  
爲憶楓宸催漏日  
鳳凰池上聽流鶯

### 陳立政桐江舟中

窈窕青山枕上迎  
橫空嶺樹作秋聲  
晚來但覺衣沾露  
若個蓬窗無月明

### 陳應聘登雲龍山

停舟問水依岸見  
南山古寺連雲聳  
遊人落日閒臨池  
知鶴去望氣擬龍  
還張子修真處  
清風不可攀

### 劉康祉延綠軒爲張叔平題

主人年少惜居諸  
山色湖光萬卷書  
散帖松陰開綠字  
披帷花氣襲荷裙  
鴨頭春酒中堪漉  
馬齒嘉蔬手自鋤  
莫是風流今仲蔚  
蓬蒿芳翠接君廬

### 留別无咎少文二丈



雖被飢驅出其如步不前低回向兒女蹭蹬怯山川  
雞足原荒服刀頭指隔年期君惟善飯遊草藉君傳  
金錫敦送項懋德副使之廣西

春風吹柳綠送客向牂牁萬里蠻烟重千山桂樹多  
人瞻新節鉞道偃舊干戈此去尋銅柱應憐馬伏波

項守祖經華嚴廢寺入大龍湫

片地猶存古刹蹤崎嶇徑度疎松秋深古蕩見歸雁嶺  
隔靈湫尋臥龍淨宇未陳何處榻高岑先過此時節日斜  
鳥雀爭棲宿暮色蒼蒼映遠峯

徐洪復別友人歸秣陵

一劍隨孤影三山道路長笑人方把臂游客正思鄉  
古驛生芳草征帆挂夕陽幽懷千萬里無夢不瀟湘

蘇楨江山早眺

聞雞方罷舞放眼一登臺海日雲扶起天風鳥喚來  
山青苔欲蝕水碧霧初開對此還多憾空懷庾信哀

邵建章登浩然樓詩

浩蕩觀秋水長歌倒綠尊  
虛樓含蜃氣危石潤潮痕  
落日收江郭殘霞散海門  
滄桑何足問一醉任乾坤

客中

客中長夜那能堪吟罷推蓬酒半酣  
霜月半天柔櫓響載將殘夢過江南

方日升同劉逢祥遊洪山寺

出郭探靈勝攀蘿到上方  
崖開金刹麗林護藥官香  
雲淡江流細烟消樹色蒼  
居然雄楚望何必問瀟湘

方日新無題二首

水白沙青二月天  
離人獨上路  
河船應知到處頻  
回首君在江南  
妾在燕鶯花處  
處處報春光  
一片離愁上太行  
自是君心留不住  
休言柳色滿河梁

張蘊璧秋興

千山落木正蕭蕭，入夜篝燈倍寂寥。  
點點螢光侵翠幌，啜啜蟲語度寒宵。  
張儀舌在仍蓬戶，揚子元成待聖朝。  
莫遣南冠囚楚客，可能樗散老漁樵。

### 孫林同楚客殷徵卿飲太玉樓次韻

容成洞口古仙關，虹駕層樓碧漢閒。  
王子吹笙驂鶴馭，騷人飛羽染朱顏。  
雲深竹徑苔衣滑，風靜珠簾烏韻閒。  
謾道當年池上酌，風流今日得追攀。

### 張士和送友遊吳

長歌撫劍對離杯，愁思臨風不易裁。  
越嶠雲山孤騎遠，洞庭烟月片帆開。  
藏名豈效壺公隱，下榻偏宜孺子才。  
卻憶姑蘇佳麗地，遙知懷古一登臺。

### 王至彪晤與萊姪

纔入羅浮境，江山豁我思。  
相看人似水，不盡畫於詩。  
啖荔宜長客，紉蘭依舊知。  
自君爲政簡，遊者總無疑。

陳名卿暘湖卽事

湖畔森森玉萬竿，湖光掩映水雲寒。  
片帆飛入烟溪暝，過客應疑作畫看。

陳仁卿遊貞白寺

三涉尋山到永嘉，白雲深處此為家。  
一邛多種千年木，片石時棲五色霞。

陳晉卿送友人之燕京

邛上牽蘿繫客船，關河杳渺綠尊前。  
龍門匹馬當秋度，象浦孤帆入暮懸。  
廿載貂裘猶滯越，千金駿骨已歸燕。  
休嗟客路秋光晚，回首春風早著鞭。

陳可棟江心寺

岩窈梵宇卓中川，倚檻登臨思惘然。  
丞相祠前雲樹合，謝公亭外水連天。  
潮平古岸風帆迅，月映澄江塔影懸。  
帝子遺蹤何處覓，清輝行殿冷蒼烟。

姜應果采蓮曲

若耶溪頭新過雨  
婉婉芙蓉嬌欲語  
深閨少婦正含愁  
共汎蘭舟渡烟渚  
紅妝映水爛明霞  
爭前競折雙頭花  
玉纖斜綰藕絲斷  
綠雲半鞦翠蓋遮  
花容自惜人誰敵  
欲寄相思川路隔  
棹歌一曲起中流  
驚散沙頭兩鷓鴣

趙士儀中秋城陵磯舟中夜望

露冷磯頭夜氣清  
滿空星斗映波明  
一彎黃月斜將墮  
遠近風川漁唱聲

陳邦屏楊柳枝詞

微風澹澹月溶溶  
禁柳初眠夜色濃  
露葉織成千種恨  
一春無語上眉峯  
黃沙磧裏遠從軍  
白馬津邊逐雁羣  
四月初始青原上  
柳吹來羌笛不堪聞

姚虛煥客夜

白髮歸何晚  
湘江兩度秋  
寒蛩將夜雨  
併作客窗愁

程萬里山梅盛開因憶德運芄若二甥

香風暗度野人家曉起驚看滿樹花  
欲折一枝傳隴信數聲殘笛夕陽斜

陳忠義寓西湖

西風匹馬武林秋水國蒹葭憶舊游何處揚雄堪問字  
邇來王粲倦登樓才疎祗為浮名誤計拙翻增羈旅愁卻怪  
癡魔長自在昨宵猶夢拭吳鉤

陳謙壽柳亭衢先生過訪

君來春正好烟柳滿江城擊鉢新題詠傳杯舊友生  
鳥因窺客下花故傍人明莫惜頻過此關河易愴情

王古詠柳

欲與梅花鬪早春陌頭纔見翠眉新  
不知長日緣何事吹盡東風不解顰

吳雲鴻春日酌趵突泉

出郭饒春興尋幽到水雲  
堃泉隨地湧細雪倒池分  
花氣微風暖嵐光遠樹熏  
清都塵事少深院步虛聞

### 陳陞游江心寺

中天忽湧靈鼇脊四望山  
光湛寒碧層漢雙懸率堵  
坡亂流屹立楞伽石蓮臺  
寶殿開玲瓏峭壁下瞰蛟  
龍宮蓬萊壺嶠若咫尺午  
夜日浴扶桑紅飛閣憑虛  
寄舒嘯獵纓萬里來雄風  
文信忠貞表遺跡砥柱能  
扶地維仄江聲嗚咽月明  
中千載猶疑見顏色弔古  
無須重怙慷古今風物共  
悲涼酒闌獨汎星槎去忽  
聽鐘聲出上方

### 任日躋夜坐感懷

長夜輕寒屬早秋銀河清  
淺碧烟浮何人向月催碓  
杵有客凭欄歎徹裘遠寺  
疎鐘虛入夢高城殘角暗  
生愁年來多病偏多恨幾  
處傷心淚欲流

### 余元溪松臺山

一聲啼鳥破春愁直上松  
臺頂上遊碧樹低藏花逕  
小白雲深鎖竹房幽千家  
桃李迎晴日九斗烟霞擁  
畫樓徙倚

危欄更回首恍  
疑身在六鼇頭

董元晉宿上天竺

上竺層樓聳橫窗月色清蛩悲秋露濕鐘送暮雲輕  
燈罩牟尼珠焰風翻貝葉鳴何須方外覓卽此悟無生

董大受庚午除夕

歲寒浪跡寄羅川回首鄉關思黯然  
旅邸年華愁裏度天涯兒女夢中憐

蘇之偉謝公亭

謝公亭榭在乘興一登臨名勝宣城地悲涼越客吟  
曉霜寒沁月衰柳淺垂陰欲和驚人句風流自古今

謁文丞相祠

丞相祠何處淒淒俯大川潮吞不鳥味血灑杜鵑天  
芳草朝烟暝青山落日懸西臺曾擊石慟哭至今傳

王起元兒童翫月歌



今朝月更好去屋只丈餘且離阿母懷下牽  
長兄裙相將喚聲傍舍兒我家有月爾何如

### 王名英送劉參軍

千條弱柳綠如烟欲挽征人奈別筵  
玉勒曾嘶野戍外樓船時駕水雲邊  
重辭甌越長為客一入天台渺若仙  
此後劉琨須憶舊莫因迢遞惜瑤篇

### 鄒寅秋柳

不復青青拂女牆獨留疎影落銀牀  
祇緣弱黛爭春日故遣纖腰妬夜霜  
荒苑數枝風裏瘦長隄千縷月中黃  
愁來送客難為折只有寒蟬引夕陽

### 葉尙高上太守

北風袖大惹寒涼惱殺温州刺史湯  
何似蜉蝣易生死得全楚楚好衣裳

### 戴昌鳳送朱淡生之天台

昨夜春風到碧苔一肩行李入天台  
山深流水依然在溪  
冷桃花半未開采藥展停松下徑尋芳衣掛竹邊臺  
漫結烟霞侶且  
憶家園歸去來

楊世瑞九日借友人登郭仙菴

九日攜樽陟翠巒况逢朋舊共追歡  
江搖白練連天遠山  
疊青螺作髻觀何處雲烟浮海曲幾家砧杵送秋寒  
龍山  
勝會誰人得折  
取芙蓉醉裏看

王欽彝贈族人移居

小隱年來賦卜居蕭然環堵意何如  
階疑碧蘚連陰候院  
鎖寒花細雨餘避世不妨蓬戶閉絕交安問故人疎  
茂先  
無物堪移去剩  
有盈車萬卷書

王欽豫同友人話西湖舊游志感二首錄一

自別西湖已十秋每逢烟月憶同遊  
傷心不盡年來事風雨冬青總結愁

劉士焜讀報國錄先編修傳

金陵故主重詞官魁壘丰儀  
君骨立雪霜寒先鳴稍次方  
臨海後死無慚卓瑞安聞繹  
非關孫與祖普  
天臣子獎忠丹

王宏性客中野渡

溶溶秋水接天涯半浸雲光  
何處鄉關堪極目孤帆獨掛  
夕陽斜

王鴻京送林弱仙遊吳

驛客逢秋作遠遊登山臨水  
柳先攀越海頭莫問鼓鼙驚  
旅夢但憐礎杵動鄉愁蘇臺  
烟月多佳致一  
任奚囊句好收

國朝

林占春寄懷陸麗京

飄泊憐吾黨，騷壇憶舊盟。君為湖市隱，吾學霸陵耕。  
桑苧翁留姓，烟霞叟匿名。雙龍劍未合，風雨各悲鳴。

### 林夢龍過江心卓忠貞祠

兵入金川事已非，孤臣殉國淚沾衣。  
攀龍何取從魚服，逐燕空令上帝畿。  
港族甘心全勁節，徒封遺疏識先幾。  
荒祠寂寂局江滸，古樹迷離黯夕暉。

### 羅浮山柳將軍廟

羅浮峭壁倚江濬，古廟巍峩劍履新。  
月上潮聲嘶戰馬，風搖巖樹撼征塵。  
最憐人傑思安漢，更愛山靈說避秦。  
咫尺中川文相國，雲旗來往不辭頻。

### 楊逢霖過暘湖舊館五首

錄一

舩艣輕移綠水前，辛夷花發柳如烟。  
人情似共花情醉，暗逐花香送客船。

### 王至嘉寄懷吳中諸友

昔年京洛幸同羣遙對蓬萊眺五雲  
冀北無良空市骨終南有徑恐移文  
蕭條斜日人千里寥落風寒酒十分  
爲問推埋何處去可能重弔望諸君

### 王睿舟行有作

輕浪逐扁舟千山勢欲浮  
波衝危石咽帆帶夕陽收  
歸鳥寒烟外行人古渡頭  
櫓聲搖月裏疑是泛槎遊

### 楊一完秦淮舟中

已作南行計何緣溯北流  
淮陰重問渡京口載維舟  
倦槳迴鄉夢孤蓬送客愁  
悠悠身世事誰與論沈浮

### 詹堯廣中秋宿孤嶼

明月中秋好江天正沈寥  
樓臺沈暮靄鐘鼓咽寒潮  
龍女珠明滅鮫人室動搖  
題詩與誰共珍重此良宵

### 黃鳴球江頭夜坐有感

萬里清江鎖暮烟扁舟夜宿海門邊  
千堤草色生鄉思一派潮聲到客船  
難寫音書傳過雁故將心事對啼鵲  
臨風

惆悵頻回首宵  
拆迢迢更可憐

### 王錫瑄登甘露寺玩江樓

大江流不盡迴帶有金焦匹練連吳會寒礎入暮潮  
雲歸山樹暗月上海天遙咫尺通霄漢何人夜弄簫

### 秋柳十首 錄一

不耐腰肢強自持  
憊憊宿雨正顰眉  
瘦如沈約頻移孔  
病似吳蠶欲斷絲  
子夜微霜堤色冷  
武昌明月角聲悲  
秋風落雁斜陽裏  
正是長門鎖恨時

### 曾鳳翔題漁隱卷

鼓柁烟波上飄飄不世情  
生涯千頃遠名利一絲輕  
跡共浮雲暇心同流水清  
生平身外事端與白鷗盟

### 旅懷

梧桐葉落桂花秋  
此際懷人分外愁  
獨倚畫欄清不寐  
一聲寒雁過南樓

張采齊紀行

落日空山裏高低客路迷疾雷翻石壁驟雨暗前溪  
斷樹杈枒立驚禽錯亂啼不堪搖落盡何處足攀躋

林健別席司李

哀鴻聲裏大江秋一曲驪駒不可留紅樹遠村霜下淚青  
山歸夢雨邊舟烟迷殘堠愁征路寒入孤燈怨驛樓別思  
黯然聊聚首蘆花明日已汀州

贈別南生魯先生二首錄一

一曲驪駒起暮城春花春草喚愁生  
季鷹不為鱸魚去誰識江東有步兵

王爾椒春懷四首錄二

暮雲羌笛動江城滄海烽烟迥未平下瀨盡持楊僕節度  
關欲請尉佗櫻中流破浪檣帆迅落日懸旌壁壘明聞道  
伐謀須勝算幾時樽俎坐銷兵此日萍蹤敢重論吳鉤  
看罷轉銷魂杜陵飄泊家何在馮客悲歌鉞僅存幾處躡

三才集卷之六  
三十一  
三  
點啼白晝一江烟雨送黃昏容成  
絕頂堪凭眺愁見浮雲蔽故園

### 寄懷陸麗京

當年君泛海東槎羣彥追趨區水涯投刺昔曾傾許下上  
書親自擬長沙梁鴻作客歸無地潘岳還家鬢已華縱有  
元亭遺業在懶將奇字授侯芭

### 王觀送吳師還京

遠駕樓船杳渺閒波澄今已見清灣北門鎖鑰分藩出南  
越珊瑚入貢還已奉宸章趨殿陛難留仙旆駐江關燕雲  
縹緲思無限翹首斜陽萬疊山

### 楊兆岳送法幢大師之大梅并遊台宕

化人遠在海天睡手把孤筇一問之道契盜辭千嶂隔身  
閒只有片雲隨石梁月落應留偈雁宕秋來好賦詩此去  
歸期難屈指門前記取舊松枝



楊毓岳途中作

喬枝嫩綠鳥聲微一路幽香送客歸  
忽憶明朝春欲盡故園零落野花飛

李元發同梅贊臣遊江心寺

紺宇薰風拂彩鈴蒲團坐對兩峯青  
屠沽懺悔堪參法魚鳥忘機亦聽經  
到處生涯雲滿袖得來慧業水盈瓶  
棲遲漸覺器情盡靜夜漁歌出遠汀

陳邦紀夜泊錢塘

旅宿維舟晚明霞亂水紋風烟兩岸合  
吳越一江分高塔懸新月孤城繞暮雲  
胥濤終古在天色借氤氳

丙申夏 西苑瀛臺 召見恭紀

羣依曙色謁天間拜命初分第一行  
如見卿雲歌復旦欲沾湛露賦晞陽  
臨軒火藻開丹掖夾道松筠映畫廊  
鴻羽高乘霞際彩鸞班遠接殿中香  
聖人自昔勤宵旰小吏由來欠贊襄  
敷奏未窺唐典策撫綏誰踵漢循良  
葱蔥

西苑王猷茂習習南薰化日長四國無虞期脫劍三年底  
績問爲郎分符非不煩宣力學製猶然重報章率土何常  
非樂土毋忘  
咨牧說平康

林齊鐸陪萬兵憲飲陳中秘宅賞瓶花

清標如在玉堂中瘦影相看酒不空分自嶺頭香拂幌寄  
來隴上冷欺風八方何遜詩偏逸客似元龍賦獨工安得  
琴尊長作侶漫  
隨短笛逐飛蓬

谷宗綱登滕王閣

高閣凌虛江上開登臨四顧亦雄哉誰將此地傳杯手獨  
擅當年作賦才霞鷺似留新翰墨水雲猶擁舊樓臺斜陽  
影裏滄波浩無  
限豪思逐醉來

包文愷飛霞洞

片巖聯堞起剥落遍蒼苔棹入桃花發棋閒鶴羽來  
流霞暎綠草飛翠拂雲垓碧水仙宮淨何時洞口開

張俊中川寺

鰲極凌空亦壯哉  
水晶宮殿此中開  
雲扶塔影隨波湧  
風挾潮聲撼地來  
落日寒蟬鳴綠樹  
荒亭古碣繡蒼苔  
淒涼留得雙祠在  
千古精光射斗台

陳天章初夏偕同人讌集江心分賦

塔擁中川最上乘  
清和天氣喜同登  
從軍自昔推王粲  
得御於今見李膺  
啼鳥聲殘春已去  
垂楊影密日初蒸  
江山四望堪題詠  
欲作驚人句未能

黃厥昌春暮尋陶貞白丹室故址

仙境人初到  
花飛春已深  
白雲橫舊嶺  
丹室隱重林  
不見金銀氣  
惟聞山水音  
浮生為物役  
暫且寄幽心

徐凝感事

慘淡黃花地  
崢嶸白雁天  
連山開毳帳  
橫海出戈船  
陣結寒雲合  
刀鳴朔月懸  
國殤與野哭  
對爾一潸然

春日卽事二首錄一

林外紅雲映碧溪  
芳園雨歇早鶯啼  
誰家畫鷁雙蘭槳  
撐出河橋楊柳西

林必登贈體印上人

蓮宇依鰲背  
花臺倚蜃川  
山山青送黛  
樹樹綠生烟  
悟徹江聲苦  
心閒海色鮮  
蘭盂清曉氣  
茗椀洗春泉  
入望銀城迴  
浮空寶筏懸  
雲垂龍聽法  
林動鳥歸禪  
鐘磬波閒月  
樓臺水底天  
昔曾從面壁  
今亦幾忘筌  
香積僧厨午  
菩提佛國年  
西來當日意  
誰共遠公傳

陳振麒遊孤嶼

雙塔連天際  
嶼岫不可攀  
潮聲兩岸急  
山色隔江閒  
城郭烟雲裏  
亭臺水石閒  
漫言塵俗累  
咫尺是元關

鄭文標過釣臺

釣臺寂寂枕荒邱  
千古高風孰與儔  
山水終歸嚴子宅  
波濤猶作漢時流  
灘聲入夜搖寒月  
樹色凌霜接素秋  
欲渡

扁舟更回首蒼  
蒼烟水照羊裘

謝包京賜湖卽事二首

遂與車塵絕茅茨物外懸有來山突兀欲往水淪漣  
憐衰病春花感盛年倚欄無一事珍重賦遊仙  
田家林塘竹徑斜罷栽彭澤柳來種邵平瓜倚杖  
移長晝開尊駐晚霞洒然婚嫁畢五嶽未為賒

長安秋感

上苑涼颯起高商報素秋已成宋玉賦更上仲宣樓  
返照黃雲暮迴風白雁愁蕭蕭寒色近清角滿皇州

陳璉別梅贊臣

驛亭分袂覺蕭條愁見征鞍隔小橋烟水迷離吳地遠雲  
山斷續越天遙半江帆影牽輕棹孤嶼鐘聲答晚潮千里  
別君無可贈驪歌唱徹黯魂銷

翁應春借包幼白妙高臺夜坐

山意祛塵雜孤清此夕中怒潮千里動靜夜四天空  
塔影藤蘿月鐘聲竹柏風隔江烟樹裏寂寞一燈紅

梅調元王謝祠

前守推王謝荒祠倚郡城千秋傳墨妙六代擅詩名  
沼古鵝還浴塘春草自生風流今古事俯仰一含情

金陵懷古

白門佳麗古吳京秀氣葱葱望裏生蕭寺只今餘畫壁秦  
淮依舊夾朱甍千年豔血埋鴛冢六代寒烟繞鳳城多少  
遺墟人不到夕陽飛鳥自關情

梅調鼎笙臺晚眺

仙人遺蹟寄山阿春入元壇長薜蘿丹竈雲深留虎護瑤  
笙風暖倩龍和峯頭五老迎殘照水面雙鳧狎晚波樵唱  
牧吟歸曲徑萬家竹樹暝烟多

張雲翼芳草八首一錄

古岸離離曲徑迷青帘斜映小橋西瑤堦題怨年年長金  
谷無人處處齊湘蕙漫隨蕭質化燕絲故向柘枝低尋芳  
蠟屐登山去應惜春香印齒泥

張師典初夏偕葉又生遊證聖寺

空山寂寂冷於秋鳥度歌聲韻更幽古徑行隨青嶂合禪  
心閒共白雲遊林深淡月飛烏鵲松老晴嵐舞翠虬欲待  
天香秋夜折雄心未許付丹邱

王萬昌懷人

湖烟漠漠雨漫漫一水相思問渡難到得醒來猶是夢原  
非愁處不成歡疎鐘晚度林陰寂素壁宵分燭影寒滿徑  
落花猶可聚聯茵那得重盤桓

王相與川子姪城南雅集遲梅贊臣

憑將書札報有約訪城南曲徑花頻掃方池月乍涵  
屐聲纔入聽坐客已無談林下諸賢在風流忝獨慚

鄭應曾王草堂招集江心卽席分韻

右丞騷雅競躋攀初息招尋孤嶼閒此口江天開曉霽昨  
宵風雨送春還千層塔影疑撐漢萬里潮聲欲撼山詩就  
不知烟樹暝猶同呼酒對潺湲

陳元書立夏前一日王草堂招集江心卽席分韻

啼鵲昨夜惜春殘此口樽開北海歡孤嶼霧深晴亦雨諸  
天雲近畫生寒隔城柳簇堤邊浪出水鷗翻江上瀾卻喜  
惠連邀入社羊何應愧和歌難

謝夢覽追和文丞相宿中川詩二首錄一

百折閒關鬢欲絲河山風景幾傷悲小樓三載疑無地全  
史千篇說與誰碧血任從王謝哭丹心早與謝張期狀元  
嘆息書空讀羞見先生一片碑

康世綏江心寺卽席



江上峯青映綠蕪雨餘載酒坐逢壺隔林水漫樓臺影遠  
岫天分海嶽圖喜托良遊從雅士謾言高隱學潛夫座中  
疊見新詩出瀟灑才情各自殊

王詠過玉介園有感寄歌者

廿年歌舞地回首不勝情羣馬留荒野殘霞失繡薨  
春風空自媚夜月向誰明獨有何哉在相期濁酒傾

黃朝珪西津橋

鼇背依空立憑闌賦壯遊櫓聲隨岸轉樹影逐溪流  
日落千巖暮風迴萬壑秋坐來狂思發長嘯起沙鷗

林公璽江心寺訪大雲禪師

誰遣龍宮作梵宮明珠夜夜照長空雲扶雙塔撐蒼漢霞  
起千門駕彩虹鷗鷺無心盟可結塵埃有路杳難通到來  
不覺忘歸去月上禪關謁遠公

陳作聖蓉江烈母詞

當年烽火起江隈  
大義捐生赴碧流  
不惜黃金給七萃  
遂令青簡重千秋  
冰心皎映芙蓉月  
玉貌香銷杜若洲  
聞道樂成多氣節  
高風如母迥難儔

王臣法送鄒文江還金陵將游燕都

幾年聯袂釣甌濱  
忽聽歌驪別恨新  
一水浮雲迷去棹  
千山明月送征輪  
楓林坐愛吳江晚  
柳色行看漢苑春  
他日黃金臺畔客  
可能重念舊游人

王湮孫秋夕過鵝湖

日落千山紫湖光  
寫暮秋浮屠鐙影亂  
斷岸棹歌收  
苔滿稀人到荷殘  
動客愁聯吟猶未已  
新月又窺樓

黃驥宿江心寺

江天秋色半黃橙  
夜擁霜衾傍化城  
燈暗松門沈佛影  
花飛塔徑帶鐘聲  
寒潮漂月驚沙雁  
古樹搖風吼石鯨  
我是邯鄲初夢醒  
老僧又覓話無生

周天錫舟行雜詩三首錄二

岸草依沙長江花傍驛明那知離別夢半是故園情短鬢  
頻窺鏡長途怕問程晚來蕭瑟意坐待月華生夾馬營  
名古淒清接大荒平疇餘壁壘坐廟列椒漿夢覺  
人千里舟迴水一方旅懷增感慨白露已灑灑

甬東訪舊無一存者感賦

望春橋畔水模糊記得當年賣酒鑪壁壘西風新帥府香  
林斜日舊浮屠波吞湖海樓船動雲掩關山鐵騎孤朋侶  
可憐零落盡門前唯聽夜啼烏

王鶚卽事

盤鹽瓶醋水邊芹午飯多嘗此味芬偶為款賓呼買酒非  
關佞佛不如葷留錢囊底終成澀彈缺門前總厭聞牢落  
自憐豪氣在步檐夜看斗牛文

林兆斗孤與次施愚山先生韻二首

海闊孤峯小江空落照閒僧居鮫室裏佛坐蜃樓閒塔湧  
疑無地潮來欲動山腥風何處起應是鉢龍還中流一  
卷石宴坐足銷閒客話烟波裏禪心水月閒四鄰  
雪作屋對岸斗爲山文卓雙祠在忠魂自往還

### 二孫女封股紀事

髮膚受父母古訓戒毀傷聖賢懼滅性以此慎其防豈其  
少小女片念起蒼黃但欲療親病危險非所量嗟余齒垂  
暮膝下鮮雁行一兒與一婦年俱四十強舉二男三女婚  
嫁尙未違婦欲毒奇疾平地動欲僵怔忡閒驚悸瞑眩苦  
莫當身如翻風鳥魂如簸浪航耳鳴徹晝夜如灑瀕瞿塘  
飲食日以減肌體日以尫祈禳勞巫覡藥餌窮扁倉寒暑  
閱數載救治經百方著蔡靡不叩父象少吉祥大小兩孫  
女聽之淚盈眶阿伽甫及笑阿金僅十霜執手相告語感  
頰心傍徨曰母病已篤未試惟股湯阿姊持小刀呼妹捧  
爐香相將閉高閣焚禱向彼蒼姊鬻左臂肉刺血不林浪  
妹握爐中灰急爲掩其創旋復自抽刃割尤慨慷須臾  
昏復甦遺益染衣裳相戒秘弗語忍楚下樓房陰攜兩片  
玉裏置儲粟囊夜伺羣睡酣縷切調酒漿及晨侍母帷婉  
容勸母嘗一啜二豎去不敢居膏盲自此漸加餐就枕亦

少康阿瑯及浹旬惡氣發故瘡沐不能握髮力不勝提筐  
舉家問其故答語具若伴荏苒半載餘殊不露毫芒阿金  
逢溽暑袒裼忘閉藏起居伴祖母中夜同臥牀展轉出鮮  
癢墳起簇而長母疑詰再四覩縷述其詳伊母竊聞之奚  
啻刃割腸但解生女悲不信同藥王長女年二八激切或  
其常如何十齡女銛鋒甘截肪乃知至孝心幼穉賦維皇  
高高雖在上可格惟天良粵稽古秦氏姊妹重洛陽鑿腦  
剜股肉活父於瀕亡至今數百祀雙名壽表坊吾家二孫  
女差足與頡頏援筆志其概隱行  
庶以彰匪敢事虛飾於以要旌揚

### 董龍錫龍翔山房別諸同社

中流臺殿接滄瀛風物蕭蕭佛界清入幕雁堂纖月照浮  
空鼇闕慧雲平江閉遠岫天邊出樹底疎星雨後明此際  
木杯應可渡別  
離猶作世人情

### 康應薰送喻邦相明府之蘭溪

城下雙流似練鋪君懸明月照冰壺溪蘭舊擷湘江佩仙  
鳥初乘漢殿鳧彈處琴聲皆白雪種來花樹亦元都梅邊

遠憶揚州句可  
寄山中野客無

謝天壇江心寺

誰將卷石屹江中  
不與塵寰烟火通  
三島分支僊子宅  
六鼇背負法王宮  
雲翻塔影浮波面  
潮帶鐘聲過海東  
共道老龍眠欲起  
須臾雷雨滿長空

林嘉圭偕峰嶺上人江心觀濤

高聯廬嶽社言共  
惠公游聽法龍  
依座憑虛蜃結樓  
鐘連金籟發塔挾  
玉山浮試問東流  
水還同陔海不  
辜元聞與陳子宏  
黃信侯晚集浩然  
樓

落日泊孤舟登樓  
眺素秋長空迴塞  
雁冷露濕沙鷗  
臥聽金風起疑從  
銀漢游一尊聊共  
醉漁火滿蘋洲

林公琦江心寺

寶刹湧中流潮平  
兩岸浮龍游珠作  
網蜃吐氣爲樓  
縹緲凌三島清虛  
駕十洲繽紛花雨  
下不覺濕貂裘

蔡有甸寄周斗岷

聞子入山深山深不見八逸民端好道高憂豈憂貧  
匣劍非忘國囊書且愛身世情看日甚時事總難陳

黃喆月夜登浩然樓

登樓良夜逢三五月色江聲正當戶月色照人有古今江  
聲走月無今古坐看江月兩悠悠萬丈明河天際流欲挾  
飛仙唱黃竹隨風直過鳳麟洲

曾曰忠笙臺

郭外峯高子晉臺曾傳仙跡隱崔嵬蕭蕭嶺路迷荒草鬱  
鬱松根長綠苔駐鶴亭空山月冷吹笙人去野雲迴只今  
流水鳴幽谷疑有遺音度壑來

林岱高遊孤嶼

扁舟晴日渡中川綠樹參差列几前佛住龍宮綠說法僧  
從蜃市得棲禪兩峯常臥烟波裏雙塔高撐霄漢邊咫尺

蓬瀛人不識  
於海外覓神仙

### 邵家默送徐龍門還武林

南州高士硯為田  
遊屐閒來海嶠邊  
琴署賦傳梁苑筆  
池墉詩和謝公篇  
六橋花柳催歸棹  
九斗風烟繞別筵  
文酒幾年同雅集  
臨歧握手思茫然

### 送維揚樊大山

廣陵高士梁園客  
行笈重攜慎海邊  
素練筆追摩詰意  
纒囊詩擬少陵篇  
潮生孤嶼人千里  
船到雙溪月半川  
二十四橋春正好  
歸時花柳為君妍

### 梅占魁池上樓次韻

晉宋衣冠事已陳  
閒窺岸鳥落紅巾  
縱游欲做尋山屐  
得夢應憐續句人  
樓外名園芳跡古  
池邊青草舊時春  
諸君不負登臨興  
詩酒相酬送主賓



黃誥同友人集龍翔山房

載酒同君掉小舟，好為把臂入林游。  
樓吞大海潮初上，簾捲長空雨乍收。  
聽法蛟龍隨岸繞，忘機鷗鳥逐波流。  
一尊相對斜陽晚，不盡天風報早秋。

黃一鳴登岷岡山

嶺遶千盤磴巖臨，百丈梯不因山路峻。  
那覺世途低密樹雲橫布，懸藤鳥側棲眼前。  
詩思活雁字向空題。

何應溥留雲亭

翠色湧東城，華蓋連積穀。古洞飛丹霞，仙踪留白鹿。  
登臨揚襟抱，視聽豁心目。海影三千尋，人烟十萬屋。  
劉根逸駕遙謝客，清風穆穆雞嶺偃。青杉龜池披紫蓼，山川不改顏雲物。  
長如沐舊址，一朝新孤亭。相望臺石磴，上層層松濤起。謾謾凌空接太清，聳立迎東曷愛此。不時來倚杖，留雲宿。

樊文璞偕同人遊孤嶼

縹緲珠林俯碧流三山疑失一神洲  
烟雲潭底蛟爲室風雨空中蜃結樓  
攬勝已堪恣遠眺消閒還欲訂重遊  
相向波心棹小舟

### 林敷紫遊大若巖

一覆靈巖十畝宮洞門高與白雲通  
冰壺影徹三更月石室寒侵六月風  
似疊龍鱗山骨起如鳴鼙鼓足音中  
扶輿鍾秀知多少奇關由來甲海東

### 張元彪懷侯夷門

歲暮羣芳歇清瘦寒潭月潭月照孤影  
含情念離別驂騑傷踟躕驚馬行超忽  
淚滴黃金臺金盡淚成血我折嶺頭梅  
君踏燕山雪兩地正相思相思渺難越

### 宿烏黎冷井寄懷三弟肇上

賽神擊鼓夜蒐田獨宿烏黎冷井邊  
異俗異人吁可怪涼風涼月未成眠  
蠻兒煮得黃雞粥海鬼飄來白板船  
安得

秋空騎鶴去蘇  
家兄弟兩癯仙

馮文煥趙十四燃乙太史招同遊萬柳堂作三首錄

相國池塘萬柳森春郊多暇此登臨樓頭龍護先皇

蹟寺裏花拈古佛心草樹有情和雨長水雲無上帶烟沈

廉公勝集堪遙憶小石曾為發妙音名輩遠遺先代蹟

勝遊近屬後來人樓臺何必真無地邱壑還宜置此身種

柳金城容易老沈碑峴首幾經春只今風物何如舊梁燕沙禽語自親

張元觀送嶼沙以侍御巡按臺灣

驛路關河落葉飛羣瞻驄馬泥光輝風聞片紙傳青史執

法一星離紫微海外東坡詩集富日邊槎使故人稀記君

圖紀曾先兆萬勿潮頭立繡衣

答虎文大兄粵東寄懷次原韻

風雨荒涼怨硯田行吟長向藥欄邊已經慙落梅皆實無  
復顛狂柳欲眠離夢難尋東粵路遠書來自外洋船因知

萬井黃雲裏指  
點飛鳧吏亦仙

### 蔡宏勳夜坐環綠草堂

靜夜坐幽齋窗開自展懷峭風來半榻斜月轉空塔  
煮茗山泉潔敲詩竹韻諧案頭塵不到一硯是生涯

### 張元旭陪錢太史遊仙姑洞

曉巖古洞五丁開傳說仙靈此曉胎入夜素娥窺月牖  
晨玉女侍妝臺騰空嵐氣侵衣袖倒影巖花落酒杯乘興  
不知歸路晚撩人江鳥尚徘徊

### 潘青元秋夜

秋蟲切切繞階鳴枕簟微涼夢未成  
起抱瑤琴彈一曲平沙鴈落月三更

### 周鳳岐登承恩寺眺望次李立夫明府韻

亦有登臨興而非王粲樓風來桃渡急柳向白門秋  
人事難如願湖名尚莫愁千年龍虎氣寂寞冷珠邱

夜寒有感

萬里書生舊簪冠三年遊跡傍長安錦衣驕馬自春色紙閣蘆簾又歲寒塞北淒風礎杵急江南歸夢水雲寬亦思城下堪投釣慙愧王孫一飯難

題李雨亭明府鳴琴種花小照二首

飛鳥南來是散仙花團騎省柳含烟政成留得囊琴在省識春風已十年朝起開衙暮放衙可餘逸興到春華只應燕麥雞桑外多種桃花與李花

馬浩除夕

終日倥傯歲忽除一燈兀坐意何如病無妙藥惟除酒窮到空囊只著書莫葉堦前應盡落梅花檻外已先舒莫愁此夕寒更永瞬息春風滿做廬

林維濬夏日閒吟次韻二首

尺書系示 卷三十一 藝文詩內編

三  
三  
三  
驟聞佳客到人地喜相宜坐我雙松下吟君五字詩  
山晴銜月早花密送春遲無限琴書樂神閒意不馳

### 童振聲虎跑泉

探奇幾處白雲迎坐愛園林水一泓倚石閒看天倒影隔  
林乍聽雨飛聲潤分古壁烟霞濕寒徹空山草木清笑酌  
不須愁日暮踏  
歇歸去月華明

### 王崇勳長橋

艷陽雨後曝沙堤一道虹光過碧溪石驚灘頭浮浪暖紙  
鳶天半入雲迷烟嵐曲水龍蛇繞竹樹高門燕雀棲踏遍  
村莊無住著高  
低芒屨不沾泥

### 朱鏡物小遊仙錄

家住蓬萊第一峰羽輪來往五雲從常於弱水洪濤裏百  
尺長竿釣白龍紫泥捧詔下瑤天瓊島重經思惘然一  
片東流滄海水向來記得是桑田麻衣草屨碧荷巾  
賣藥人閒五百春忽到瀾城傷往事月寒荆棘看銅人

馬世俊自武林歸途中作

回首鄉關已隔年，春陰夾岸鎖寒烟。  
半帆夜色嚴灘月，一路花香穀雨天。  
塵事勞勞傷夢鹿，旅懷忽忽聽啼鵑。  
西湖多少風光在，南北峰頭好夢牽。

高國同友人登泉山過五美園借宿

山花如雪落紛紛，山鳥如歌處處聞。  
深谷初過三日雨，遊人已入萬重雲。  
遮天樹影依岡合，到澗泉聲觸石分。  
因過上方還借宿，晚來一飯煮溪芹。

陳之恕春日感懷

今古人如新舊年，放開詩眼自陶然。  
梅香噴處拈花笑，夢境清來共鶴眠。  
差喜諸生供硯稅，敢誇一得是薪傳。  
雲汀雪爪知何定，聊繫蘆根自在船。

紫芝閣卽景二首

一帶蔬園傍郭斜何人却向此為家可能容我誅茅地願  
 種東陵五色瓜道院春風醉曉鶯憑欄詩思逼人清塵  
 懷已覺都消盡又  
 聽疎鐘三兩聲

曾立勳月夜歸舟懷武義諸友

辭家繞閣月返棹渡滄洲一葉浮波出千山夾水流  
 臨風生太息伏枕憶新遊夢與蟾光逐危灘最上頭

宮怨

繡戶迎風任自開蕭蕭輦路長莓苔  
 忽聞鸚鵡籠中語錯認宮娥捧詔來

周京齡烏夜啼

寒鳥夜宿城東頭鳴聲啞啞振高秋月色如銀滿行路  
 游子夜度輕帆去畫樓驚起未眠人腸斷江波渺雲樹

春日有懷鄭霞城姚佃芝二同學

柳色驚春曉遊人隔遠天離家纔數月惜別已經年  
 夜雨生芳草東風叫杜鵑相思不相見望斷鳳山烟



讀洛神賦

黃初事業尙三分吳蜀連和壁壘軍  
副孤臣憂國淚故將離思托淝君

吳國清春宿集雲寺

偶宿集雲軒春深氣漸溫蒼松藏翠鳥碧嶂隱青猿  
靜倚山閒月閒烹井底源上方鐘磬歇擊柝出前村

王涵遊陶成洞

山腰疑結化人宮巖竇常留鬼斧工檐外星辰窺碧落洞  
中日月問鴻濛到來心地清如水行踏遊絲澹若空丹竈  
定知流石髓誰教迷道似空同

曾春暉重九日訂約登東山不果

東山非僻遠絆足豈無因欲赴三秋約難驅萬斛塵  
閒雲應笑我佳興獨輸人遙想登高伴擎觴憶伯倫  
程吉士春晚書懷寄東莊諸同人

獨憐芳草憶王孫不放春歸閉小園片片飛花紅送酒依  
依新柳綠遮門匏瓜似我身常繫碩果何人剝僅存此日  
茂陵猶病渴一窗風雨易黃昏

周冕秋夜寄懷魏允涵妹婿

今夜月明好故人不在茲西風吹別况秋雁憶歸期  
霜雪鬚顏改江湖歲月馳據牀成獨咏松影上衣遲

邵南金擬温飛卿楊柳枝詞

錄

幾日春陰長嫩條風前低舞小蠻腰相逢處處皆牽恨不  
獨傷心是灞橋和雨和烟野店旁春來葉葉蹙鵝黃千  
條縱使長如線怎續離人欲斷腸

曾儒璋盧溝曉行二首

作陣西風午夜酸盧溝曉月帶霜寒依依回首岐亭柳舊  
雨春明話別難茅舍雞聲度曉風行旌搖曳月明中七  
千里外閩南路一樣春光照眼紅

張元彪讀南華經四首錄

今晨乃出郭風物呈暄妍朝曦散平楚浮光動長川行行  
遵山阿落澗漱瑤泉春禽語古樾文魚躍清漣手把南華  
經倦倚籃輿眠非夢亦非覺漆園  
多寓言會心在言外何事探空筌

張正宰新秋卽事柬胡象川光耀

雨過西城秋水肥湖光山色滿人衣白蓮匝寺香將晚叢  
菊綴籬花尙稀樹到鐘聲初月上波搖堞影一舟歸樓中  
吹笛人何在目  
送長空獨雁飛

城南池館卽事夏日雨中作

急雨初過雲自閑留雲亭子臥雲閒江風漸漸將雲去賸  
下雲中積穀山 路入雲根一徑幽枕流石畔漱清流雨  
中樹色青如沐坐臥看山池上樓 北窗涼吹送冷泠華  
蓋峰青入畫樵欲俯一杯甌海水負琴直上大觀亭飛  
霞洞外松如鬣玉帶橋邊水似紗數  
點雨餘深綠暝斜陽一桁送歸鴉

胡森桂過武林有詢温州孤嶼之勝者詩以答之

宛然浮玉在中流山色濤聲四面收佛呪蓮花開寶界人  
尋瑤草到瀛洲塔鈴自語風生夜漁笛誰吹月正秋約略  
西湖堪比擬不  
妨喚作小杭州

金際會新秋即事

騰有遊春興重尋出浦橈扁舟浮古岸流水過新橋  
羨鳥青雲近懷人白晝遙煙波多許恨相對未曾消

谷廷桂贈金左莪璋

博雅襟期妙論新淵然玉海浩無津我推後輩為前輩君  
是今人識古人賈島詩才曾鑄佛鄭元經學久稱神獨憐  
書卷空撐腹未  
遂文場氣一伸

張涵鄧輿

綠樹陰濃接翠微幾家煙火傍巖扉  
山深地僻遊人少一路溪雲欲上衣



北道感懷

九十春將半其如客思何鶯花荒驛少風雪異鄉多  
鹿塵中夢烏鳥酒後歌黃金猶未盡一劍我重磨

任一松秋砧

寒氣逼林薄秋風急暮砧此閒添旅况何處問鄉音  
天外孤鴻答道西子夜心清時征戍罷努力事鍼紝

周學潛林霽峰招飲飛霞觀

仙風邈千載洞口餘飛霞霞光與山色紫翠紛交加一徑  
入窈曲古木蟠龍蛇雲峯瀟灑人文藻擣天葩相邀素心  
侶肴果成咄嗟延陵清絕俗美玉無纖瑕亦有葉與劉菁  
英摘詞華而我廁其間駕駘入渥洼觥籌互交錯清談靜  
不諱境偏息舊慮清思無由  
邪駕言返南城城頭聞暮笳

周學演巨魚歌

蜃江江頭風雨惡雪浪排山潮陡作巨魚仗勢若空行昂  
首直從天外落雲崩海立驚凡目天之生也使是獨常鱗

凡介盡奔馳  
落無風埃身  
意不足踏背  
果腹餘腥委  
赤殘鱗飄墮  
腹中空洞飽  
朝失勢傷虺  
骨節驚詫見  
常日干變世  
咫尺間幻出  
之若秋毫盜  
不惜善藏其  
用斯為高終

周學瀛羅山早行

雞聲唱遠隣  
箬笠圓欹風  
月影挂高樹  
僕夫駕言邁  
濛濛天未曙  
不能去

項維仁仿宋人小畫自題

蕭寺鐘沈夜  
阿儂長作秦  
寂寥水風瑟  
瑟月輪高  
淮客幾度思  
鄉立板橋

永嘉縣志

卷三十一 藝文詩內編

三

秋晚京口送別張玉芝歸豫章

言別折衷腸 離筵淚滿觴 君今渡揚子 何日到彭郎  
水驛蘆花月 山程樹葉霜 詩成付魚雁 有客滯吳鄉

金陵懷古

金粉易成空 休誇天塹雄 東南無王氣 禾黍滿秋風  
月冷千官冢 僧閒六代宮 道傍簪井在 歲歲野花紅

朱鋒果園弔項處士

代謝悲塵事 人存物亦存 恰懷墮碩果 轉眼變唐園  
盡化石巖骨 全銷花木魂 風流天所靳 幾許到兒孫

陳渠英石門觀瀑

力士何年劈 此門奔流界 破遠山痕 聲排秋谷 雷常殷花  
捲晴空雪亂 噴百尺銀濤 飛碧落一簾珠 雨濕黃昏勢 傾

石壁千尋迥 我欲梯雲上 溯源

張步瀛謁文信國祠



正氣常留天地新，千秋孤嶼有孤臣。  
雄心欲鼓中流楫，赤手難扶落日輪。  
滯跡甌江非得計，殺身柴市已成仁。  
我來憑弔瞻遺像，門外潮聲咽暮津。

### 曾瑛酬友人秋懷原韻

細雨鐘聲欲暮時，一燈如豆照相思。  
驚看白雁天邊字，懶寫黃花籬下詩。  
落月屋梁空有夢，秋風鬢影易成絲。  
明朝樽酒休孤負，已近登高作賦期。

### 秋夜漫成

閉門來客少，且自倚欄杆。  
棋罷枰猶布，詩成墨未乾。  
殘燈依壁靜，疏雨滴階寒。  
聽到誰家笛，吹愁入夜闌。

### 季觀樂次韻武林紀游五首

錄一

六橋錦轡兩湖船，春日花嬌秋月圓。  
我唱竹枝君解和，三生再訂舊因緣。

### 高溥竹書架歌

以竹作紙紙作書藏書作架仍取竹書乎架乎幸聚族憶  
 昔吾父購書蓄吾弟同此檢篇牘傷哉兩世棄背速書架  
 無恙繫我獨架如有知為我哭閱日一萬二千六無數朱  
 門皆破屋君不見珠玉埋沒同泥沙耳目珍玩充口腹吾  
 家竹架巋然存撐護空壁伴昏夙時而拂拭光如沐奇節  
 古香紛馥郁架乎架乎吾尚忍饑不以爾易穀爾須堅守  
 古書供我讀與我相依得清福

### 潘宗耀紅花謠

買紅花索錢現難得花好價又賤小婦染頭繩大婦染苧  
 線短牆矮屋都紅徧東家老婦怨向天徧儂少年花值錢  
 十餘結腕欲脫青臚枯揀花未了將何如尚有數斗筠籃  
 儲研紅花如擣素女兒揃臂蛇豎注向爹索輕紗向孃  
 索細布不辭十日纖指黃看取衣上顏色如教儂不枉城  
 中住染紅花沾素手一領新襦花一斗手重染花無手  
 輕染花有更取小姑嫁衣裳阿婆自恨筋力朽分付阿奴  
 休落後滌紅花趁清晨紅日未出井花新昨夜花色紫  
 今晨花色勻花垢洗盡見花身同隊相看妬煞人堂前阿

姑嗔不嗔 曬紅花爭衣  
拈東房西舍不相讓  
花濃要日  
烘花鮮要風漾  
窗櫺欄檻紛紛向  
農家生來兒女多  
姑姑  
嫂嫂須原亮  
試紅花裁新布  
一生染花能幾度  
著取今年衣  
往踏去年路  
南塘幾日觀  
鬪划與郎隔舟重  
相遇看  
儂衣新  
人如故

### 潘宗瀾出郭

出郭日猶早  
入春信尚微  
和烟菜把嫩  
經雪麥苗肥  
水暖魚知樂  
風和蝶試飛  
車行泥滑滑  
問訊款柴扉

### 金陵感賦

金陵遺事奈愁何  
六代銷沈幾曲歌  
廿四橋頭簫韻寂  
空餘明月照清波

### 雪後和陳莪野張南洲原韻

作賦梁園境  
又新松枝低  
亞竹橫陳不教塵  
壺留些子  
如此聰明有幾人  
風味試從茶領畧  
光華分得月精神  
蹇驢背上無尋處  
一笑乾坤盡化銀

梅花和韻

何處仙人姑射姿  
偶從驢背寄相思  
疏籬明月來相訪  
流水空山見一枝  
春在江南孤驛路  
夢回村店獨眠時  
前身試向何郎問  
絀被官衙自詠詩

張泰青久雨

天鼓撞破雷聲死  
日月爭浴絳河水  
歐刀割痛乖龍耳  
鮫人訴天泣不止  
市樓寶廚久脫底  
漏却百萬玉珠子  
石燕飛舞鷓鴣喜  
世人住家漏天裏  
階人聲響屐齒作  
如是觀煙溼不起  
簷頭銀繩挂素綵  
滿階人聲響屐齒  
作如是觀半月矣  
咨嗟老農困窮士  
雨師頑聾何乃爾  
欲召飛廉供驅使  
雲衣立就玉女褱  
白日光明一萬里

清江浦看月

瑟瑟涼風吹水聲  
如星燈影數竿明  
榜人欲睡寂無語  
獨立船頭看月生

曾煜擬韓冬郎已涼詩元韻

銷金帳穩玳鈎垂鳳蠟燒殘青玉枝  
七彩被薰香百和碧紗窗外月明時

沈式琳擬韓冬郎已涼詩元韻

耿耿清宵玉露垂回廊潛濕竹千枝  
芙蓉花落秋江冷消受紅燈綠酒時

金璋紅花詞

三月花田紫翠攢探花人怯曙光寒一肩喚賣春紅早送  
入城中露未乾磨蕩生香豔化膏赭黃色漸轉紅嬌怪  
他炙手重研後絳雪經春暖不消

補紅花詞

執花雨過嫩涼辰分掩稽灰布種勻預囑兒夫輕著手此  
花膽怯似閨人麥花零落菜花黃花信遲遲到水莊差  
喜兒家花捉早今年花市趁頭綱香風拂面五更天  
出戶人爭燕子先一月弓鞋長溼露茶園踏遍又花田

金禹田癸丑七夕遇雨疊韻

卷之三

卷之三十一 藝文詩內編

三

天上星期雨裏過含顰仙子亦停梭雲階待月空垂帳漢  
渚生風欲起波隔水寄懷人宛在登樓乞巧夜如何祇因  
酒道勤屏翳仙界罪微下界多去年望斷鵲橋過舊事  
尋思恍猶在香果仍供意若何寄語  
曝痕猶在香果仍供意若何寄語  
仙家休洒淚人閒離合不勝多

陳舜咨大觀亭秋望

斜日驚颿急雁聲秋光萬點落孤城東甌舊壤臨邊盡南  
戒諸山到海平澤國桑麻多衍沃江關鯨鱷漫縱橫憑誰  
大力迴天地長見滄瀛徹底清

二月初浣自滇省赴曲靖途次作

客路長亭復短亭頻年蹤跡幾飄零數莖老鬢無情白一  
柝春山有味青旅食未須彈劍缺生涯早擬買漁船舊溪  
又是清明近花片沾泥滿釣汀

潘堧過青田

半江殘照半江煙小小山城欲暮天  
我學仙人吹鐵笛好騎雙鶴過青田

### 周衣德述懷

狐貉不踰濟橘柚不踰淮物生遂其性亮由地氣佳人則  
異於物匪因遷徙乖丹桂出層嶺芳蘭被秋涯馨香不遺  
遠奚憂寡所諧

### 望赤岸山房

別有誅茅地方知避俗深山為太古穴水是自鳴琴石齒  
橫溪密巖腰構屋陰紅塵飛不到可作葛天吟聞說雲  
深處靈山複幾重巖門通細徑石屋拔奇峰古洞  
祠龍母春壇養鹿茸欲遊難踐約凝望碧芙蓉

### 溪行

每愛溪行勝陸行免教攀陟太勞生水禽導我多閒意山  
翠窺人有故情九丈潭深龍影臥雙巖灘險虎牙撐淹留  
日暮沙邊宿何處浮楂貫月橫

徐作礪觀獵

西風刮地衰草折萬木摧霜露山骨健兒馳馬獵平原挽  
弓發矢真橫絕黃雲萬里平沙飛揚鞭直入狐兔穴饑鷹  
疾眼脫鞞條韓盧足捷肆猖獗一騎迴鞭一騎追前者鴟  
張後豕突忽然散如流星飛登山越坂共超蹶忽然合如  
陣雲屯星旗雲罕齊羅列警之秦鹿眾共爭雄心壯氣各  
相埒吾聞三驅之典下大綏不卵不麋取有節殺物當存  
生物心莫使掩羣盡剪滅綏轡  
歸來宴烹鮮春在梅花枝上雪

張大鏞陳氏雲山樓晤周君懋時

百尺峒堯地三年故舊情人如梅影瘦詩叶竹聲清  
陳榻逢君下周醪向我傾孤舟明日別別恨又重生

月夜中川送別

送君從此別別恨幾時消岸闊天低樹江空月弄潮  
人回孤嶼晚舟向枯蒼遙無奈離亭畔春風著柳條

張振夔前種山謠



后稷藝五穀則壤遺方嶽耕九可餘三羣生賴以育番藟  
自向來百顆可充斛形巨勝蹲鳴味甘等芋菽秋陽暴爲  
絲療饑洵果腹奈何耕鑿者梯巖窮幽谷亦旣芟荆榛旋  
復斫松竹根藤絡山石沙土相繫屬始如毛髮鬢繼且膚  
肉剝雷雨動滿盈奔石填溪瀆遂令五都河大半化爲陸  
禾田失灌漑九歉乃一熟嘉種雖云增歲計翻不足我聞  
眉稔公豫戒南田族後有橫陽人來佃亟驅逐吁嗟帝者  
師卓爾抱先覺方當垂訓時此物尙隱伏進出未百年蔓  
延瀾荒服但知受益宏誰復立約束平原可播琴功自助  
饕餮開闢及岡陵實不堪荼毒有川曠其乾有山童然秃  
入夏渴和稔謀炊缺薪木矧彼寄棚居負隅弄刀槩  
利病儻相灌逼處明可燭作此種山謠願入輶軒錄

### 聽蛙

禾田方補秧羣蛙吠不止爾吠諒有因仰天爲請水苦念  
既種艱得雨爾亦喜今看山頭雲膚寸冉冉起強聒雖可  
羞猶勝呼庚癸長官寂不聞翻覺天尺咫開畦  
引遠流求獲正謀始未獲安有租催科已在里

### 櫻櫚吟

原注侯女永嘉蘭女年十九未字同治壬戌  
四月朔賊犯菰溪女隨母登山避之母行疾賊追

及女傍有機欄樹女堅抱不去賊刺其喉而死  
立無交柯賊驅羣醜摩肩過一女默省行竟止堅抱茲樹

甘戕死母言未字人盡夫蛾賊何曾有人理  
吁嗟乎剝膚剔毛不言苦勁葉青青自終古

截指行原注余烈女永嘉柎溪人父茂全業農壬戌二月

指喜其艷而有力量他婦苦勸之女堅不從賊怒遂遞截  
丸指而女暈絕賊亦去次早父母昇之歸猶言兒指雖截

兒身幸完不為二老辱言畢而逝田家女兒憤作苦幾  
曾識字通今古一朝遇賊甘舍生慘慘素手能支拒賊豔

顏色刀乍停目揮里姬為結盟女言豺狼匪我匹笑爾  
豬身自呈回頭詈賊力更奮賊欲褫衣不敢近突前引指

如切葱罵聲未絕竟昏暈可憐赤血勻花茵陰風慘澹飛  
青磷強延餘喘辭阿母兒今鼓掌猶完人可歎高牙有巨

孽歛盡薑  
芽何日伸

哀赤釜原注王烈婦永嘉任橋王瑤藻妻樂清支連斌女

屈賊怒聚薪炭煉釜盡赤謂不從將烹汝婦愈詈賊以兩  
刀舉釜置婦腹上竟去家人斂其屍惟臙中灼痕大如盞

盆

甚堅 將軍守城不守關近郭賊來出剿難任驅婦豎如  
羊豕一羣齊上郭公山喧傳有婦最英烈刀脅繩纏經百  
折自拋眷屬逐隊行分甘一死完吾節至性難馴賊益噴  
毒謀破格欲嚇人聚薪煉釜烘天赤云再不從潘爾身婦  
聞疾詈不住口舉釜著腹賊却走可憐一灼魂上升留得  
膾中長不朽吁嗟鼎鑊甘如飴日出當心信有之官軍殺  
賊知何日先擷  
白華奠一卮

柯鳳翔題姚仲蔚歸真記

曇花一現太恩忙歸去瑤宮歲月長不是回風成小謫人  
閒那識玉卮娘 裊裊瓊枝的的珠二姚才豔一時俱有  
人長抱王郎恨天  
上人閒差勝無

陳汝坤謁文丞相祠

四鎮良圖恨未伸當年航海歷艱辛讀書所學是何事報  
國如公會幾人孤嶼煙霞歸涕淚五坡風雨到江津至今  
嗚咽潮聲裏來  
往雲旂似有神

陳汝瑛登孟樓

直上梳梯四望通雲窗霧閣倚玲瓏滿江白浪抽帆外一  
桁青山捲幔中隔院鐘魚聲出樹高檐鈴鳴語當風乾坤  
例是詩入宅牘  
得層樓與孟公

顏泗源題雪夜紉兒圖為孟又襄作

父病呻吟兒未識兒啼宛轉母心惻雪花如掌夜如磐母  
抱兒眠眠不得欲安兒父止兒啼吞聲翻叩鄰家壁就紉  
重裹暖熨臍覓路致寒刺骨歸來燈燼慘不紅屋角嘯  
鳥暗凄絕眼盼春回藥餌靈心懸夜永糕糜缺此時此景  
欲追摹縞素光中淚凝血兒能長大讀父書綽楔恩榮耀  
雙戟年年風雪到門闌難認荒莎舊行迹回首艱辛五十  
秋至今巷嫗粗能說堂前愛  
日杳莫追紉裏孤兒頭又白

陳星慶戊子秋過館頭

浪游已過菊花天一片輕帆一葉船秋水亂葭飛野鷺夕  
陽衰柳噪寒蟬風聲兩岸蒹蒲葉暝色千家橘柚煙老大

也如江上婦琵琶泣斷四條絃

冬日偶成

兩三閒屋老儒家爆竹聲中促歲華  
別有閒情天不管銅瓶紙帳夢梅花

閒居雜咏四首

一錄  
關干書靜坐焚香一卷義經趣味長  
三十六宮參破後樹頭紅日已斜陽

鄭烺和周荔腴明府留別原韻

一錄  
宦海浮沈歷十霜依然一葉抵錢塘  
勞薪車走長安道濟世舟浮普渡航  
秋野黃雲收穀賤春城紅雨種花忙  
慈悲生佛風騷吏合署聲名字字香

金鎔新樂府頌周荔腴明府德政

二錄  
勸戒煙有田種穀食難續有土栽煙欲  
易足人人情願作花農不植稻梁植罌粟  
罌粟之葉翠田田罌粟之

花鮮可憐采之擷之成鳳餅一塊遂可值萬錢飯後茶前  
日沈痾重簾不捲留香霧一寸心思一寸灰鴉毒之煤人  
不悟埽除積習本一王朝煌煌聖訓日星昭不獨惜  
財兼借命為民一厘憂焦公也奉令皇然起勸諭諄諄  
乃如此受病深淺各不同總之限以三月止革則承庸否  
則威口頭之誠罔敢違香火因緣今已矣一朝痛改知前  
非拋却淋頭一燈盞保得中人百家產豈容錮疾成煙霞  
如醉如醒悔未晚從此肺腑絕熬煎人人各得保天年也  
如寒食清明節爭  
聽沿途說禁烟

督濬河歐郡自古稱海邦繞城有水通三江流直與河

行風無力一篙乍下一篙停時聽舟人長歎息吾公意欲

窮河源翻車戽水聲潺湲得寸則尺則尺濬濬功不閒

晨昏荷畜持掬傍岸走彼也爭先此恐後不嫌同在泥塗

中想見胼胝足與手瀟瀟灑灑脫朝衫忘却自家好頭銜

臨河一笑風滿袖為說河工我所監到此水各分街陌流

動滿盈皆恩澤決諸東亦決諸西不數深溝通鄭白吁嗟

乎公之功河流並大莫容人閒舟楫不到處頓教一

為疏通公之德江大深深莫測河渠直欲廢陳編十里

長隄手  
補得

陳承暄孤嶼弔文丞相

蛟龍夜走慎江秋仗義孤軍逐斷流  
流到海天唳雁盡至今尺土亦松楸

呈周藕農夫子

先生鬢髮白於雪先生意氣高過雲  
老可一筆掃千軍貧乃一家養入口  
臘燈搖搖雪花厚敗裘  
面壁飢鼠走飯索門東兒機下樓上婦  
先生拍案讀漢書笑向家人呼觴酒

蘭谿學齋作示同學二首

錄

側徑莓痕老荒城水氣橫天寒鳥雀靜地僻虎狼行  
山館旅愁定鄉關兵事平將幢向西去劍戟肅千營

曾佩雲遊仙巖寺

佛像最森嚴龍顏又虎髯曇雲香氣結僧衲早寒添  
蠟屐行厨便鱸魚美酒兼真成仙世界不厭久留淹

曾喬雲春日偕友人遊仙巖寺

覽勝上危巔山川別有天雷鳴千丈壑雨散一溪煙  
嵐翠供春媚花藤罨石妍莫嫌腰脚倦隨意抱雲眠

曾賢謝公亭

聞道永嘉守風流屐屨屢經詩情寄孤嶼遊蹟贖閒亭  
吏隱江湖闊潮生天地青至今撫碑碣猶得仰英靈

癸卯春吹臺山麓生壙新成紀事詩錄

百年家世傍松臺華屋山邱一例開此  
事人生原有分漆  
燈未爇沈彬來青桐花發墓門深三  
十年來一片心雷  
與清卿證同穴山  
巔先瘞舊時琴

曾元琳華蓋坐雨作

與雲分住屋三閒涼夜橫經坐掩關人影短檠依古壁雨  
聲殘葉下空山十年親友頻相問一夕秋懷問未刪回憶  
前宵風月好碧  
天無際鴈飛還



贈徐耘石

浮生苦恨學雞廉有限光陰擲米鹽名士性情惟辣少秀  
才氣味怕酸添食螟祇覺從前誤啖蔗何妨入後甜畱得  
三閒王冕屋梅  
花歸去日巡檐

菰溪道中

風帆葉葉上菰溪獨客籃輿轉向西榕樹陰中松鼠過棗  
花香裏竹雞嘯一羣黃犢夕陽遠三面青山霞影低縷縷  
炊煙林外起故  
人家在白沙隄

曾壇遊東坑

山徑迂透入楓丹榭葉黃寒泉春淺確夕照散平場  
石妥當溪坐林深有寺藏更期春雨後來看瀑流長

謁雙忠祠

張許列封疆睢陽並組豆死地予以祠國典由來舊八閩  
橫機槍甌土罹兵寇誓志保孤城宰官與憲副閩帥倒厥

卷之三十一

三十一

藝文文內編

三

戈脅降不為守兩公奮而起憤激大聲詬叛卒聲洶洶霜  
刃夾其脰臂斫氣益強頭斷身不仆熱血灑蒼穹風雲慘  
白晝我我華蓋山夙昔有遺構丹碧暗雕甍苔漬石甃  
風肅雲旗翻月黑靈車走同時從死奴恍惚尙左右摠衣

仰前楹再拜酌清酌忠  
義流芬香國賊有遺臭

### 潘銘憲紀事

廉殉節處鎮平之長潭明鼎革邑人林丹九孝  
也道光庚戌中秋都戎忠丹臣招

飲於潭之高閣因與友人黃鶴樓金子襄少尉鈕華亭暨  
邑紳張實生徐紫庭黃仲方共議築祠以祀旋至一線天  
觀瀑亦孝廉避亂幽居之地孝廉忠節昭昭二百餘年祀  
典尚缺余謬膺司牧表揚之舉風化所繫豈異人任耶擬  
即日鳩工今日之會非偶然也詩以紀之曲徑通幽策  
杖尋荒巖斷磳任攀臨夕陽流水孤臣恨碧海青天報國  
心避世當時憐白髮築臺今日貢黃金披襟坐對西風裏  
薦爽宜人秋氣深夏玉瑤瑤百丈湫瀑飛人靜此勾雷  
風顛水面奔魚影日炙松髯閃雉裘奇局澄天爭一綫  
靈山浩氣自千秋年年牘有傷心月還照長潭古渡頭  
張應庚孟冬虎門于役候潮

玉漏聲殘客夢回虎門東下片帆開南荒地暖初聞雁庾嶺春生欲放梅霜氣打逢漁火冷西風吹月夜潮來自憐兩鬢蕭蕭髮愁聽江城鼓角哀

### 晚至忠信墟

山晚月初上霜林起暮寒炊煙破歸鳥溪水落漁灘墟散人聲寂農閒歲事闌夕陽無限好不厭幾回看

### 朱步蟬看花

紅情綠意總貪癡雨久風宵費護持一度看花一惆悵愁他開到十分時

### 周貫忠借孟劍秋錦城游飛霞觀

欲覽飛霞勝借行過綠田樓高涵日月洞古鎖雲煙山色疎林外濤聲臥樹前劉公遺蹟在何處覓飛仙

### 曾希輅秋夜不寐

西風響林薄蛩語逼窗紗欹枕不成寐愁心亂似麻故交秋後葉新貴眼前花無計消岑寂開軒望月華

秋柳

東閣荒園葉又黃阿誰還唱永豐坊半塘寒漲涵疏影一  
樹殘枝戀夕陽煙鎖千條春似夢霜飛三徑夜初長腰肢  
瘦盡渾無力猶  
白隨風舞欲狂

陳燧定羌州之官

二錄

帽箱綬綺小安排到處為家慣便佳六里臺墮三面水干  
門燈火一條街雨延草色連山閣風送爐香出郡齋日午  
放衙無甚事坐看蝸角上苔階  
蓮峰意灑然雨後山光濃發黛晴來水色嫩生煙隔河鷺  
埃關中驛落日魚罾峽口船莫道  
此行非幸事眼前都作畫圖傳

徐學誠咏林霽山

紅羊劫火遍江東痛恨諸陵草莽中白石一編留正氣青  
山千古泣孤忠箋詩幸有章和父同志惟知鄭樸翁每向  
昆陽仰芳躅飛  
雲渡口弔悲風

咏鄭初心

世亂馳驅古越中  
文章報國已成空  
珠襦玉匣悲先帝  
野棘荒榛望故宮  
辨禮獨能存正義  
著書原不墜宗風  
薊山歸隱人何處  
恨少豐碑為表忠

孟錦城咏松臺山淨光塔磚硯

熙寧遺跡寄松臺  
零落殘磚出草萊  
四角摩挲成古硯  
千一拋擲枉良材  
土華不蝕留塵界  
神物相傳賸劫灰  
珍重烟都自此中  
來

張慶生題池上樓圖錄三首

鷗鳧自忘機  
人生若刺  
促憶昔少壯時  
飛揚隨驥蹶  
是時君難兄才具無雙  
玉佳招集堂皇好  
釀出醴醪巾袖一沾濡  
談笑遂繁縟  
泉山最敏妙十詩刻  
寸燭醉中呼阿連  
視草不停續  
茂叔愛荷葉  
刺船剝菱緣  
中有楊金華  
雄辨翻棋局滄海閒評詩  
掀鬚目屢矚  
余也百無能  
身長如立鵠秋風生  
次寥半追劉根  
躅俯仰二十年  
悲湍瀉哀曲  
一往

三言系三  
卷三十一  
藝文  
丙編  
三

起遐思刺  
刺為君告

陸潮溥謝公嶺

嶺路連村路迴環夕照斜亂峯雙客展紅葉萬人家  
磴曲修蛇縮林深宿鳥譁爭墩曠大謝從此占煙霞

陳體芳雲岫晚眺

山路雲中出樵夫荷擔行歸霞明樹影落日冷鴉聲  
鐘韻溪流逐人蹤野渡爭摩崖題句罷嶺上暮雲橫

石門夜泊

朝過青田縣暮宿石門洞  
秋雨長灘聲驚起孤舟夢

閑居雜詠  
錄二

兩三閒屋老茨茅貧賤何須為解嘲  
欹枕詩從深夜讀撫琴門怕俗人敲  
蛛絲巧罽東西爛蜂蜜新分上下巢  
更有滿庭秋色好綠蕉紅蓼補牆坳  
少年貧賤我忘吾閒散真同渚上鳧  
王遁事奇占未中子平理妙算仍迂  
縱橫落

筆成龍象潦倒論交到  
多能渾鄙事憑人一一  
狗屠漫說  
慳吹等

曾諧晚過飛霞觀

風葉晚蕭蕭憑闌酒易消  
樓臺山外市楊柳水邊橋  
遊客尋詩夢仙人種藥  
苗何當明月夜鶴背坐吹簫

秋夜對月有憶石門

銀河天上水一片落人閒  
明月此遙夜石門何處山  
仙騎黃鵠去僧老白雲  
閒洞口秋長鎖煙蘿不可攀

入畫樓晚眺

一碧湖光盪晚涼隔湖  
風送稻花香  
石磯有客閒垂釣無數  
蜻蜓下夕陽

張正綬登東山作

劉子仙去矣謝客不復  
作至今東山東遊人殊落落我登  
山之腰風景恣領略下  
視行路人紛紛小於鶴莫謂登山  
勞茲山良不惡石可眠  
我琴泉可供我酌俯仰天地閒興  
到別有託猛欲造其巔  
苦無健腰脚可止且自止志豈在

藝文詩內編

三

卸壑歸來日已昏  
蒼煙滿林薄

閨秀

宋

楊氏婦送夫從軍

海壇門外浪滔天  
妾上城樓君上船  
回首西風深巷底  
梅花霜月夜如年

元

吳氏答鄭生

淚珠滴滴溼香羅  
病裏芳肌瘦減多  
莫怪夜來春夢淺  
不知今日定如何

明

徐氏  
胡侍 春夜  
輿室



涼月轉樓西空庭景自淒  
不成蝴蝶夢厭煞子規啼

楊氏夜雨

小窗夜雨不堪聽  
點滴芭蕉葉有聲  
珠淚暗拋孤枕冷  
一燈如豆夢難成

劉氏秋閨

柏葉初紅野色荒  
天邊歸雁兩三行  
一聲喚起愁人夢  
鏡裏秋風鬢有霜

國朝

陳瑞輝

張曾室

夏夜即景

聞中喜見月當頭  
丁字簾前雨乍收  
坐久不知天欲曉  
滿庭風露夜如秋

子泰青捷秋闈口占示勉

雖是秋風得意還  
莫將故態逞癡頑  
功夫不廢芸窗下  
姓氏期登蕊榜閒  
桂子一枝看已折  
杏花三月更思攀  
春來

衣錦榮歸里祖  
父泉臺亦解顏

馬如珮 會賢 蠶詞六首  
錄一

社鼓繁聲未稀前溪浴種趁晴暉  
歸來門巷春如海滿地鶯花燕子飛

題畫

晚風斜拂釣絲微一葉漁舟溪上歸  
楊柳灣頭春水長落花和雨撲蓑衣

曾碧芸 吳錫 曾氏姑媳雙貞詩

苦節稽家乘傷哉二母俱鵠飛雙影折鴛夢一生孤  
皦日心同誓流泉淚並枯覆巢更負子辛苦幾含荼

張鳳慧 潘福 綸室 七夕

萬古良緣豈偶然偏教別恨到神仙阿儂若也生天上定  
與黃姑讓聘錢 疎星幾點淡銀河此際鈿車想已過郎

自添香儂乞巧不  
知巧思付誰多

寄外子

聲聲杜宇喚殘春偏是他鄉聽得真  
啼雨啼煙都不管莫教啼向遠遊人

方外附

羽士

宋

李少和自詠

寶珠探妙得真宗五色分明煥太空  
解下連環竟超越鬱羅深處宴鴻濛

林靈素題元祐奸黨碑

蘇黃不作文章客童蔡翻為社稷臣  
三十年來無定論不知奸黨是何人

夏元鼎絕句

崆峒訪道至湘湖萬卷詩書看轉愚  
踏破鐵鞵無覓處得來全不費工夫

元

梅芹自題小像

石斛花開劫外春百城煙水漫勞神  
誰將秋兔毫端寫貌出山林幻有身

龍虎山

龍虎山中紫氣濃山靈呵護漢時封  
真人攜室朝天去閒却樓臺十二重

釋子

宋

肱禪師題雁蕩龍鼻水

兩足雲收得暫閒漫將頭角寄空山  
鼻端一滴無多子引得人人到此閒

惟謹舟泊恬蒼溪口

茅店在山下，機舟茅店邊。鐘鳴何處寺，日落滿溪船。  
欹枕雁初到，離家月又圓。向來曾過此，夜泊石門前。

懷賢圓通白衣閣

白衣閣外繞朱欄，人在琉璃菡萏閒。  
誰把此花為刻漏，脩行不放一時間。

曇貴頌古梅

帶雪含霜半倚籬，橫斜斜影裏露仙姿。  
前村昨夜春來了，竹屏老僧猶未知。

元

無礙聞蓮

箇中消息本尋常，幾度無端漫度量。  
今日疑團百雜碎，西風一陣白蓮香。

文信西湖竹枝詞

長善系志 藝文詩內編

湖西日脚欲沒山  
湖東月出牙梳彎  
南北兩峰船上  
看恰似阿奴雙髻  
髮感金麒麟雙髻  
了白銀作甲彈琵琶  
何

會辛苦事蓋織水  
口紅船長是家

益侑閒居偶成  
錄十四首

白雲堆裏理頭久  
地老天荒總不知  
樵徑有霜尋藥冷  
石窗無月了經遲  
青羝北海憐蘇武  
黃犬東門歎李斯  
萬古吹香滿石牀  
未熟黃梁猶是夢  
偶觀青鏡自生狂  
人無靈智方逃謗  
物有奇才始受傷  
手拍長松發長嘯  
戰爭三月火咸陽  
千載繁華一彈指  
區區朝暮欲何為  
黃金百鎰有時盡  
白髮一莖無藥醫  
蕉下漫勞尋斃鹿  
海中誰解接盲龜  
西風入夜涼如洗  
人在南柯夢正癡  
一逕歌斜住藿蓬  
半籬紅粟倩溪春  
山中客見真虎世  
上何人識臥龍  
秋竹萌芽穿斷石  
老藤行蔓上枯松  
晚風斷送雲歸盡  
聽得原西

明

行傳徑山卽事

一肩枯木穿雲出兩隻芒屨印雪來  
報道東風消息早嶺頭無數野梅開

超習再遊山菴

頻年不踏山菴路今日重游憶昔蹤  
眼底看來無別異門前添得幾林松

海願拂席

拂席閒房坐空懷遲暮心爐香孤座冷燈火隔林深  
老樹連雲暝疎窗暗雨侵夜來多寂寞懶病自難禁

受識偶成

經行烏石嶺長嘯白雲端夜月山光靜秋空斗宿寒  
談心揮塵柄問偈坐蒲團點破金剛眼乾坤掌上

國朝

彬教題曹將軍廟

新碣依江口荒祠落照平人煙雙徑出古木一橋橫  
水國蛟龍氣靈臺鳥雀聲千秋功業在廟貌獨崢嶸  
超豁詠周吏部應期

吏部懷冰雪劍誓天津雄支厦哀一木圖南光赤衷  
孤拙田單計獨存文山風淒淒一關冷萬古仰貞忠  
詠王太僕瑞梅

太僕恂恂士獨髮時艱難北書苦不達奮南勢已殫  
竭海非社稷吞金正衣冠忠魂歸帝座遺風使人寒  
詠葉文學尙高

葉子忠之傑狂歌泣天傾落落何如澹耿耿懷光明  
明倫正孔廟危言振金聲誓死端陽日千秋骨琤琤  
宗相春日訪延福寺存如大師留宿

春日遨遊興飄然過滌東寺藏修竹裏徑入白雲中  
洗鉢香泉活穿花野鳥通談禪銜茗椀新月上簾櫳  
無言雨中望寂光寺



捲簾春雨寂高臥望氤氳寺隔千村雨鐘迷萬壑雲  
板橋高柳映曲湖石泉分煙景堪圖畫憑誰上錦紋  
仙巖訪雲川慧明二大師不遇

夕陽湖上泊漁舟山色招邀訪二休  
林鳥不啼歸路寂秋風黃葉打人頭

三才圖會

卷之三十一

三

--	--	--	--	--

永嘉縣志卷之三十五

庶政志

庶政云者別乎經政言之也自賦稅倉儲壇廟學校兵防而外足以助教養所不及者厥有多端若夫鄉約鄉射鄉飲酒之屬久廢不行前志所略今亦無從甄錄惟自賓興而下闕者補之略者詳之從太平志例彙爲此門後之人遵守弗失其於政體亦豈日小補之哉

賓興 定例三年大比各州縣於秋試前諏吉邀集應試文武諸生具筵起送舉觴親勸坐席以科試第一人爲首餘次坐酒三行辭出其卷資路費銀一百二十餘兩

各縣多寡不等 向由司札發本府給領近年以來府中  
此就不嘉而言 備文詳司并札飭送考教官赴省請領內留給武生之  
款約十分之一別有邑中紳富捐置公項按名分給之  
文成會嘉慶中羈入前志今具列如左

文成會 嘉慶九年邑人陳遇春創設集捐錢二千八百  
千存典生息爲文士鄉會試旅費名曰文成會刊有文  
成紀事中丞阮文達公爲之序歷道光咸豐間續捐錢  
三千一百餘千嗣因軍需提用錢四千一百千至同治  
初年郡守黃維誥以瑞安逆產田畝撥抵無如田瘠地  
偏至十二年始議變價彌補僅得田價錢一千一百三

十千不敷甚鉅隨論各典湊捐錢三千八百三十五千  
有奇又嬰堂餘款內提錢一千千益以雜項罰鍰共發  
典錢七千四十五千至光緒三年止又得續捐錢四千

餘千統計先後正續捐錢一萬一千八十千文內撥錢八百千

歸武生鄉會試經費詳武成會條下至誠嘉惠士林之

積捐姓氏錢數俱刊入續文成紀事中誠嘉惠士林之

善舉也儀徵阮元序東甌於浙東為海郡而永嘉居

陸二州境鼓棹以達於錢唐其由樂清一路至省則經

雁蕩天姥沃洲嶠嵎會稽諸山水然後由固陵渡江跋

涉崎嶇行李供億尤非貧乏者所能故鄉曲士子有終

其身足跡不至省會者豈憚勞哉資斧不給耳憶余乙

卯冬奉命視學是邦歲科按部會兩涉其地及來撫

浙巡視海上又一至之見其山川之秀人物之雋無不  
家絃誦而戶詩書也乃三年大比省試獲選者不敵浙  
西諸郡之十一良由艱於道里未遂觀光余甚憫之夫

十步之內必有香草况永嘉夙有小鄒魯之稱為衣冠  
 所輻輳者哉廩生陳遇春篤於義念桑梓寒士不獲與  
 省試之苦爰糾合同志哀集三千餘金發商生息以子  
 錢所入為試費事成來省具呈請序於余余嘉其好義  
 之殷足以風勵末俗使勸學之士鼓舞奮興以備他日  
 賢書登俊之選且視其所設條約經守台議定者亦復  
 周詳帖妥洵足以垂永久是舉成其必有于于然歌鹿  
 鳴而來者踵相接也非即官斯土者之所厚望者與甲  
 子秋余監理文闈事竣撤棘而永嘉公牘適至且重為  
 之請因樂為序之（巡道李鑿宣序余監司歐栝簿書  
 餘暇日與諸生結翰墨緣諸生樂余坦易不設城府也  
 咸北面執弟子禮余居然擁皋比若經師嘗與諸生言  
 東嘉文獻宋明極盛祇今稽古石文之代甲科寥寥  
 此何以故諸生曰自先生下車以不其間舉進士登賢  
 書貢成均者較曩時為多然視湖西仍不敵十之二  
 則應試人之稀也詢其所以稀則曰海隅寒士往往無  
 辨裝錢噫嘻土固多寒惟能耐寒迺真士耳憶余少時  
 應晉鄉試羸滕負笈日行數十里足重釐備備不得休  
 泊應禮部試策蹇驢側帽簷走塵沙中一囊錢先盡幾  
 不免寒乞相遲之又久始得通籍今服官十五年矣使

當時自信到此則人皆物色之夫何有於寒亦第在立  
 志耳雖然有難焉者東嘉距虎林千八十餘里涉蜚江  
 派青田溪而上衝越灘湍踰桃華嶺諸隘過婺郡放舟  
 嚴瀨自桐江而錢浦水陸複沓往返間坐靡數十金貧  
 士終年館穀所入幾何輟其仰事俯育之資以俸萬一  
 不可知之試則無益留以贍急宜乎稀而又稀也陳生  
 遇春本足自給而能悉寒儒苦況創捐朱提又自徧乞  
 於諸厚積者竭蹶終歲哀集三千餘金貯之商庫權子  
 母什一春秋兩試留其母而取其子量六之數予之請  
 諸大中丞已報俞並問序於余冀與所勒條約共垂志  
 乘余膺簡命陳臬滇南星軺將發槐花又黃環顧諸  
 生方歌驪駒而不暇歌鹿鳴也且囊薄如葉無能相助  
 為理諸生將視余為熱官乎夫余心則猶然寒士耳  
 知縣巴哈布序永嘉於郡倚郭繁庶亦與古緊望埒知  
 縣巴哈布既莅官之六年黽勉從公幸無隕越深惟古  
 令長必以便人為務而凡所灌輸挹注以被潤於百里  
 內外者若行水然罔非倡自上游因以奉行而利導之  
 彼草野間涵濡既久亦遂有自為變通而便彌甚者合  
 何力有焉邑距浙行省千里而贏水陸複沓舟且車者  
 刼焉每歲屆賓興貧士多宿留不能去即去或罄終歲

之脯脩以供汁漫不可知之。一試其倦於進取也。宜哉。有食餼生陳遇春。慨然首捐金。以倡奔走徧告諸同志。共哀得三千兩。有奇。遞請於上官。責諸殷實之賈。俾爲權子。母月可徵息。什一。而相訂以鄉試年。齎羨金。赴行省。量人之數。而均予之。先是。故有育嬰義舉。茲之章程。擘畫一循其舊。是舉也。議始於壬戌十月。不再稔。迄用有成。諸邑子復申請於巡撫。飭所屬立案。如隋唐以往。所謂品式故事者。且求爲紀實之文。旣奉鈞諾。如其請。而以文屬之。吏斯土者。於是巴哈布奉檄欣悚。作而言曰。猗歟。民情可見矣。夫俗之涼也。一布一粟。或形於色矣。士人之取榮名。視日用飲食孰急。且自榮其名耳。政復何與吾事。乃發慮動衆。尚義同心。若是是二三子之志。而能力也。抑乃九先。生六君子之遺也。俗其厚矣。哉。抑又聞之。風被自上。斯俗成於下方。今大儒得位。政誠惠孚。區宇文明。蔚然丕應。雖僻陋海隅。亦克用勸。蓋本之風。以成斯俗者也。昔唐韋皋帥蜀。有感其私惠者。遂吟蜀道易。以美之。彼特誑佞。不根之談耳。今實使峻嶺大川。不疲於跋涉。利公而溥。仍晏然出於民之自爲。斯眞足以發詠歌。被金石矣。令奉職無狀。愧無實政。便民旣已。坐享成事。且得抽毫論思。附諸古人。立言之未宜。



乎無溢詞而有厚幸也是為序  
 啟蓋聞鵬搏溟海須培萬里長風  
 龍躍禹門尚激三層巨浪藉文章以登科甲非無白雪才華戒行李以上舟車端賴黃金資斧永邑遠離都會計違千里程途僻處海隅莫借一帆風力脩阻既艱於跋涉遠征必裕其腰纏至若村塾窮儒每因大比之期輒耗終年館穀單瓢寒士縱有良朋之助無非半紙人情疲筋力於長途青衫潦倒費躑躅於客舍白首頹唐誰歟適館授餐米似長安之貴憊矣登山臨水行同蜀道之難因省試之維艱致科名之尙少與言及此能不慨然茲者公襄義舉創立成規期捐助以三千取贏餘於什一分交質庫儼同外府之藏惠我嘉賓聊作承筐之贈屆秋闈而散給按人數以均分呼將伯則多多益善權子母則陳陳相因客路雖賒裝有鍾離之辨行囊頗足途非蘇季之窮庶幾入闈者悉心鑿戰而獲雋者不嘆晨星吾鄉人敦禮讓居然鄒魯之風戶有蓋藏不少陶朱之富分太倉之粟允堪挹彼注茲集狐腋之裘儘可哀多益寡各宜踴躍勿吝錙銖他時奕世簪纓應多食報此日增光問里與有榮施企予望之無任瞻仰謹啟

武成會 光緒初年武舉金鎮魁等以文成會經費數倍於前而武生獨抱向隅呈請飭董公議分給久無定論至五年郡尊張公盛藻諭令先於是科鄉試撥給息錢二百千作爲武生旅費復於正項內提錢八百千再補捐錢二百千合成一千千歸武生自行經理名曰武成會以免鞅鞅

永場梯雲會 自一都至五都向有梯雲會名目存錢一千八百千同治十年廩貢張鳴玉等奉諭續捐闔邑文成會除繳郡五百千外餘錢二百二十四千併人前款合成二千零二十四千歸入梯雲會生息分給永場應

試諸生刻有續文成紀事

南鄉文成會 同治十二年內閣中書葉浚等奉諭續捐  
闔邑文成會除繳郡一千外餘錢五百千存狀元橋  
各行生息分給南鄉應試諸生刻有南鄉文成紀事

育嬰堂 [府志]在縣治西偏惠民橋右爲撫養遺棄嬰孩  
之所乾隆十二年知府金公洪銓首先捐俸會飭前令  
上官德輿委紳梁春蔡宏勳邵世錄等勸捐得銀二千  
四百十二兩有奇擇官地廣八畝建造大門儀門大堂  
後堂後屋及東西傍屋土地祠共九十九間工竣巡撫  
方敏恪公觀承發帑銀一千兩并捐項俸銀交典生息

又撥瑞安田租以供經費編有育嬰堂紀略巡道吳公  
士端爲之序至二十二年知府李公琬清釐積弊增撥  
塗田委生員陳肯堂監生金珍馮振魁等稽察積弊一  
清又因堂婦少乳創立牛乳哺嬰章程全活者衆同治

十二年知府裕公彰又購西偏隙地增房舍五十間撫巡

桐城方觀承溫州府創建育嬰堂碑記人之生而有父  
母也天也父母生之而或不能父母之天使父母生之  
而不能使父母胥父母之則生之路窮窮則變變則通  
於是先王教以轉相生比使之保間使之受黨使之救  
州使之賙當是時也行有死人尙或瑾之惡有瞳焉新  
生棄之路旁者故曰大道之行人不獨子其子井里法  
壤比閭州黨之制淆轉栢生者又窮而胥匡以生之責  
乃歸之爲民父母者而保之受之救之賙之則育嬰堂  
興焉

國朝既建之京邑廣渠門外而天無私覆爰奉

勅旨下其法於方州竊獨謂孤子之有養與嬰兒之有育類也而育嬰難何者無父曰孤不必無母也人生十年日幼卽不盡十年而或五六年或七八年尙可匍匐以就口食故養之者月令有常餼門關有委積嬰兒甫出慈母之懷終日號嘔微特常餼委積無所用之卽有載稻與脂如越勾踐而亦不能哺也不能啜也故曰難漏澤圍以哀死育嬰堂以憐生類也而育嬰堂難何者名曰漏澤彼骨則已朽矣吾取其地之荒而不治者揜舐埋骼使不爲烏鳶食則釋之矣雖有後事吾弗與知也嬰兒絕其乳哺立可餓殺必求母以食之而此食之母又必有以食之且衣之求則給之人棄我取後來益多則此食之母與吾所以食之衣之而給其求者愈住而不知所窮故曰難以其難而廢不舉則不能之死而生遂因以之生而死而溺子女之風且恬不知怪夫溺子女者非惡之也愛之也愛之欲其生而計其後而無以爲之生故於其甫墮地遂一決而不顧傳有之子既生不免乎水此母之罪也而况自母水之乎然而彼固有大不忍於此者而勉其情也是故育嬰堂之設仁術也所謂雖先王未之有可以義起者也浙東永嘉郡故無之有之自今金守始蓋先是郡數以溺女聞守旣

爲之禁而又念不可戶說莫如修其本以勝之則惟是  
舉也宜與永嘉上官合倡捐俸各百金爰及紳士暨諸  
吏商慕義無窮如應彭響輻共一轂算踰千緡爾乃行  
營高敞地屬役賦功成不愆素由門而入之爲四重析  
間而計之爲九十三堂序房寢品式具備米鹽周密囊  
篋細碎諸所爲子母計者無不周也而又歲各有輸擇  
廉幹者業而息之以儲經費於是呱呱之子源源而來  
慇歲踰時籍之已餘百口而向之不字厥子者六變其  
俗不復犯於有司已事而竣其狀諗予且圖永久余謂  
太守可以語政矣昔陳仲弓爲太邱長方捕劫賊而道  
聞有民草閒不起子者先回車往治之以謂盜殺財主  
何如骨肉相殘其言似睹大體雖然彼欲殺之我欲活  
之設我別無以活之彼終不免于殺之俾有依歸則瞿  
然顧化古之治民者必先養而後教如育嬰堂其一端  
也美哉始基之矣抑天下事作始也簡其畢也必巨巨  
而不蚤爲之所久久不足以更費後將有視爲秦越人  
之肥瘠而棄厥成勞也者爲請於  
上舉嵯廩之在官者稍貸之商而權其贏餘以半爲斯堂  
接絕續乏之備蓋不惟永嘉郡之爲而郡亦與焉自茲  
以往弗替引之古所稱賈子賈女者今乃載

帝德之廣運以保於無疆可謂如天之福而教之化民也  
深於命夫豈獨不自傷其類而已凡父若母見子之食  
於他也因感生愧惻然將各念鞠子之哀而思斯勤斯  
不煩官府則斯堂真亦可漸減而就輕太和元氣何  
心不如成周宇宙間也姑以余言懸記之而卓諸碑其  
銘曰有赤而毛謂他人母匪謂他人母莫我有他人  
母何親惟

天子恭生女子衆母以食之為堂曰育嬰古永嘉郡東甌王  
國或生女子載胥及溺太守曰噫我實不德鞠人之保  
居微斯堂也焉攸適乃減秩膳應者如堵乃賦徒庸作  
者邪許乃堂乃房乃門乃廡骨而肉之有保姆寘之隘  
巷不煩腓牛棄之堤下不煩妾收夢中誰乳無於菟者  
周道誰取無壓弧者弗字厥子彼氓蚩蚩今在下風悲  
前所為檀弓兩卷皆言物始弗續而終浸怠以止何以  
終之曰告天子權商之息字民之孤義以利和歛  
為散儲用取其仍歸仍其餘更萬萬古稽首  
聖謨歐海可枯茲不枯郡守李琬記東嘉育嬰堂册自  
前郡守金公門堂室宇周密完固在郡治之西城隍廟  
右置有塗田若干畝以為乳育之資董其事者十六人  
歷今幾二十年日漸廢弛丁丑夏余來守茲土司事者

以經用匱乏來告余思育嬰之政固即周官保息之遺  
 意而國家愛養之仁所及也有其舉之何可廢墜用  
 告之觀察徐公為經理之考核其田畝之數釐剔其侵  
 蝕之原為易董事數人出入有稽存貯有所何不使抗  
 役不敢侵而董事等亦能體余心無浮銷冒濫之弊於  
 今六載綜計其出入之數足給經用而各盡乃心遂覺  
 亦略有餘裕且出其羨以佐書院之役事之舉廢惟視  
 視前之左支右詘者迥乎不侔亦可知以所入者即財  
 此任事者之當否以為有無也第向例以所入者即財  
 堂內使常得其人則可苟非其人則侵擄虧缺之弊從  
 茲生矣今使入者皆貯於公庫而出則垂之永久第其  
 人絕矣頤之念物無漏卮之虞而可以垂之永久第其  
 所恃者塗田皆在江潯海濱之中向使滄桑無定乘隙  
 為奸則將歸之烏有而莫可如何茲復刊其冊籍於石  
 使後人可以按數而求則一日之規模即其冊籍於石  
 法守而後來者亦得有所藉以存余心於無既也附  
 牛乳哺嬰規條一買牛到堂每日喂三升大米一  
 升草宜剉細將米豆細細拌勻令牧人以時喂養則牛  
 隻自然臄壯買牛以犢小者為佳每日早晚飯後用  
 磨碎豆乾五升半米五合同細草逐日拌勻分兩次喂



之喂畢將牛牽出乘涼飲水一遍日西牽回仍如前法  
 喂飼點燈後再用米一升煮稀粥飲之使乳水易生  
 一每日擠乳務在五鼓令牧人牽牛至廠所須要耐  
 靜氣時擠時歇切不可擠了事或乳水不至即牽小  
 犢舐咂其乳則乳水自下矣然擠乳亦不宜過遲以  
 喂失其時一熬乳宜用鍋安放爐上將乳汁傾入  
 鍋內用微火熬之視乳汁上起有皺皮色微黃為度  
 可取食熟則養人堂則令兒瀉腹一每日熬乳熟後  
 即令乳姆抱嬰上堂按應分之乳以匙緩緩灌之首  
 同女總管親身督視所有嬰兒喫膾之乳令各姆帶  
 房內常啼哭或不時周流稽查倘乳姆不實心調養  
 兒常啼哭或不時周流稽查倘乳姆不實心調養致小  
 逐出午後亦如前法行之至晚煮稀米湯分給以備  
 兒夜間食用一喫乳小兒十月以內者日則分給牛  
 乳夜則灌以米湯不得仍前以乾飯喂食如希圖偷減  
 牛乳仍舊踵此弊者將乳姆逐出十月以上者不在  
 例一牛隻口齒過老則乳少汁薄應視一二年後如  
 牛出乳甚少即令變賣另易肥壯母牛充用至料豆必  
 須乾燥其法用大磨磨為磨碎令於堂內鍋竈之旁另  
 砌一炕與竈相連下砌風洞使竈內火氣灌進則竈自

25-6-117

温煖可將料豆攤炕上焙去潮氣便易磨碎至喂牛碎  
 豆須用水浸泡盆內豆面約浮水二三寸許將到細稻  
 草和入水豆并米調拌極勻方可喂食草要判細越細  
 越佳郡守劉煜碑記天下府州縣建立育嬰堂本帝  
 王保赤之誠體天地好生之德仁政莫善乎是温郡育  
 嬰堂創建於乾隆十二年前任徹底清釐增撥塗田邊委生員陳  
 年前守李君琬洩任董其事迄今多歷年所嬰漸加增  
 肯堂等給以薪水俾董其滋弊藉風潮荒歉隱畝欠租以  
 費用浩大而佃人更替滋弊藉風潮荒歉隱畝欠租以  
 致入不敷出虧及官庫錢二千數百千支絀殊甚余於  
 癸巳春仲來守是邦司事等進謁卽以經費匱乏請余  
 籌畫余因屬温州衛李君世昌永嘉縣丞戈君廷槃率  
 同永嘉縣學廩生鄧承弼等親履其地按籍丈量細核  
 田畝之數追查侵蝕之由諸君皆廉幹勤謹不辭勞瘁  
 行見公款充裕不難恢復舊規時有平陽貢生楊德音  
 聞風向義大具惻隱之心遵其父國學生名植遺命願  
 以親置平邑腴田四百畝輸堂充用當繳札根錢四百  
 八十千零二百文備案發典生息又定每年繳租穀錢  
 四百八十千零二百文并典息以助堂嬰食用之需復  
 開送輪田段落畝分歲租糧額清冊存府精細詳明作

事不苟噫是誠可謂敦善行不怠之君子歟余又聞楊  
生居鄉凡本邑公捐義舉有往告者無不竭力應之樂  
善好施固未易得之近世者余嘉其義因上其事於各  
憲并上請督學使者給額以獎勵之余大書繼善保嬰  
四字以旌其門并為文記其顛末以為溫郡之輕財好  
義者勸溫郡在浙東入郡中地稱富饒戶多殷實倘人  
盡慕楊生名黜繁華重賑恤本帝王保赤之誠體天地  
好生之德不分畛域共助成全俾無父無母之孩提不  
至飢寒失所胥匡以生尤守斯土  
者之厚望也夫道光十三年立

公項額數府志士民捐置本邑各都編田一百八十畝  
零永邑各都塗田九百三十七畝樂邑

各都塗田三十三畝瑞邑鞭田一千二百八十畝  
本城西南八總店基三間西北六總店基一間

都三里屋基三分十都十里油車水碓一所本堂  
置造堂前左側小店四間道光十三年平陽楊德音

捐課田四百畝道光二十九年本邑毛麟珍捐十二  
都四里田一十畝零雲堂檔案府志乾隆年間撫憲

方公發鹽義倉項下商捐銀一千兩并建堂餘贖銀一  
千三百五十兩二款發典生息按月一分五釐府檔

案光緒年間統計每年額租錢四千四百餘千租洋一百二十元租穀三百餘石  
葉芝玉妻捐房屋五間兩進透後樓屋并左右軒統共二十餘間歸嬰堂營業每年租息洋一百四十四元

恤養局 光緒元年總辦鹽釐局務鄒太守仁溥奉遵憲

飭仿省城清節堂條規酌量變通分別養婦遺婦二冊

月給錢文 養婦每名九百 遺婦每名六百 嗣於五年間興築二十六都

之驛頭埭總局梁太守銘樹奉文借支恤養局存錢四

千千動用後因經費不敷又先後借撥大錢八百五十

千今實存各典大錢三千五百千滿一分起息 按是款於

工竣後丈量得埭內墾復有主田六百二十五畝一分  
原議章程每畝認交經費錢六千原限五年內分繳以  
清借款每年每畝完納息穀七斗共計應收息穀四百  
三十七石五斗又丈得墾復無主田一百五十二畝九

分應歸入恤養局招佃完糧每年每畝由佃戶交納租穀七斗共計應收租穀一百七石今自六年為始各佃未能如數完繳恐難依限歸楚也

養濟院 在來福門外明洪武八年建府志按乾隆志

及加增銀共四百九十六兩八錢均於孤貧原額口糧銀運項下造報有案詳貢賦志今據養濟院孤貧甲首四季具領前項銀共五百七十三兩一錢六分又額外孤貧銀一十四兩七錢五分四釐共計銀五百八十七兩九錢一分四釐視舊額增多九十一兩一錢一分四釐不知何以不符此外有由縣每季捐給小糧孤貧一十九名銀七兩七錢八分六釐及捐賞孤貧甲首每季銀五錢每年共捐銀三十三兩一錢四分附識於此

惠民藥局 官府遇歲疫令醫生開局於城隍廟施藥府志

按今已久廢光緒五年署同知郭鍾岳倡議月捐錢文若干每年自三月十五起至九月十五止設局三所城中府城隍廟城西北三港廟城外大南門天后宮各延醫生一人到局施診來醫者果係赤貧方上蓋一戳

天善系示 卷三十一 庶政

字持方取藥以濟貧民如能寬備經費  
議存生息終年設立則久遠之計也

惜字會 在郭公山下設立紙爐士民錢孝宜余熙諸邦

祚谷長鴻全元龍公置田三十七畝為收買之資乾隆

按今已久廢田畝坐落何所亦無可稽

惜字局 在習禮坊倉聖祠內同治九年知縣高樑材率

邑人教諭葉慶禔等捐設署知縣陳寶善踵而成之定

於每月朔望收買司其事者葉慶禔等二十七人刊有

東甌惜字局記事府學教授戴咸弼為之序學使吳存義碑記同

治甲子歲余奉命視學兩浙按試台州畢太平教諭

永嘉葉君慶禔來謁曰甌郡向無倉史祠自咸豐三年  
張大合銑率邑人士勸建於開元寺右王峻金教授衍  
宗記其事鐫之石乃敬倉史而未做其字非所以崇報

本也爰於九年間就祠中設借字局凡之朔望收購殘  
編廢紙及竹木瓦石之有字者焚而送其灰於海捐集  
之資計錢一千五百番存典產息專應其用借之者高  
大令樑材踵而成之者陳大令寶善也行之閱數年矣  
猶恐公事急需移撥而匱於後請數言勒石以禁之余  
思事有似輕而實重似緩而實急者自書契既作人不  
可一日無字非特讀書人賴之其當敬惜之故與夫徵  
驗之不爽不待贅言之也則如賦郡借字之資宜無移  
之他用而豫爲之慮矣然往歲軍興之際符檄旁午度  
支不給權宜挹注不暇顧後此之利病者往往而有今  
幸烽燧銷息四民樂業州郡之長勤勤焉以脩文教爲  
先務卽謂惜字之舉更無重於此急於此者吾知聞之  
者必不斥爲僿言也然則葉君司其事而慮及於移撥  
也其亦過慮乎哉倘後之人有奪此款以應雜用而任  
字之狼藉汙滅不惟獲罪於倉史抑亦創此局者所痛  
恨也余固知其必不然矣禮有曰有其舉之莫敢廢也  
厥之人士其善體此意焉凡局中司事及捐戶  
姓名具列碑陰用昭激勸以垂示永久云爾

敬字局 在下河鄉白塔瑜珈寺內光緒六年生員項慶

賜粟芝雲趙鼎更張起蛟等捐建並購竹輿山以瘞紙

次刊有敬字局紀事府學教授戴成弼為之序

義冢

萬厓志一在西城外厲壇側一在廣化廂河洲邑人

林祥捨一在十八都荷花山下義民黃鑄捨一在石奧邑人

沙窈娘一在舊縣志在厲壇下國朝康熙十七年知府

王國泰率屬捐置李象坤義冢記在翠微山郡司理

嵇宗孟倡率捐置府志續置義冢在集雲廂地三

畝五分知府王國泰置一在集雲廂地三畝同知甘國

奎置一在廣化廂地三畝知縣金德爭置一在太平嶺

地八畝知府芮復傳置一在淨社寺地九畝副使吳士

端知縣金廣培置并捐田六畝五分一在淨社寺地三

畝生員方鴻綸捨一在君子峰下地五分署府袁學謨

置一在甌浦地九分總兵施廷專知府金洪銓置一在

太平寺後地九畝七分零副使朱椿置一在珠浦嶺上

山上畝知府李琬置新纂一在永場五都浹底道光

十六年封職蓋瀾清捨一在十九都一里金雞籠山道

光二十九年巡道慶廉為堂孩置一在十九都珠浦洋



同治十三年知府裕彰置一在永場淡底黃泥坪光緒四年職員孟培祖捨

掩埋章程經費 府志初副使朱椿募捐銀一百二十

三兩乾隆二十五年知府李琬暨鎮道又捐銀二百兩

一并發典生息又撥三十六都塗田一百五十畝以供

經費並選幹董辦理月查季報建碑亭於飛霞山知縣

詳明酌定條規 土工每日給銀二分董事每季給

銀二兩匠人每製棺一具給銀六錢二分上工以六名

輪值扛擡掩埋之事以二名攜帶筐索鑊在城隅

河畔檢收幼殤小棺及朽露枯骸并合十日一輪以均

勞逸其骸骨近水而去義冢路遠力難肩回者即以所

置船載運一掩骼埋斃原為無主者設其有朽棺須

憑地保查查係無主者即行移埋有主者不得混移其有

有主而詢係貧不能葬願赴義冢者一例收埋其一暴

露之棺或底蓋未全損尙可幫扶者須備草索數丈小

心捆縛擡埋不許傾損其骨包日久霉爛者外加蒲包

其貧不能葬之棺雖許附入義冢但可插標祭掃不許  
 於閒曠之地自行擇穴一捨棺查係孤苦窮民及路  
 斃乞丐方准給予先刊發兩聯印票交典史收貯如遇  
 需用保鄰先報董事轉報典史請給典史查明於票內  
 填入都圖保鄰姓名交董事憑票發棺票存董事處彙  
 報請銷仍嚴禁捕衙胥役不許需索留難副使徐綿  
 碑記百昌生於土而反於土惟人亦然人之生也有屋  
 宇以覆其形死也葬埋以妥其魄無異情也設生而  
 露宿野處上雨旁風無所障蔽必不能一日安其身記  
 曰之死而致死之鬼之仁而不可為也本俗安萬民燬宮  
 明之故通乎人鬼之情故大司徒以本俗安萬民燬宮  
 室之後即繼以族墳墓族師之聯比閭而相保受者必  
 使之相葬埋至於蜡氏掌鼬禁又著為令曰若有死於  
 道路者則令埋而置楊焉此所謂以不忍人之心行不  
 忍人之政者也考諸傳記若越得防風之骨漢徵貳負  
 之尸可知聖帝明王雖於元惡大憝尙不惜一抔之土  
 况生不盡嬰罪戾特以無主後而聽其散棄於原野榛

莽若古詩所云白骨不知名縱橫莫覆蓋是宜仁人之  
所恫心今漏澤園之設不知始於何時所在有之溫郡  
頗缺前觀察朱公會買地一區而規制未備太守樹城  
李君莅任於教養諸大政講求甚悉次第舉行因念掩  
骼埋醜亦仁政所不可緩方經度其事大總戎吳公聞  
而善之與予並捐俸爲倡守丞暨五縣和之合前朱公  
所捐共得銀若干兩貸商出子錢又撥田一百五十畝  
爲置樁及他費用然後募夫以供其役擇僧以董其事  
而月計歲會則縣與尉筦其凡焉議既定復於公而乞  
余文紀其事余以爲惻隱之心仁也仁者生生而不息  
生既滅而猶不忍使失其所仁之至也而今猶慮夫人  
情善謾以爲枯朽之物凶穢之餘其鬼不靈羣焉受若  
值而怠若事不且虛太守之德意乎哉雖然是何慮人  
之欲善誰不如我太守以仁物爲心而奉行者各心太  
守之心則必覈其實而省其勤無有侵漁墮廢之患不  
盜惟是凡厥庶民聞風興起豈無慕義強仁者亦各心  
太守之心相與助其費而不苦於時誦舉贏且拓其地  
使繼此有所容是生生之理相行於無窮也夫怨厲消  
則清和集行見四境之內仁風翔洽風雨時而百穀用  
成皆自此一念之不忍感召矣爰勒諸石俾來者有攷

其他修理節目之  
詳具載碑陰云

閩幫義冢 府志在西門外廣化五堡翠微山下福建汀

州府八邑商民為客死者停柩建 乾隆十五年公捐其

字六十七號基二分四毫六十八號基一分五毫

六十九號基九分九毫中建屋三堂後安士主東西停

柩建小屋二十間續於二十八年公增二十六間編列

親朋游蠶水旅櫬聚甌山暫寄他鄉外應隨故國還柩

停於斯地限滿十年間于秋雙塔峙男女各分安字號

又設骸骨所一間左設普同男女二塔其奇柩分別有

無嗣續議以五年十年燒化葬於塔下 鄰守俞文漪

碑記嘗讀詩以死喪之戚為兄弟孔懷至 鄰守俞文漪

永歎再則曰無戎豈交情竟以生死殊哉蓋 鄰守俞文漪

輕去其鄉歿則含飯隔下小殮戶內兄弟 鄰守俞文漪

於寢門之外禮也似與兄弟有間耳若過 鄰守俞文漪

死他所旁無期功之親誰肩窀穸之任則 鄰守俞文漪

同方者自不得辭其責焉此義冢之設亦 鄰守俞文漪

也閩汀山多田少食指殷繁輒不能株守 鄰守俞文漪

方且遊

吳楚入巴蜀逐什一之利以謀生矧夫浙閩接壤東  
 在望壘遷而來由來久矣其虛往實歸立基業而回故  
 里者固所不乏而年深月久命運不齊病且死於蕭條  
 旅館間者亦若而人當斯時也骨肉遠離家鄉何在護  
 櫬而歸則登山渡海維艱停棺於野風雨飄零堪虞汀  
 人士目擊心傷諮於衆購地為義冢俾得歸土之安而  
 無意外之患昔郭元振以資錢四十萬助人葬范純仁  
 遇石曼卿於丹陽詢知其三世未葬慨以麥舟助之干  
 古傳為盛事今義冢統一郡之未能歸葬者悉資其助  
 不且與古人有合耶且吾於是而望禮讓之可復任郵  
 之益敦何也挾計然之術者莫不權子母而析秋毫雖  
 至戚密友錙銖亦形於色觀於義冢乃知白骨難歸黃  
 金何有且解囊襄事死後之所贈倍於生前亦爽然於  
 計較刀椎之無謂而臨財克讓矣人之家居也鄰里鄉  
 黨且休戚不相關或至老死不相往來何論同郡觀於  
 義冢舉一郡中未聞姓氏未識面目者皆動以春露秋  
 霜之感勝於治比婚姻之舊遠者厚矣近者反薄必有  
 怒焉難安者今而後仁厚施於里黨亦情所必致也在  
 力行古道者永矢弗諼焉是為記 巡道李琬俾記周  
 禮秋官蜡氏掌除舐凡有死於道路者則令埋而置碣

卷之三十一 庶政

焉書其日月縣其衣服任器於有地之官以待其人先  
 王澤及朽骨慮綦詳矣所謂興哀於無用之地施德於  
 不報之所也然當其時有封建以限有井田以業民尙  
 安其土而重去其鄉今四海一統民數百倍於古則生  
 死死於異地者雖仁政有所不及周而惟恃鄉鄰風  
 俗之美敦睦姍任恤之誼相與哀其窮而平其憾已爾  
 温州西門外廣化五堡有義冢焉是閩汀商人公建爲  
 汀人客死者計也構屋二十九以停棺建塔二座以  
 埋骨待以十年者體生老之情仁之至也十年後卽火  
 化者恐無地可容且安死者之魄義之盡也吾聞汀故  
 閩之名區界連楚越士皆嚮文學而重節義今卽率車  
 服賈之儔亦仁心爲質如此豈不足以風薄俗而警懦  
 夫也哉前守俞公先有文紀其事其言最爲懇摯會商  
 人來請文勒石予嘉其義因摭俞公所未及者書以貽  
 之其勸建規制之詳具列碑陰云 一家內創屋二十  
 九間以爲停頓喪柩之所外砌普同二塔收拾骨殖  
 一冢屋每間編一停柩在冢者務將某縣某處居住係何  
 以便稽查 一停柩在冢者務將某縣某處居住係何  
 姓名并有嗣無嗣一一書記棺上照書登記號簿一  
 無嗣者議以五年爲期有嗣者議以十年爲止過期並

無親人省視卽燒化入桶懸牌書姓氏於上以便查考  
一每年冬至日僱工四名收化年滿骸骨入桶務要  
代爲登明姓氏以便稽查一年滿應化之樞務宜查  
清樞簿預開姓氏懸牌佈告以便寄親人自裁一  
燒化入桶後既懸牌書姓氏於上再停桶五年以俟伊  
子稽查領回如五年之外無人認領者概行人塔  
停樞於家須確是汀郡人氏方許寄頓如有詭詐冒混  
者查知卽行外徙一家門鎖鑰及義冢號簿俱交天  
后宮首事管如有樞停冢者先向首事說明登簿然後  
取去匙鑰至安頓後仍將匙鑰交還並註明號簿係停  
於某字號第幾櫃外再付銀  
三分交執鑰者不時啟開

輔善局 在永嘉場署右偏光緒三年鹽大使程雲驥葺

旁舍爲之自爲之記 記曰余以乙亥秋捧檄來此海濱

慙慙尤可憫者死無以葬暴露或不免焉地郡五十  
里而遙好善有心莫爲之倡余因葺署右舍三楹鳩匠  
造棺若干具有以不能葬告者取而予之更謀諸紳耆  
之樂善者腋集而踵行以計長久隨取隨補常存二十

具為率工既竣顏其額曰輔善語云人之好善誰不如  
我余非能倡善也輔之而已余既輔人善人亦輔余善  
庶一舉而眾善歸焉又於永場二都牛頭山購地四畝  
此筆記之以諗來者

四分為義家光緒四年置  
四明公所一名同善堂在來福門外集雲廂清明橋莊靈郡

同鄉公建為客死者停柩之所咸豐八年建

浮屠公所 在集雲廂四明公所隔河對面為暫停有主

無力之棺而設房屋五間議停至年滿遷葬光緒三年

總辦鹽釐局鄒太守仁溥建有紀事碑初巡道梁公恭辰購買基址建

一牛廩調養病牛未幾廩遭颶襲鄒太守因其舊料添

新改作仿四明公所成式公捐建造計集雲一里墾字  
號七條共承基地四畝六  
分八釐七毫五忽碎記略



便止亭 在茅竹嶺上明宏治辛酉年建有碑記詳金石光

緒四年場大使程雲驥捐廉重修

覺海亭 在十二都大茶山康熙二十四年僧妙立創建

同治四年僧梅谷募捐重建

青來亭 在四都青山下同治二年郡城曾榮卿建

彩虹亭 在四都橫溪下雙橋邊同治十三年建

未雨亭 在三十二都雞籠嶼光緒七年職員孟培祖建

教授戴咸弼為之記以上俱新纂



永嘉縣志卷之三十六

襍志一

志地及於庶政備矣然不有志之餘乎天文五行史家列各志之首而志體與史不同往往以祥異附各門之後舊志別爲一門湯志與兵事並列今取以冠襍志次者壽昇平之人瑞也而舊志略焉則補錄之次方外寺觀吾道之駢拇枝指也次遺聞瑣記足以供穎掃佐塵談因舊志而增損之者也次存疑辨誤糾正前人之疎略不能已於言者也其不必存而懋存之者爲附錄本志刊既竣而續有所得者爲補遺統名爲襍志云

祥異

休徵咎徵著於洪範至漢劉向父子必求其事以實之  
或多傳會不知天道遠人道邇子產嘗言之矣地志之  
有祥異第存其事而不言休咎慮其惑也永嘉舊有白  
鹿黃龍芝草嘉禾之瑞近代以來不聞有是豈當時好  
尙使然耶若夫旱澇偏災疫癘間作則思以人事補救  
之有土有民者不得盡諉之氣數也今稽歷代五行志  
補舊志之缺軼並糾正其訛舛者而益以見聞所及著  
之於篇然自乾隆庚辰以後至今百二十年父老傳聞  
不過如是其放佚亦不少矣

晉

惠帝永平元年海溢

萬麻府志

明帝太寧元年初立永嘉郡時方建城有白鹿銜花遂名

其城為白鹿城

萬麻府志

孝武帝太元十七年六月永嘉郡湖水湧起近海四縣人

多死者

晉書孝武紀及五行志

按萬麻府志載六月颶風暴雨海溢

安帝元興元年三吳大饑戶口減半會稽減十三四臨

永嘉尤甚富室皆衣羅紈懷金玉閉門相守餓死

通鑑

帝紀

宋

文帝元嘉二十年夏永嘉郡後池芙蓉二花一帶太守

藝以聞

宋書符瑞志

元嘉二十一年十月己丑永嘉見黃龍自雲而下太守賦

藝以聞

宋書符瑞志

唐

高宗顯慶元年九月庚辰枯州海水泛溢安固永嘉二縣

損四千餘家

唐書高宗紀

總章二年六月戊申朔枯州大風雨海水泛溢永嘉安固

二縣城郭漂百姓宅六千八百四十三區溺殺人九千

七十牛五百頭損田苗四千一百五十頃遣使賑給

唐書

高宗紀

上元元年郡旱饑長史李皋攝行州事發官粟數十萬斛

賑之

唐書李皋傳

睿宗文明元年十月大水漂流四千餘家

唐書五行志

文宗開成四年饑

文獻通考

五代後周

世宗顯德三年紫芝生於永嘉之西山

十國春秋吳越世家

永嘉西

山南峰有紫芝生於錢令公墓側未幾吳越王歸疆今

其處名紫芝峰

萬厓府志

宋

樂志

樂志

祥異

二

太宗太平興國四年九月知温州何士宗獻嘉禾九穗圖

宋史五行志

咸平三年永瑞俱大饑萬麻府志

八年州民李遇妻一產三男宋史五行志

淳化五年二月守臣何士宗獻芝草五本十月又獻十本

宋史五行志

真宗大中祥符元年四月獻瑞竹圖十月獻靈芝圖宋史五行志

志

八年永嘉縣民張保妻一產四男盧若騰鳥居隨錄

仁宗嘉祐三年正月郡大火燔屋一萬四千閒死五十人



宋史五  
行志

英宗治平二年八月永嘉颶風大水州大火萬麻府志按宋史治平

三年正月己卯温州火燒民屋萬四千間死者五十人事與嘉祐同疑有一誤

神宗熙寧九年七月颶風大水舊府志

十年七月大風雨漂城樓官舍宋史五

徽宗政和三年火宋史五行志

高宗建炎二年大風壞屋覆舟宋史五行志

紹興二年戒福寺銅佛像頂珠自動光彩激射經日不少

停數日火作寺焚宋史五行志

三年天旱地震知溫州軍事洪擬以聞名臣奏議

三十一 禱志 祥異 四

十年十月十七日火起望京門外飛爆延燎譙樓開元寺

萬麻府志

十一月丁巳大火燔州學酤征舶等務永嘉縣治

及民居千餘

宋史五行志

十六年大雷電震死六人於龍翔寺

宋史五行志

十九年秋旱大饑

浪語集

二十年大饑

永心集

二十四年饑

永心集劉子怡墓誌

三十二年七月戊申大風壞屋覆舟

宋史五行志

大水

舊府志

孝宗隆興元年大風饑

舊府志

二年大旱草根木實俱盡

永心集劉子怡墓誌

乾道元年二月寒敗首種損蠶麥

宋史五行志

二年八月丁亥大風雨海溢漂民廬鹽場龍翔寺覆舟溺

死二萬餘人江濱齕骸尚七千餘九月遣官案視水災

坂貧民決繫囚

宋史五行志

按舊志是年夏海門有蛟出水長丈餘既而塔頭陡門水吼三

口海上結乳成錢有父老識之曰海將以錢幣人也至

八月十七日颶風挾雨拔木飄屋夜潮入城四望如海

宋史

四年八月州大火

舊府志

五年夏秋凡三大風水漂民廬壞田稼人溺死者甚衆十

月振被水貧民以守臣監司失職降責有差

宋史五行志

六年五月大水六月大旱

宋史五行志

祥異

祥異

五

年久旱無苗麥秋饑宋史五是歲九月火經夕燔縣治

及居民七千餘家舊府志

清熙六年秋水壞圩田宋史五

七年八月試士火作於貢闈宋史五是歲秋貢院火應試

者八千人焚死者百餘舊府志

九年夏秋旱宋史五是歲自五月至秋七月旱舊府志

十二年八月火燔城樓延及四百餘家宋史五

十六年秋螟宋史五

十六年大饑春大旱力耕種湯守碩給官米借田主與佃

戶通田舊府志

光宗紹熙元年六月五日永嘉監前火延燎六百餘家九

月二日洗馬橋火起雁池止延燎五百餘家萬麻府志

二年三月癸酉大風雨雹大如桃實平地盈尺壞廬舍五

千餘家禾麻菜果皆損宋史五行志

五年八月大水宋史五行志

寧宗慶元五年秋水漂民廬人多溺死宋史五行志是歲六月

霖雨至八月舊府志

嘉定八年春夏旱甚宋史五行志按舊志作嘉泰八年五月至八月大旱誤

十四年旱蝨螞為災宋史五行志按舊志又作嘉泰誤

理宗寶慶元年七月大水宋史五行志

詳異

紹定元年六月郡大火燔六百餘家九月燔五百餘家續文獻通考

考

淳祐六年十一月郡東門大火燔六百餘家續文獻通考

寶加元年七月庚寅大水詔發廩振之宋史五行志

五月二十二日大來橋火起延燔九曲巷并崇德寺

向麻心

庶不成淳初永嘉海壇嶺下江沙忽漲人以為異先是

童謠云海壇沙漲温州出相未幾陳宜中大拜萬麻府志

四年七月禾有異畝同穎郡守王亞夫聞於朝有旨陞温

州為瑞安府增額四員萬麻府志

恭宗德祐元年十一月初六日夜趙興擇潰軍縱火起應

道觀巷三日不滅舊府志

元

世祖至元五年芝草生於郡城之松臺山狀如連雲文彩

煜然舊府志

十四年五月大火六月颶風大水舊府志

十五年大饑舊府志

二十八年春甌中雨土霖霽山集

二十九年十一月大火次年正月又大火續文獻通考

元丙申三月十八日永嘉天雨黑米粒小而多  
飯可食攷至元無丙申或至正之誤附識於此

續文獻通考 卷一百一十一 雜志 祥異

成宗元貞二年大饑九月拱辰門火延燒城市大半續文獻通

攷

大德元年七月十四日夜颶風暴雨海浪高二丈壞田四

萬四千餘畝屋二千餘區續文獻通攷

仁宗延祐元年八月郡大火自拱辰門延燒大街東向抵

海壇華蓋山麓至瑞安門舊府志按續文獻通攷作延祐二年八月二十七日

泰定帝泰定元年夏虹見九頭其色如血秋八月夜地震

海溢舊府志

文宗至順二年枯蒼山中秋水暴溢被郡境颶風激海水

相輔為害隄傾路圯亭隨仆永和鹽倉亦圯水怒未已



且將破廬舍敗城郭

見黃文獻潛永嘉縣重修海塘記

順帝至元三年六月蝗

元史五行志

六年大旱

府志仙釋傳

至正元年夏饑

元史五行志

四年七月颶風大作海水溢漂民船溺死者甚衆

元史五行志

按綱目是年温州地震

五年夏温州饑

元史五行志

八年永嘉大風海舟吹上高坡十餘里水溢數十丈死者

數千謂之海嘯其後方國珍據海為盜屢犯永嘉死兵

刃之下者無算

七修類藁續文獻通考

九年三月大雪元史五行志

十二年七月初七日夜來福門內火燔淨光寺并塔崇德

寺大來橋數百家萬麻府志按舊志在泰定四年

十三年大旱民鬻子食宋景濂文集

十七年夏六月温州大水沒千餘家草木子按元史五

月癸酉温州有龍鬪於樂清江中風大作所至有尤如毬死者萬餘人

二十二年秋八月大風海溢舊府志按舊志作至元恐誤

二十五年饑萬麻府志

二十七年十月火城內焚燬大半舊府志按舊志作至元恐誤

明

太祖洪武八年秋七月大風雨海溢沿江居民多淹沒府志

志

二十一年旱大饑萬麻府志

成祖永樂二十一年自秋至明春不雨晚禾無收早秧亦

不能下民大饑草根木皮食之殆盡死者枕藉於道萬麻

府志

宣宗宣德元年五月永嘉樂清颶風急雨壞公私廡宇及

壇廟明史五行志

宣德間海壇沙復漲邑人黃淮大拜萬麻府志

六年六月颶風大作壞公廨祠廟倉庫城垣明史五行志

嘉善縣志 卷三十六 禳志 祥異

憲宗成化二十二年九月旱明史五行志

孝宗宏治二年六月初七日夜颶風挾雨自東北來聲如

怒雷摧屋折木禾稻損十之四萬縣府志

三年大饑康熙府志

八年二月壬申暴風雨雹大如鷄子小如彈丸積地尺餘

白霧四起毀屋殺黍禽鳥多死明史五行志

十一年饑方川何氏譜

武宗正德元年十二月地震有聲如雷地出白毛長者三

四寸溫州府志自元年冬至二年春麥穗桃李實其冬永嘉

花盡放明史五行志

五年饑萬麻府志

七年嘉興金華温台寧紹乏食明史五行志

十年大疫方川何氏譜

十二年四月永嘉樂清二縣地震大生白毛府志

十三年六月大水萬麻府志

十六年大旱府志仙釋傳

世宗嘉靖初海壇沙漲永嘉張孚敬大拜萬麻府志

五年大旱饑永嘉瑞安樂清三邑尤甚萬麻府志

八年春多虎為害萬麻府志

八年八月大風雨海溢舊府志

卷之三十一 雜志 詳異

十三年七月旱八月颶風大作什温州衛治及佛寺民居

萬麻府志

十八年春淫雨苦農秋旱魃為虐

項喬國東私錄

二十三年三月十八日大雨雹至四月開大旱五月初郡

守祈雨不應十七日迎龍母於蒼山晚大雷雨十八十

九二日連雨

岐海璪譚

二十四年大饑

萬麻府志 國東私錄

三十三年九月大火

舊府志

三十三年九月大水溪鄉居民多淹沒蕩去田地數千畝

萬麻府志

三十六年三月地生白毛舊府志

三十七年秋八月府門兩廊清軍理刑廳火萬麻府志

四十年夏六月大風雨拔仆永嘉縣學廟門及民房萬麻府志

四十五年正月一日夜分地震生白毛萬麻府志

穆宗隆慶二年秋七月大風雨漂沿海居民田地無算萬麻府志

府志

神宗萬曆二年六月大風雨七晝夜沿溪民多溺死萬麻府志

三年大旱劉氏譜

五年八月二十二日未刻日色正烈忽然天鼓一聲五邑

俱聞舊府志

襟志

祥異

十七年七月己未杭州紹興温州地震（明史五）

三十二年十一月九日地震有聲屋瓦有隕地者五邑皆

然舊府志

三十三年十月十四日地大震（舊府志）

三十五年五月不雨至閏六月二十八日大雨徹五日夜

不止水暴溢一城為壑昆陽三港間居民溺死以千計

至有母子相抱浮屍於江者（何白汲古堂文集）

四十二年秋七月大雨（康熙府志）

四十六年東方有白氣如匹練衝天數月始滅（舊府志）

四十七年夏海水暴長不逾時而落鱗介之屬僵死盈路



舊府志

莊烈帝崇禎四年八月龍從永嘉江中起循郡城南度松

臺山飛石拔木壞城垣及民居數十處舊府志

國朝

順治五年秋颶災饑饉宋鴻瞻竹園彙稿

七年正月五日酉時天裂東南紅光燭地移時始復舊府志

是年饑劉氏譜

九年十月四日天雨綿狀如飛絮舊府志

十六年春夏秋大疫舊府志

康熙四年七月各鄉山鳴聲如浪湧八月露凝樹枝其甘

如蜜舊府志

年七月五日大風雨損壞城垣廬舍市可通舟八月地

生白毛舊府志

九年饑劉氏諸

十年七月二十九日大魚起永嘉江中其脊如山兩日始

伏舊府志

十一年七月二十九日永嘉有白龍見雲端鱗甲朗然可

觀閏七月十六夜有虎入城舊府志

十二年秋譙樓南石磚隙中忽生西瓜無水自長藤葉滋

蔓數尺發花結實瓜大如拳康熙府志

十三年夏龍見舊府志

二十年春地震夏大旱至九月城中大火燎民舍五千餘

家舊府志郡守徹署門額投煙焰中火始息金璋嫩芳齋厄言

二十一年二月雨豆舊府志

六十年大饑奉文運米賑粥浙江通志

雍正二年大水浙江通志

十年正月初九日縣民李天錫妻林氏一產三男浙江通志

乾隆二年大水明年春奉文運米賑粥舊志

六年海水溢沿江田畝淹沒奉文賑卹舊志

十五年蟲災九月大水奉文賑卹舊志

十六年大旱奉文賑卹舊志

二十二年六月東山竹花紫色結實如麥雷百川詩注

六十年郡城七聖廟大樟樹自焚中藏竹木箸無算經日

焚盡甌乘補

嘉慶元年春正月嚴霜殺物夏五六月大旱歉收黃挺拊述

秋八月壬寅朔颶風為災是日天陰晡時風雨起入夜暴

烈雨雹交下大風拔木電掣潮激或云蛟鬪比曉方止

壓壞城鄉官民廬舍斃人口牲畜無算時魁制憲閱兵

在温馳奏撫卹案陳汝瀛偶記元年八月初一颶災異

輪甫出天際火光迸散大風隨至帆船沈沒甚夥其夜南塘民房被風壞者門戶皆有燒痕見甌乘補下同

三年春夏大疫冬大寒人民凍斃甚夥

五年六月颶風

七年秋九月二十四日雪

八年五月颶風

九年夏秋霪雨傷稼歉收

十年痘疫

十四年六月初六初七兩夕颶風十一月西門外江有大

魚無鱗皮黑肉紫約十餘丈或云海鮪肉重數萬觔

十六年春正月元旦大雪三日二月二十三日地震自三

月至夏四月大霖雨五月至秋七月大旱早禾盡槁晚

禾有蝻及登場時陰雨兼旬升米錢六十民大饑

茶話  
軒詩

注集

十八年九月十一夜地震十二日午刻微震二十四夜又

震戶壁為裂環鐵皆鳴

王朝清雨窗瑣錄見歐乘補

二十三年三月十八日晚大雨如注延至二十日黎明平

地水高三尺西山崩陷里許

余懷英筆記

六月廿九日大風

拔木

歐江逸志

二十四年六月初八日大雨震電不止屋瓦皆飛擊死三

人壞石牌坊一碎同安船桅二驚死復甦者十餘人

余懷

英筆

七月十六日驟雨狂風

歐江逸志

二十五年旱饑是秋颶災郡邑大疫

道光元年疫八月大水二年又疫民間盛傳雞勝生爪三

爪可食四五爪不可食食之殺人

三年春淫雨害禾

國乘補下同

十年七月二十三日安溪黃壇石碾起蛟裂山而出沙石

飛走漂沒田廬淹斃人畜無算

未水前三日更後有聲如牛吼或謂蛟鳴也

十一年夏秋瘟疫

五月不雨至六月旱甚十九日風雷二至二十三連日大風雨天氣暴沴致

成癘疫

十二年秋八月二十日颶風大雨壞田廬人畜洋面漂沒

營船連日洪潮入城河水為渾晚禾歉收三十都朱山

朱阿東家雄雞生四足不能啼阮山陳錫項家牛生一犢兩頭三日方下母牛與犢俱死十月二十二日十一月十五日大雪虹見

十三年春夏大疫六月初十日大風潮害禾茶坑貓竹開花白色旋開旋落

十四年春夏大疫大饑石米八千死於饑疫者日以十百計無棺則以藁裹之情形極慘劉太守煜移鹽義倉穀濟之並捐賑活民甚衆六月十七八等日颶風大雨二十六日昏夜大星自東南飛度西北白氣如練隆然有聲紅光燭地九十月之交大雨兼旬風潮沖沒晚禾歉



收

十五年夏旱秋大風潮漂溺舟楫商舶無算官兵王大成等領兵四十餘人沒於海田亦歉收

十六年夏大疫

十九年四月初八夜四更天鼓鳴於東南方五月十五十六等日寒雨衣裘冬雷

二十一年閏三月十六庚午立夏大寒夜半雨霰傷禾

二十三年五月縣學署芙蓉開花閏七月大水入城八月風災晚禾歉收

二十六年春夏大疫無雨六月十四日地震七月十四日

颶風大雨兼旬為災壞永嘉文廟及公廨民居秋冬瘧痢流行

二十七年秋颶風為災大疫晚禾豐收

二十八年四月初八夜大雨雹大者如雞子麥穗被折是年早禾豐收米石一千六百

二十九年五月七都張家地噴血如流郡城康寧巷吳家地亦同日噴血染人手足兩三日方滌去

三十年痘疫童稚多殤軼事隨筆

咸豐三年三月十七日夜地震六月十七至二十六日大雨十晝夜水溢街衢壞廬舍鄉村尤甚早禾已熟不能

登場穀價踴貴二十六日夜龍潛村山圯覆屋傷一十

九人

新纂  
下同

五年七月初八夜颶風發屋折木八月初十日颶風亦如  
之幸田禾無損

同治元年二月初四日十六都下鄭村民家地出血

四年正月十六日夜風雪中雷電交作

九年三月初七日午刻永場張象麒鄰家婦被雷殛後二

日天降紅雨簷溜如血簷下有浣衣孟衣皆染赤揭衣  
出水仍如故逾二刻溜止孟水漸淡

十三年八月初四日三十都村民家雷震死四人

光緒元年二月二十五日府學巷民家有豕生象色灰白  
無毛逾時而斃

五年六月二十一日未刻大風雨壞官廨民居一炊許風  
止蓋龍風也冬暖桃李花

七年七月十八夜半大風毀垣拔木早晚二禾俱豐收

耆壽

史稱越人勇之言東甌王壽百六十歲信與宋時有李  
元老年逾百齡載在前史其見於他紀傳者亦往往而  
有至我

朝重熙累洽湛恩汪濊山陬海澨擊壤興歌故自百齡以  
上及五世同堂皆有 恩賚謂非昇平人瑞與舊志不  
著於錄鄉僻小民漏未呈報不獲仰邀 盛典者當復  
不少今彙而錄之爲子若孫者知所歆羨而不墮於上  
聞亦教孝之一端也夫

宋

李元老 景定三年九月丁丑温州布衣李元老讀書安

貧不事科舉今已百四歲詔補迪功郎致仕本郡給俸

宋史

理宗

郭嘉士字秋田郡城倉橋里人道光癸卯年百歲

詔賜七品頂戴給帑建坊額曰昇平人瑞壽至百有八歲

錢塘吳鳳藻撰文林郎郭公墓誌銘公諱嘉士字秋田温  
州永嘉人也先世籍台之臨海考定魁遷黃巖公又遷温  
居郡城之棠蔭里遂為永嘉人公抱質任真享人世希有  
之壽雖其名德未顯於世而淑身型家之範垂世裕後之  
模有足以矜勵者固宜其獲福之優而後之方與未艾也  
公於兄弟次居長與仲弟嘉賢季弟嘉德怡怡友愛有美  
家大被之風兩弟相繼逝公撫姪炳松炳文炳江如所生  
及遷温遂挈以俱家配陳孺人早亡公不再娶以仲弟子

炳松為嗣蓋其天性之篤而識見明達類如此家貧而好  
義往往分所有以啜人之乏若忘乎己之不足也者生平淡  
泊寡營特善睡眠體尤強固自少壯至老未嘗近藥餌怡神  
適志年逾上壽殆得天獨全者與公期頤之歲有司以事  
聞於朝詔予七品頂戴賜金建坊額曰昇平  
人瑞既而諸同人爭為歌詩以貽公為上壽徵詩錄一卷  
於以誌壽康之美而揚寵錫之麻甚盛事也公壽至  
百有八齡起居宴息如恒偶晨興微倦思臥甫就枕目遂  
瞑視之已卒時道光庚戌八月十四日巳時也始公布衣  
閭修每以身未成名為憾及諸孫繼起延師講學所以督  
課之者甚嚴而期望之者甚殷其後長孫景修果以文行  
受知於昆明趙文恪公以選拔貢入成均次三孫及從孫  
均能文有聲庠序閒蓋其志趣超邁而侑啟後人者又如  
此嗚呼公之福集於身而慶鍾於後其可以含笑於九原  
矣嗣子炳松封儒林郎孫三長即景修待銓教諭吹景雲  
三景銓皆諸生曾孫一輔忠公生於乾隆癸亥三月十七  
日丑時今將葬公於永邑上鄉丁么之橫山鳳藻與景修  
同舉拔萃科知公詳謹揭之墓石并系以銘曰上壽難期  
沉乃過之汾陽遺裔篤慶鍾奇殖德  
斯獲載福有基佳城克卜嘉蔭蕃滋

吳宗元十二都茶山人咸豐丙辰科 恩榜舉人丁巳科

會試時年百歲 欽賜進士 賞翰林院編修銜給

帑建坊 以下俱採訪冊

謝欽誥郡城人年百三歲同治十年奉 旨給帑建坊

額曰昇平人瑞 恩賞上用緞一疋銀十兩

林起康二十四都林山人年百歲子錦朋年七十六歲

潘陳氏楊與人鮑岡潘某妻現年百三歲

陳振松妻葉氏十都魚鱗浹人現年百歲孫四人曾孫五

人各安農業

生員徐日隆乾隆時人五世同堂夫婦年皆九十巡道蒞



復傳給宇宙太和額以旌其間

鄭廷南相溪表山人字希棟號蔚山例貢生世爲農家子  
渾厚和平子四人孔炤孔熙入邑庠孫十一人曾元繼起  
五世同堂妻胡氏夫婦年逾八旬嘉慶己卯詳請具題  
奉旨給盛世休徵額

陳國寧字熙亭三十都元山人妻吳氏年皆八旬子八人  
孫十四人曾孫三人元孫一人五世同堂道光元年詳請  
具題奉旨給帑建坊

歲貢張振奎妻徐氏下河鄉白象人年九十六道光九年  
巡道賈聲槐贈五世同堂額

鄉賓陳義海號朝宗柎溪四十八都灣里人年八十三妻  
高氏年八十五子二人孫十二人曾孫三十人元孫二人  
五世同堂

鄉賓李廷亨柎溪五十一都鯉溪人年八十三妻夏氏年  
八十一五世同堂

陳元煜妻鄭氏柎溪四十八都芙蓉人年九十九子三人  
孫七人曾孫十一人元孫二人五世同堂

鄭清傑柎溪四十九都林里人年八十一歲五世同堂

潘壽橋妻吳氏壽九十一歲子二人孫十人曾孫十七人  
元孫一人五世同堂

中議大夫徐振樞妻朱氏年九十一歲

孫衣言為之序  
見遜學齋文鈔

職員陳洛英妻張氏年九十一歲

歲貢陳越  
英弟妻

生員諸葛蘿十二都人年九十五歲子彪孫夔皆入庠乾

隆時人

陳禮勤楊嶼人現年九十五歲猶能扶犁耕田與諸孫刈

麥分秧爭後先為樂

鄉飲賓潘盛芳西溪昆陽章當人卒年九十六歲

耆民潘光昌章當人現年九十二歲

鄉耆陳易田字九疇號耘五原籍嚴州建德縣人隨父遷

溫入籍永嘉今為梯雲里人現年九十八歲妻葉氏現年

七十一歲子五人孫四人

王國秀號味蘭其父某寧波人曾任温州城守營都司遂家焉國秀善以指畫蘭菊花卉人寶愛之卒年九十三歲右自百齡以上及五世同堂俱例準具題褒獎其年在九旬外者亦并著之共二十一人未及九旬者不備

書

方外

漢以黃老治天下晉以老莊說易而釋道安佛圖澄之流揚其波而熾其燄幾與吾道爲敵東甌自漢開國迄六朝遂有著名仙籍者至唐宿覺禪師有永嘉集爲禪宗之倡五代宋元紛然接踵志地者登之簡冊累幅不盡何其詳也有明以後亦稍衰息至

國朝崇尚儒術二氏之學不昌二百餘年竟無一人可傳昌黎諸大儒奮然闢之而不足今固不待闢矣豈非吾道之幸歟茲因舊志所存時代或多訛舛稍爲詮次而仍之未載者概不闌人竄嚴毋濫以是爲異端之防焉

耳矣

三國吳

朱孺子安固人幼師道士王元真居大若巖常登山嶺採黃精服餌歷十餘年一日就溪畔濯蔬見岸側二小花犬孺子異之乃尋逐入枸杞叢中歸告元真遂與孺子俱往伺之復見二犬戲躍逼之又入枸杞下元真與孺子共尋掘乃得二枸杞根形如犬堅若石挈歸煮之孺子益薪看火三日晝夜不離竈側試嘗汁味取喫不已及根爛以告元真共取食之俄頃孺子忽飛在前峯上謝別元真昇雲而去俗呼其峰爲童子峰元真後創其根盡不知其年壽

亦隱於巖之西陶山有採捕者時或見之續仙傳

晉

劉根字君安隱積穀山飛霞洞嘗乘赤霞至天台赤城訪紫靈君舊傳有孺子鬻糖遇一道人引之入洞見臺閣森

嚴二人對奕歸語其母母往視之至則巖壁合矣仙家雜記按

名勝志晉邑人劉根隱飛霞洞則根乃永嘉人與後漢書所載之劉根係潁川人不當混而為一浙江通志

唐

傅隱遙吳甘露初棄家為道士居石室山大若巖辟穀修煉至唐調露元年丹成上昇游戲人間蓋四百餘載也今

大若巖左有登仙石兩浙名賢外錄

元覺字明道俗姓戴總角出家住龍興寺觀其寺旁別有  
勝境遂於巖下自搆禪菴居其間以獨學孤陋與東陽策  
禪師肩隨遊方詢道謁韶陽能禪師而得旨焉既決所疑  
能留一宿號曰一宿覺猶曰半偏青也先天二年於龍興  
別院端坐入定殞於西山之陽覺唱道著明修證悟入慶  
州刺史魏靖都輯續嘉集高僧傳李邕作神道碑云  
無證無修不離此心而得佛真或語未嘗有法以示人  
世稱宿覺禪師佛教自六祖以來顯者三人南岳懷讓清  
源行思永嘉宿覺也懷讓之下有馬祖南泉趙州臨濟行  
思之下有石霜樂山雲門曹溪諸派宿覺之下獨無傳惟



證道歌行於世元和中郡守杜賁發墳視之遺體如故因  
為營塔名淨光後守朱褒上其事僖宗賜諡無相大師萬

溫州府志

左元澤性介不隨俗居玉霄峰三年絕粒不語常製真一

頌赤城志

元澤事方瀛徐靈府因卜居香林峰石室中靈府

愍其勤恪遂授以祕要溫州青嶂觀有土地祠里人嘗以  
血食祀之苟祀不至則為祟元澤以杖笞神背翼日有大  
狸死於庭一日忽謂主觀者曰某將他適請置湯沐掩蓋  
日但隨香氣而去盡處則止是夕風雨雷霆交作將曉聞  
唱珍重聲往視之已化矣如其言瘞之果得自然石礦神

通鑑

葉俊亡字歸仁咸通閒為道士操行清潔居郡西華洞歲旱郡守命禱而雨乾寧元年郡奏其行業昭宗賜以紫衣書玉清觀額以寵之

萬麻温州府志

鴻莒鴻楚姓唐氏出家越州龍宮寺誦法華經得度往長安學律因讀化度寺碑時有舉人傍聽見莒目瞻多行異之知能背誦覆其文了無一誤歸故鄉晝夜行道誦經有鬼神扶衛或為然燭或代添香弟鴻楚字方外錢武肅王於杭州龍興寺開度戒壇召楚足臨壇員數因奏薦梁祖賜紫衣并號固讓弗許終不披著講法華經計五十許座

一日講堂中忽生蓮華重跏複葉香氣芬馥以長慶三年

無疾而化

高僧傳

宜作長興舊志誤

元宗姓吳氏少出家抵江陵辭朗禪師門決了疑貳復振

錫紫金山山先多虎暴從宗卜居峭囑絕迹一日見一老

父趨及座前拜跪宗問何人答曰我本虎也在此山中食

啖衆生因大師化此冥迴我心得脫業軀已生天道故來

報謝折旋之頃了無所見以太麻二年囑別門徒溘然而

化春秋八十六

高僧傳

誓光字登封姓吳氏唐左庶子競之裔幼捨家於陶山寺

剃度多作古調詩長於草隸陸希聲謫官豫章光往謁之

授其五指撥鐙訣乃西上昭宗召對御榻前書賜紫方袍

歸甬東終焉弟子從瓌溫州僧正智琮皆得墨訣高僧傳晉

光潛心草字名重一時吳融司空圖皆稱羨之宣和書譜

螺溪淨光尊者名羲寂字常照胡氏子母受孕即厭葷食

及產有若紫帽蒙其首入開元祝髮學止觀於天台疏法

師自安史亂及會昌焚燬教典多殘缺吳越王因覽永嘉

集有疑義以問韶國師韶曰此係教典可問天台寂師王

即召問師答以出於智者妙元自唐末教典散失故此諸

文多在海外王即遣使十人往日本求取教典既歸為建

寺螺溪扁曰定慧寺號定光法師台教復興師之力也為

台宗十五祖

高僧傳

德倫世稱錐刀尊者常以錐刀自隨人有丐之者曰錐刀從我覓邪此刀墮地則天下太平未幾忠懿王納土人以爲驗相傳國城西河故德倫所鑿

十國春秋

道愆字德順陳氏子六歲不茹葷親黨強啖以枯魚輒吐去因薙髮於本州開元寺旣而抵閩謁雪峰禪師妙契宗旨時謂之小愆布衲歸住東府鏡清寺倡雪峰之法學者奔湊副使皮光業辭學宏麗屢擊難之退謂人曰愆師之高論人莫窺其極也文穆王命主天龍寺後勅龍冊寺延請居焉天福初示滅塔於龍冊山

十國春秋

永安姓翁氏後唐天成中結菴天台錢武肅王召居報恩寺署號禪師乃以華嚴李論爲會要將合經雕板印行每有檀施罕聞儲畜以宋開寶甲戌歲終焚之其舌存焉今藏普賢道場高僧傳

朋彥姓秦氏本州開元寺受具初參寶姿和尚歸於天台之室悟正法眼自此隨緣闡法姑蘇節帥錢仁奉禮重創院請轉法輪建隆二年以住持付門人法齊繼世說法卽其年四月示滅景德傳燈錄

宋

曉榮姓鄧氏幼依瑞鹿寺出家登戒聞天台國師盛化遂

入山參禮受心法初往杭州富陽淨福院後住龍冊寺三處皆聚徒開法淳化庚寅於秀州之靈光寺淨土院歸寂

壽七十

景德傳燈錄

遇安住溫州瑞鹿寺師事天台闕首楞嚴經悟旨時謂之

安楞嚴至道元年春示寂指月錄遇安將示寂有弟子蘊仁

侍坐遇安說偈曰不是嶺頭携得事豈從雞足付將來自

入棺經三日門人起棺遇安向右脇而臥眾哀慟遇安乃

再起升堂說法訶責垂戒曰此度更起吾棺非吾徒也言

訖復入棺而化

萬厓溫州府志

契能永嘉人主天台常寧講道不倦自智者已來以爐拂

傳授爲信至師嫡承爲十四代晚年以授扶宗忠師扶宗  
曰吾得法廣智矣師乃藏之天台道場遂不復傳溫州府志

本先姓鄭氏年二十五爲沙彌詣天台國清寺受滿分戒  
卽造韶國師服勤十年住瑞鹿寺足不歷城邑誨誘門弟  
子踰三十年其志彌厲大中祥符元年二月謂門弟子如  
晝曰爲我造塔塔成我去矣八月望日畢工是日如平居  
至午時坐方丈手結寶印奄然開一目微視而寂如晝奉  
其所著竹林集十卷詣闕上進詔藏祕閣如晝賜紫衣見  
寶傳按萬曆志作張氏子大  
中祥符六年示寂與此小異

李少和世居大羅山聞白石洞爲鬼墟曰吾嘗東望綵雲



覆其上必佳山也乃獨造其頂晏坐鬼神咸遊太宗真宗  
屢召對賜予甚厚仍賜白石巖額天禧五年八月十八焚  
香危坐命門人取紙書曰寶珠探妙得真宗五色分明煥  
太空解下連環竟超越鬱羅深處晏鴻濛擲筆而逝

少和  
行狀

張無夢開元觀羽士真宗召對講易謙卦上曰獨說謙卦  
何也對曰方大有時宜守之以謙復命講還元篇敷對詳

明真宗悅宸翰賜詩寵其還山

萬麻温  
州府志

字靈隱號鴻濛子

與种放劉海蟾方外交師陳搏遂得微旨

名賢  
外錄

處謙姓潘氏母夢瑞雲入懷娠三年而生九歲依常靈契

能出家學於天竺慈雲復謁神照大闡圓頓之旨擢第一  
座歸永嘉繼能公之席遷慈雲妙果少師李端慤請主白  
蓮北海郡王爲請神悟之號郡大旱師至龍湫語曰汝受  
智者大師付囑遇旱當施甘澤胡勿應邪忽墨雲從湫起  
驟雨如注後屢應諸方之請十座道場熙寧乙卯示寂

府志

懷賢字潛通

府志作道

俗姓何氏郡之西山有僧嗣仁修西方

白蓮淨觀號嗣仁社主乃從出家天禧二年落髮受具時  
年十四歲及長嗣社主去遍參知識最後見達觀禪師曇  
穎於潤之因聖遂得其法皇祐初開堂於郡之瑞竹院達

觀自明州雪竇徙金山之龍游會示寂郡守請師繼焉積  
八年殿堂廊廡皆具宮室之盛冠於淮海熙寧元年遂謝  
去隱於金牛山元豐五年九月示寂葬金牛山之西壠秦觀

圓通禪  
師行狀

繼忠姓邱氏父母乞嗣於天台章安佛祠後夢僧授以子  
云此螺溪尊者也寄汝育之母娠卽厭葷忠八歲落髮受  
戒長習經律勞苦得疾不瘥乃精觀音三昧恍見大士授  
水灌頂乃瘳四明延慶廣智大師傳天台教忠往參代師  
講演雪竇見而歎曰此法器也後杭州大旱郡牧范公仲  
淹命禱於湖山衆推忠甘雨遂應歸住法明寺法席之盛

三才圖會卷之三十一  
三

冠於東南元豐五年正月八日集眾告別有登吾道場者  
生生世世不失人身之誓著扶宗集五十卷趙清獻公忬  
贊之曰教明圓通聽眾依響以心傳心以真破妄真兮謂

何有相非相如水中月如鑑中象

萬麻温州府志

處元久參扶宗遂繼法明之席著輔贊記三卷義例隨釋

六卷發明荆溪之旨學者宗焉

温州府志

道淵號息安久依扶宗深透教觀居西湖永明常論修性

離合之旨指要雖示其妙後人或成異說乃收束諸文立

為二義後示寂當盛暑停龕旬日顏色鮮好白乳香若蓮

花越三年大風折木壞其塼滿龕舍利

温州府志

何居中元豐觀道士嘗遇異人授以隱書能制魔却祟病者不遠千里求符命立愈名聞京師大觀四年召見宣和殿使禳京城火患治制郡妖及祈雪太乙宮皆有驗賜號

真應先生

萬縣溫州府志

林靈素溫州人少從浮屠學苦其師笞罵去爲道士善妖幻往來淮泗間丐食僧寺僧寺苦之政和末王老志王仔昔旣衰徽宗訪方士於道左錄徐知常以靈素對旣見大言曰天有九霄而神霄爲最高其治曰府神霄玉清王者上帝之長子主南方號長生大帝君陛下是也旣下降於世其弟號清華帝君者主東方攝領之己乃府仙卿曰褚

慧亦下降佐帝君之治又謂蔡京爲左元仙伯王黼爲文  
華吏盛章王革爲園苑寶華吏鄭居中童貫及諸巨闥皆  
爲之名貴妃劉氏方有寵曰九華玉真安妃帝心獨喜其  
事賜號通真達靈先生賞賚無算建上清寶籙宮密連禁  
省天下皆建神霄萬壽宮浸浸造爲青華正晝臨壇及火  
龍神劍夜降內宮之事假帝誥天書雲篆務以欺惑衆  
其說妄誕不可究質實無所能解惟稍識五雷法招呼風  
霆間禱雨有小驗而已令吏民詣宮受神霄祕錄朝士之  
嗜進者亦靡然趨之每設大齋輒費緡錢數萬謂之千道  
會帝設幄其側而靈素升高正坐問者皆再拜以請所言

無殊異時時雜捷給嘲詆以資媒笑其徒美衣玉食幾二  
萬人遂立道學置郎大夫十等有諸殿侍晨校籍授經以  
擬待制修撰直閣始欲盡廢釋氏以違前憾既而改其名  
稱冠服靈素益尊重升温州爲應道軍節度加號元妙先  
生金門羽客沖和殿侍宸出入呵引至與諸王爭道都人  
稱曰道家兩府本與道士王允誠共爲怪神後忌其相軋  
毒之死宣和初都城暴水遣靈素厭勝方率其徒步虛城  
上役夫爭舉梃將擊之走而免帝知衆所怨始不樂靈素  
在京師四年恣橫愈不悛道遇皇太子弗斂避太子入訴  
帝怒以爲太虛大夫斥還故里命江端本通判温州幾察

之端本廉得其居處過制罪詔徙置楚州而已死遺奏至

猶以侍從禮葬焉

采史方技傳 又萬厯府志載初名靈

言一日有道士踵門求見附耳語移頃忽失笑而語自

是日記萬言吐辭成文嘗游東京侍蘇子瞻游瑞佛寺

覽碑記數萬言過目成誦蘇大奇之入蜀道遇真人趙

昇得神霄大法政和三年至京寓東太乙宮徽宗夢跨

白龍游神霄宮會靈靈騎青牛入覺而異之命徐知常

訪神霄事知常以靈靈應上召問視狀貌如夢中所見

遂賜名靈素嘗侍晏太清樓下見元祐奸黨碑靈素稽

首上怪問之對曰碑上姓名皆天上星宿敢不稽首後因

大水臨城上疏言國難將至請遷都避之蔡京見疏嗾

全臺劾其妖言惑聽靈素即辭歸與祠温州天慶觀案

此與宋史所載不同舊志因之姑節錄焉

夏元鼎字宗禹號雲峰散人幼嗜學博極羣書屢試不第

應賈許二帥幕出入兵閒至上饒夜感異夢遂棄官入道



嘗遊南嶽祝融峰遇赤城周真人授以丹法注陰符藥鏡  
悟真三書其悟真講義真西山爲之序歸隱西山修煉後  
無疾端坐而逝是日鄉人在閩中者見之寄書歸號西城

真人今其地名夏仙里云

萬厓溫州府志名賢外錄蓬萊鼓吹附錄

黃良晤字應伯真華觀道士精五雷法嘗飛神朝謁經日  
始蘇華蓋山羣鵠縱穢默禱皆悲鳴而去嘗大醉偃臥有  
求符者卽顧溫侯像曰汝可往至某人家患者覩藍面將  
而愈靈異多類此後坐化

萬厓溫州府志

文昌久依慈雲克盡其道時輩推爲前列後往南湖見法  
智所詣益邃旋鄉爲妙果第一世慈雲門下授講者二十

餘人師爲之首

溫州府志

如湛焦氏母夢寶塔而生試經得度謁東靈欽師後參淨  
覺於橫山盡得教觀之旨主東溪壽聖日誦法華一部佛  
號二萬聲有求爲知事不見用憾之懷刃入室見十數人  
皆同師形其人愧懼而遁一日集衆念佛而逝闍維得舍

利五色

溫州府志

道琛永嘉彭氏子樂清政洪院僧住天台一日悟旨不假  
筌蹠而言辯如流紹興間住資福寺每堂廚不給則以注  
衣質於庫至夜衣卽現光質家以爲異屢歸之其他異跡

甚衆

萬麻溫州府志

清了字真歇西蜀左綿人俗姓雍少出家謁丹霞淳禪師  
後遊五臺抵長蘆謁照禪師一語頓契照付衣嗣豫備布  
袈裟於袖起示衆曰得法丹霞老傳衣祖照庭恩深祇無  
語懷抱自分明宋紹興七年奉詔開山本寺以龍翔併興  
慶爲一後開山臯亭及寂化謚曰悟空了禪師

江心寺志

景元台州護國元禪師參圓悟於蔣山因僧讀死心小參  
語云旣迷須得悟旣悟須識悟中迷迷中悟迷悟兩忘却  
從無迷悟處建立一切法元聞而疑卽趨佛殿以手托開  
門扉豁然大徹

羅浮野錄

景元參蔣山圓悟有得悟曰我這裏

禪都被元首座作一布袋盛去了一時衲子遂呼爲元布

袋續文獻  
通考

慧珣號月堂陳氏子出家祖印院謁南湖澄照至東掖見  
皎法照遍參名匠東遷南湖依圓辯深語圓頓紹興末出  
主法昌遷淨名普和嘗持鉢海岸遇盜正色訶之感悔而  
去淨名無衆每對海山爲鬼神講維摩經屢感神應乾道  
五年遷主南湖魏丞相杞就問世相常住之旨歎爲明曉  
洎熙六年冬示寂遺言分骨一附親壟一塔祖原溫州府志  
謝守灝字懷英年十四能屬文遊太學讀臧穀亡羊遂有  
出塵之想遊方外三十年遇道士沈若水授以許真君石  
函秘文後遊天台從王坦十餘年數隨坦入見孝宗及光

宗卽位賜號觀復先生守灝舊爲舉子業博極羣書自六經諸子百家靡不精究註解老子五千言又爲混元寶錄

十二卷

溫州府志

處躬號一菴從圓辯得宗旨晚主南泉有辯才脫畧窠臼不滯節目求指示者握管輒書申明祖意獨出衆意遠近

學者推爲宗師

溫州府志

元奘爲嘉福院僧飲酒食肉日與兒童嬉戲市人呼爲奘顛每見人卽覓酒瞑目張拳爲金剛之狀見者絕倒夜雖劇醉至四更起誦法華經旦復入酒肆醉溺衣未嘗濯了無穢氣忽一日遍辭所知趺坐而逝

萬曆溫州府志

從瑾南溪鄭氏子初依資福院圓辯問義復參龍翔心聞  
 自此生機頓發妙用縱橫文惠公問心聞得宗門骨髓為  
 誰曰瑾見地明白輔以英姿老僧不及也師住象山智門  
 香燈院雁山能仁龍翔凡十一刹每住不過三年輒去曰  
 古人戒宿桑下畏留情也退居鹿園菴年八十四書偈而

寂世稱雪菴禪師

萬厓溫州府志

介謚溫州張氏子

五燈會元

受具於崇德寺慧微師微持律刻

苦嘗然身為燈為佛事謚曰大丈夫當明佛祖意以光明  
 照大千何區區於此辭往謁徑山常悟佛鑑慧勤晚依長  
 靈守卓餘八載悉得其道性剛毅泄眾有古法時以謚鐵

面目之稱無字禪

萬曆溫州府志

子真號閒林幼從節公學用志勤苦每於教義未安處與衆講究必得乃已或坐帷中自問自答以爲精覈出主法明辯才異等老學畏服

溫州府志

油童莫識其姓名藏郡積穀山謝客巖下每以楮錢買油人視之金也一日事覺鬻油者索之不能得適復來執之而走追之鑽入巖隙衆以聞郡守令起巖視之見其向立燈前而油已將盡諸刹僧爭迎之守曰僧等俯伏吾當視香烟遶其身者許之時繞松臺普覺寺僧遂令迎焉後多竒跡有題者曰此物曾從黑劫修石中經歷幾千秋早知

方輿彙編 卷三十一  
色相留塵世却悔當年出買油萬麻府志

項評字惟公遇異人授以修煉之法乃結廬於羅山之溪傍自號守虛子辟穀四十餘年坐化會飲曹溪水味甜語人曰甜水洩兵戈歇百年來聖人出至明太祖御宇其言

乃驗萬麻溫州府志

元

周頤真字養元閩福清人至元丙子徙居永嘉年未弱冠遇西蜀異人授以隱書及壬遁返閉之祕因自號山雷子從開元觀道士蔡術嗣靈寶法凡元學運用悉以易變通之元統甲戌歲旱郡請禱頤真默運電出袖中雷雨隨至



未幾有訐其左道捕之急頤真挺身立州橋石欄側終日  
捕者旁午莫得一日命筆書曰我從空來我卽空我向空  
歸空自在八十五年幻化空非幻不化空不改喝豁達大  
空不空一輪紅日古今同擲筆而寂世稱蘭室先生有洞

浮老人集

萬麻温  
州府志

梅芹元末不樂仕韜跡黃冠能驅鬼出神或盜其耶木焚  
符竈中盜者披髮負樹來歸以水噴之謝而去嘗自題小  
像曰石斛花開劫外春百城烟水漫勞神誰將秋兔毫端

寫貌出山林幻有身自號大歇子

萬麻温  
州府志

省初孫氏子號子蒙自幼端謹爲儲慶寺僧長師方巖於

台州白蓮寺遠接南屏之傳宏天台教觀歷雙峰上天竺

首住東林開元兩刹有五門禪一卷萬厯溫州府志

如一菴者姓袁氏先誕五日父夢一異僧持梵經至問何

來曰五雲問姓曰姓殷問名亦曰姓殷且謂後五日當再

來留經表信至期果誕師頭骨嶄聳目光射人年十五師

事方山和尚出家受戒後依竺元和尙得其要領退居西

澗菴師早年發志誦楞嚴經誦至第五卷得嘔血疾乃輟

疾瘳一夕夢所未誦經皆金書布空中厲聲讀之既覺猶

存移時始隱故師再誦此一經每誦一過終身不忘萬厯溫州

府志

鑑無礙鄭氏子母夢白光貫其廬因有娠及生有異相聰  
慧明敏七歲讀書悉記弱冠歷諸方參中峰後從龍淵於  
東林蘭若居二十年一日聞蓮香作偈曰箇中消息本尋  
常幾度無端謾度量今日疑團百雜碎西風一陣白蓮香  
尋歸蕪湖復移錫瀛洲建寶林堂茶毘有舍利子萬麻温州府志

明

賈復真號靜觀至順壬申居温城同知雷仙伯授以雷法  
及天文地理祕旨庚辰郡大旱有司請復真禱雨於嶽祠  
應時雷雨大至洪武戊申修齋於竹園道院一日夢天樞  
院遣使請歸端坐而逝萬麻温州府志

慧照字大千麻氏子天麻戊辰出世於樂清之明慶至正  
乙未遷四明之寶陀常垂三關語以驗學者後於妙善泉  
上築室曰夢菴洪武癸丑示寂壽八十五有語錄行世稽古

續集

王涵虛名家春字九靈潛心老易爲應道觀道士遍游五  
嶽禁足武當註道德經李本寧爲之序尋復著太極圖說  
易粹篇註參同契悟真篇陰符經維教正論晚年歸甌朱  
之蕃贈之詩云五嶽歸來雲滿袖九山高臥雪盈巔後道  
德經註板散逸永嘉令韓則愈補而梓之温州府志

妙智姓楊氏號白猷幼時母哺以葷腥卽吐自是素食五

歲隨父念法華經至火宅求解父異之十四歲出家靈鷲  
寺適月出其師東林出對云日暝來看天際月何患無明  
智指佛前燈應聲云燭殘點起佛前燈管教續燄林喜曰  
此子再來人也由是南造雪峰西抵峨眉北登雁宕東入  
天台遍參諸善知識洪武閒縱游廬山於天池舊址葺茅  
居焉母陳氏年七旬一日暴卒復甦與家人曰昨至一處  
見宮殿森嚴吏戒勿入指以歸路仍與偈云八十四年獅  
子母偶因風燭悟無常好箇愚溪勤念佛天風吹送藕花  
香時智在廬山號愚溪云後母果八十四卒永樂戊子秋  
庚申之夕智向月三復汪鼎新詩菴無人守庚申夜池有

荷開子午花衆曰何也智曰十日後可見浹旬辰起沐浴  
升堂語衆曰今日庚午矣昔從庚午來今從庚午去復說  
偈曰內無內外無外七十二年隨方不礙喫丟了臭皮袋  
我得自在言訖而化

萬厯溫州府志

曇旭字旦初安固林氏子十四遊仙巖依瑳公研窮教典  
尋住持壽昌能仁寺宣德中檄主江心寺服修行業書偈  
而逝

江心寺志

葉昌齡幼機警爲玉清觀道士一日遇老叟引入巖洞中  
授以正一五雷之法遂豁悟正德末郡大旱禱雨有以葉  
薦者郡守禮請之乃出登壇問曰欲城中雨乎守曰雨以

溉苗願澍城外葉乃以墨筆於紙上作一圈旁亂點如雨  
已而擲筆空中俄見白氣上衝雷雨大作城中僅僅飛曬  
而甘霖洽四郊矣

溫州府志

正參李氏子自幼出家住廣福院勤諷誦嚴戒律屢與名  
刹座下受其戒者幾二千人壽八十一緇流尊爲恒然禪

師

溫州府志

受紹李氏子號繼宗童年出俗投普明坦衢法師得度受  
具於幽谿尊者尋蒙普明記荊堅秉戒律講演法華於山  
斗精舍梅峯玉泉修法華楞嚴大悲淨土等懺總七十二  
期勤懇垂老不倦學士大夫與法門龍象參圓秉律者無

虛日著有圓覺懺法心經義語諸篇行世壽八十四西泠

盧學士琦銘其塔

溫州府志

古燈本姓楊舊名毓岳母分婉時父夢異僧來訪覺而生之幼穎異不凡髫時聲噪鬢序嗣從藏經閣中讀法華所說十二因緣憬然有悟甲申棄鉛槧赴徑山謁費隱和尚薙髮焉朝夕印可費公卽欲分座辭去携瓢笠游五臺金陵復至天宮台亢旱有神降言師在天峯求彼卽雨有司敦請師就山中拈香甘澍立沛後歸瞿溪建化城院天峰永和尙遣人授衣鉢力辭不受至法通寺得疾衆請偈偈成擲筆而逝

溫州府志



靈基號慧目王氏子生時白光照室衆聞異香年十三遊  
學舍中見夕陽返照頓起證道之念後禮天台有門和尚  
授以見見功夫戒行精嚴爲鉅公所推服林太史增志延  
之開華峰山卽古雲頂遺跡也李中丞光春又請主西竺  
寺自後屢升法座闡明經義參元稟律者踵首相繼一日  
至仁王寺謂侍者曰吾報終是月矣卽返棹歸山有弟子  
岳式者忽夢日輪隕於大海是夕師逝

溫州府志



寺觀

康熙志曰二氏之學虛無誕妄先儒闢之詳矣乃精廬  
福地隨在而設甚而昔賢或有捨宅為寺或有寄跡黃  
冠豈果溺於其說歟夫亦有所託焉而已甌為山水名  
區佛老之廬列峙相望創新葺舊殆無虛日抑何若是  
其衆也今特取名山古蹟錄之置自近代者弗備載云  
開元寺 在習禮坊晉太寧三年李整捨宅建為崇安寺

唐改今名宋置藏院御書閣于佛院

明一統志建炎中奉安

景靈神御於此

府志湯志

案宋史

高宗紀紹興元年

州太廟九月庚戌命宗室右監門衛大將軍士芭朝饗

溫州太廟當時避金人之逼暫遷太廟於此而史遂謂

之温州明洪武閒立為叢林舊志宋葉適温州開元  
太廟也閣高百三十尺旁翼二臺千佛閣始開元寺屋  
以里數門鐘梵隔雲雨欄檻羅網階陛門戶夸耀甚不獨  
又過之郡巨麗也於是永嘉至僻陋顯官富民之居俛肩  
為一入賄藏好贈不實於篋而奉佛若此余頗記僧清了  
者來所過空聚落迎拜金帛之獻舟街輿曳以先至為  
幸造寺洪流申不日月而成蓋薄其家而厚佛僧自唐  
以來迄於渡江其俗然矣紹興庚申歲火延燒開元皆  
盡其僧感憤激發誓以復起死則後至繼之然自是人  
益以施為難鳥集其門側睨橫出漫不酬對有終不捐  
一錢者辛苦踰一甲子猶未悉就已就者廣崇之度與  
初寺相百也所謂千佛閣者居廣寶為之廣瞻智博習  
能誦說俗所信愛施之華敬矣顧他釋老舍兵殘火燬  
十年方之昔為監視今華敬矣顧他釋老舍兵殘火燬  
荒基斷礎相望十不能興一二也何論復舊美哉雖然  
余觀今之為生者土以寸闢稻以參種水蹙而岸附隴  
削而平處一州之壤日以狹矣異木別草爭植於圃隆  
棟深宇角勝於家氍衣卉服交貨於市四民之用日以  
侈矣然則以昔之厚佛僧者而自與情之所便抑異以

安俗退夷而進華又義之所出也雖然將充夫先王之  
道而一由於至順則固不以吝於人者為已利損於外  
者為家侈然後富教而德正禮辨而俗樸此三代之上  
所以為治道一而義理明也故余因廣之請併今昔之  
變紀焉嘉定元年九月國朝邵家默開元寺看菊詩  
雲淨天高暑氣微僧軒盡日坐清暉青山入座秋來瘦  
黃菊穿籬雨後肥露下傳香知逸品月中招笑  
識禪機柴門莫謾教頻掩萬一攜尊看白衣

崇德寺 在松臺山東唐咸通間建宋祥符賜額宣和初

改為神霄萬壽宮建炎初復為崇德寺高宗駐蹕時以

寺為都堂門內有金書聖壽萬安四大字元至正丙戌

創寺門於西市街北扁曰九山第一叢林今廢府志

大雲教寺 在永寧門內梁大同閒建名興業唐文明閒

改名白鶴天授二年改今名與崇德開元為府城三大

寺今改為縣預備倉

府志

按今寺與倉俱廢俗名舊倉基

資福寺

在華蓋山林靈素築室於此名通真菴宋高宗

巡幸改名資福元延祐閒燬明永樂重建萬麻中邑人

王叔杲修

國朝康熙閒重建

康熙志

同治六年知府戴

槃葺而新之復拓隙地構左宜右有兩山房為游人觴

咏之所旁有生育祠寺僧松泉建

天寧寺

在永寧坊舊報恩光孝禪寺宋政和閒改今名

有華巖妙峰二閣貝葉生香閣明初逆川大師受戒於

此景泰時中貴李瓚重建

萬麻府志

嘉福寺

在簡訟坊唐中和閒建宋咸平賜額元時分建

上下二院康熙志

普覺瑜珈寺

在松臺山麓後周廣順中

建

嘉靖浙江通志

舊名

寶陀宋祥符間賜名普覺紹興時真歇清了奏為律院

元至正甲申霍時雨重建明洪武間立為叢林

葛麻府志 康熙

熙志在落霞潭側

淨光禪寺

在松臺山麓唐時建光化二年賜額有宿覺

禪師真身塔常有五色雲覆其巔僖宗賜塔名淨光宋

太宗時賜扁曰宿覺名山元至正辛丑復建祖師塔明

洪武乙卯重建立成塔院塔在松臺峰頂鎮三溪之水

為一城表宏治間郡守文林毀去上塔寺續燬

府志 宋葉適

淨光松風閣詩城中雲日如火催淨光行食聲轉雷不知何處白蘋起便有滿坐清風來莫言作樓非急務翁當運斤兒執鋸待得三間著此風病叟扶攜上樓去明謝鐸飲淨光寺詩偶作鹿城夢長懷海客談不知仙境界却在郭西南日暮故情洽秋高歸興甘尊前離別色仗劍可能戡

慶雲寺

在城西北隅

康熙志今廢

江心寺

在永清門外江中兩峰並峙前代皆稱孤嶼唐

咸通閒建西塔宋開寶閒建東塔元豐閒賜東塔為普

寂院西塔為淨信院建炎時高宗駐蹕御書清輝浴光

二軒刻於石賜普寂為龍翔淨信為興慶紹興閒蜀僧

清了來主龍翔始合二刹為一建巨殿於兩峰之間樓

閣堂廡百餘開江雲烟水掩映丹雘為東南勝境明正



德十二年修萬麻七年王叔杲又增建山門及兩廊鐘

鼓樓詳江心寺志（康熙府志）宋薛季宣龍翔寺詩二

金城到眼奢（吳驛詠）江心寺詩海上浮來一巨鼉鼉頭

琳宇聳青霄（長風萬里浪非遙）我來敢問曹溪旨為念

宸遊蹟未銷（文天祥題）江心寺詩晏歲著脚來東甌

何時飛落兩巨石（孤撐航）分江流初疑鍊失女媧手

樓高百尺蜃吐氣（塔雙角）龍昂頭蒲牢撞撞龜坎坎

潮聲滾滾風颺颺（妙高峯）頂德門住海門山上焦公留

長淮在望鐵甕近（大浪不洗英）雄愁孰知隸古白粵地

今為禮樂衣冠州（池塘芳草）年絲謝公勝事遺江樓

藍田無類蟾駕夜（黃金作）顯人家秋客帆渺茫拂宸極

漁舸散漫輕鳧鷗（麗天紅日）起初浴五雲扶上烟氛收

孤臣涕泗如此水（恨不從帝）崆峒遊林景熙遊江心

寺詩佛借龍宮五百年（平分城樹）與村烟叢林忽湧中

尺善系志 卷三十六 禪志 寺觀

30 B 535-6-555

夜	寺	枕	山	孤	尋	秀	擁	客	心	風	天	業	溟	寺	兼	暫	江	漁	流
色	秋	川	暗	嶼	山	水	歸	巖	寺	海	留	何	西	樓	葦	為	心	船	地
開	夜	長	回	道	日	朱	潮	花	閣	味	半	妨	山	殿	葦	家	寺	袈	雙
仙	詩	得	風	遙	江	彝	夕	開	即	甘	日	結	雨	玲	何	白	孤	袍	塔
人	何	斷	病	倚	童	尊	影	寂	事	獨	談	社	過	瓏	文	髮	不	會	曾
吹	年	磯	葉	化	擊	秋	寒	寞	詩	情	人	話	雲	畫	淵	隨	限	半	壁
遂	浮	扁	飛	城	汰	日	獨	媚	斷	鄉	誰	無	林	不	江	鷗	侵	半	天
去	海	舟	入	行	迎	對	立	人	雲	思	是	生	淨	成	心	鳥	門	壁	天
神	至	憐	林	厨	寒	酒	蒼	垣	飛	苦	賓	謝	南	白	寺	輕	水	石	色
女	此	范	初	深	潮	江	茫	竹	鳥	叢	主	鐸	浦	馬	與	星	十	帶	雲
弄	地	蠶	緩	樹	天	心	還	映	共	禱	境	遊	潮	駝	采	萬	何	人	籠
珠	有	鰕	帶	裏	外	寺	眺	檀	危	可	已	江	生	經	石	里	人	坐	客
來	蓬	菜	改	乳	落	同	望	藥	欄	誰	絕	心	雪	來	華	查	象	筵	袖
靜	萊	久	席	酒	秋	高	隔	山	盡	堪	東	浪	異	異	秋	江	筵	鐘	聲
裏	圓	忘	忽	正	草	石	江	移	日	南	南	平	域	域	風	江	筵	和	月
一	月	歸	沾	須	渡	球	一	落	憑	國	舊	詩	安	老	動	山	筵	明	朱
聲	秋	衣	衣	傾	頭	作	曲	照	高	朝	雨	地	得	龍	歸	如	筵	朱	諫
磬	光	客	客	生	生	二	笛	層	不	梅	山	擁	小	聽	思	有	筵	朱	諫
塵	迫	醉	醉	歷	歷	首	聲	陰	厭	調	僧	中	民	法	浙	約	筵	朱	諫
心	澄	從	從	覽	覽	謝	殘	合	看	元	議	川	歌	出	瀝	雲	筵	朱	諫
首	江	高	高	窮	窮	監	監	樹	背	江	秋	勝	樂	滄	響	水	筵	朱	諫

重回雷鉉遊江心寺詩東甌攬勝出城闔孤嶼蕭疏  
絕點塵鐘磬遠颺空宇靜林巒環映晚霞勻一江清影  
心如水十月輕寒氣似春文卓祠前同下拜中流砥柱  
仰斯人施閏章詩凌虛雙塔湧波浪一洲閒壘市林  
巒外潮音鐘磬閒鄭廷俊和韻詩海闊孤峰小江空落  
在哀歌向夕還蔡啟份和韻詩中流  
照閒僧依鮫室裏佛坐蜃樓間塔湧疑無地潮來欲動  
山清風何處起遙是鉢龍還蔡啟份和韻詩中流  
卷石晏坐足消閒客話烟波裏蔡啟份和韻詩中流  
雲作屋隔岸斗為山文卓雙祠在忠魂自往還

護國寺 在集雲廂舊為叢林順治閒居士周天鏡延僧

全真重建康熙志宋許景衡遊護國寺詩小詩聊記

更煩諸老數廣酬簿書底事長遮眼林壑何曾  
肯轉頭會待從公白蓮社杖藜來往亦風流

淨社寺 在集雲廂與護國寺相近舊志宋陳龜年遊

斷山空一片雲喬松含晚翠脩竹灑清陰老衲朝陽綴  
睢鳩帶雨吟俗緣何日了借榻淨塵心明黃一鵬淨

水石系志 卷三十一 集志 寺觀

社寺觀迎燈詩火樹連青甸龍燈遠紫芝還因今夜賞  
憶得少年時谷響傳歌吹烟光影畫眉支公能好客更  
在隔年期

妙果寺 在集雲廂順治十五年燬康熙十四年重建有

古鐘相傳神異向墮土內今置亭於其上康熙志

峙巖寺 在集雲廂與妙果寺相近舊府志康熙

太平寺 在廣化廂太平山下石晉天福七年建有翠微

亭 國朝釋超印修舊府志

福昌寺 在望京廂唐天祐三年建康熙志

接待寺 在望京廂與福昌寺相近府志

最勝寺 在迎恩門內明少保黃淮建舊志

天柱瀑泉寺

在華蓋鄉唐貞元閒建

萬麻府志

安仁寺

在華蓋鄉石晉開運閒建

萬麻府志

福聖寺

在華蓋鄉四都宋開寶三年建高宗駐蹕於此

有御覽閣奎文閣留雲軒指西亭元兵燬至正間重建

舊府志

乾元寺

在華蓋鄉

康熙志

仁王寺

在雙嶼山宋乾德閒建

舊府志

國安寺

在膺符鄉唐乾符閒建

康熙志

西竺寺

水陸寺

俱在膺符鄉

舊府志

法嚴寺

在會昌橋宋開寶閒建

康熙志

密印寺 在德政鄉後漢乾祐間建為宿覺大師祖庭明

林宮允增志讀書於此後改創規制偉然康熙志

白塔瑜珈寺 在德政鄉唐貞觀間建禹麻府志明何

頭陀山詩頭陀山擁白雲飛繡塔輪扶滿月輝滿月正當文佛面白雲如曳定僧衣雲消塔影懸清漢月迴山

光澹翠微不用更參安養觀空音妙相總清機

日新寺 在德政鄉元大德間僧定慧改舊菴創寺延祐

中賜額明成化時建佛殿山門兩廊舊府志康熙志

王璿脩於後殿建造輯乘堂

湖心寺 在南塘與日新寺相近康熙志宋陳昌時湖

塵清湖無底秋侵目水仙飛結空中樓佛香吹化蓮花閣老僧坐久忘身心夜涼恍住鮫人屋何當使我出世

愁苔徑幽  
窗弄雲竹

普濟寺 在德政鄉李田元至正間建舊府志

茶院寺 興善寺 龍潭寺 俱在德政鄉康熙志

無量梵音寺 在吹臺鄉舊志佚

法通寺 在吹臺鄉元大德間建明成化間重建崇禎時

費隱大師說法於此府志

瑞鹿寺 有上下 白雲寺 法濟寺 俱在吹臺鄉舊志

證聖寺 在吹臺鄉舊志 遊證聖寺國朝張師典初夏借葉又生

歌聲韻更幽古徑行隨青嶂合禪心間共白雲遊林深  
談月飛鳥鵲松老晴嵐舞翠虬欲待天香秋後折雄心

未許付  
丹邱

寧國寺

在建牙鄉唐清泰閒建

康熙志

圓明寺

景德寺

普明寺在后嶼釋正路重建有尊經

閣 俱十八都

康熙志

淨明寺

在建牙鄉唐先天閒建

舊志

萬年寺

在建牙鄉元大德閒重建

康熙志

宋趙師秀詩

有千年石路陰深到繚垣幾片閒雲誰是主一條流水  
不知源土栽芍藥尤勝朮僧說獼猴極畏猿夜半空堂  
諸境寂微聞鐘梵亦成喧明劉士焜萬年寺詩古寺  
藏雲壑干峰只數椽小渠行竈下多石陰龕前窰熟蜂  
無事禾登鳥不喧梧楸  
深涕淚霜露轉淒然

廣福寺

在建牙鄉嶂來山明崇禎閒釋正參受綸重建

府志



淨土寺 大德寺 景德寺 圓明寺 普明寺 俱在

建牙鄉舊府志

新興寺 在孝義鄉宋治平四年賜額舊府志

廣利寺 在孝義鄉宋乾德閒建舊府志

崇福寺 在孝義鄉元至元閒建舊府志

極樂禪寺 在泰清鄉後梁龍德閒建舊府志

廣善寺 在泰清鄉舊府志

明教瑜珈寺 在臨江鄉石晉天福三年建府志

儲慶寺 靈瑞寺 天壽寺 興福寺 俱在臨江鄉舊府志

志

延福寺 在仙桂鄉三十二都釋行龍重建康熙甲子損

岳本堅剏藏經閣超然亭康熙志案湯志引康熙志順治閒僧海融重建有瀑布雨

後其聲如雷俗號小龍湫  
攷康熙志無此文疑有誤

寶臺寺 法空寺 俱在仙桂鄉舊府志

石門寺 在賢宰鄉有青石山躍鯉灘伏獅巖諸勝 國

朝康熙閒重建康熙志

玉泉寺 在華嚴洞去石門五里教授陸景華遊華嚴洞玉泉寺記云庚午春三

月于役江村寓韓氏宅地近石門山謝康樂嘗遊此志載登石門最高頂詩是也欲往訪之主人邀余曰去此四五里有華嚴洞右軍帖云近得華嚴石頗佳即其地也蓋先游乃乘筍輿沿村西行籬落間野花迷漫鳴禽格磔新篁甫出籬外頗可人意行一里許有高嶺徑仄如脩蛇登頓起伏下視田塍皆在嶺半時微雨初晴新

秧出水參差一碧宛然圖畫踰嶺不半里得平壤主人  
告余曰此去卽華嚴路矣遙望亂山雜沓林木蒼蔚又  
一里餘夾磴松杉崎嶇不可輿徒步取徑而上企石少  
息隱隱聞鐘磬音藤蘿蒙密不見蹊徑主人爲余導踰  
曲磴忽得一洞圍徑可五尺許俯入約數十步若然開  
朗天光照人石壁陡削竹樹環之緣壁行始見寺寺曰  
玉泉以壁穴出泉得名有樓三層嵌石壁間憶少陵懸  
厓置屋牢及上方重閣晚之句不啻爲此境詠矣寺僧  
迎客坐供茗飲山溜從簷際落若跳珠若灑玉風聲雨  
聲琴聲筑聲一併集檻外峰巒拱揖高亞無定狀東  
角遙露江渚澄泓瀲灩揭衣一鏡然從樓側細路入有巖  
洞二仙井一泉流橫截揭衣乃可過寺僧固邀余往余  
蓋不能從也遂戒主人歸時夕陽已在山矣主人問余  
曰昔謝公好遊山曾宿石門華嚴去石門不遠而屐齒  
闐寂豈當時未開鑿或山靈有顯晦與余笑之曰今日  
之遊不可以補謝公之闕乎主人請記其勝遂書之以  
付寺僧同遊者一人韓秋畦上舍也案記

壽寺 昭福寺 俱在賢宰鄉

舊府志

寶勝寺 在永寧鄉舊府志

聖寺 在清通鄉後梁貞明閒建舊府志

寺 在清通鄉與奉聖寺相近舊府縣志

化瑜珈寺 在仙居鄉唐先天閒建舊府志

雲山寺 在仙居鄉舊府志明謝敬撰雲山寺題壁詩

竹雨一林鳴翠鳳松濤半夜起潛龍飛花滿逕隨吟展密霧藏山膩梵鐘醉墨淋漓留素壁教人錯擬碧紗籠

永信教院 在城內禮賢坊石晉天福閒建初馬大卿拾

解為寺號羅漢寺宋祥符賜今名府志

廣恩教院 在城內井蓮坊宋乾德閒建有興肇龍王祠

又有塔院府志

西隱院 在夔慶坊宋端拱開建清祐初給額康熙志作

準提院 在城西南隅舊志

上定院 在百里坊虹橋宋高宗駐蹕於此因名

惠安禪院 在集雲廂宋咸平開建舊志

淨法院 在集雲廂康熙志

廣安院 在廣化廂康熙志

水陸院 在華蓋鄉石晉開運開建舊志

普明院 在華蓋鄉舊志

顯正院 平山院 俱在膺符鄉康熙志

廣濟院 在德政鄉宋開寶開建府志

大慶院

在德政鄉石晉天福閒建

府志

延壽院

在德政鄉石晉天福閒建

府志

寶嚴院

在德政鄉宋祥符閒建

府志

實際院

在十二都茶山明逆川法師瘞此內有五美園

舊府志

永濟院

崇福院

俱在德政鄉

舊志

崇法教院

在吹臺鄉唐咸通閒建

康熙志

崇明律院

在吹臺鄉五代時建

舊府志

廣惠院

在吹臺鄉宋祥符閒建

康熙志

法因院

在吹臺鄉宋太平興國閒建

康熙志

集慶院 在南堡明萬厯中重建康熙志

護國院 解食院 法果院 證聖院 吹臺院 俱在

吹臺鄉府志

悟真院 在吹臺鄉 國朝乾隆閒創建府志

集雲教院 在建牙鄉唐咸通閒建府志

淨刹院 在建牙鄉唐文德閒建府志

妙智院 在建牙鄉宋開寶閒建府志

慶全院 在建牙鄉元大德閒建府志

無相院 在建牙鄉亦曰無相寺舊志宋葉適無相寺

餘靠山亭子菊千株竹雞露咏堪幽伴蘆菴風乾待歲除與僕抱樵趨絕澗隨僧尋磬到精廬不知身外誰為

主更覺求  
名計轉疎

宏濟院

在□奧宋元豐閒建康熙志

報恩觀音院

玉泉院 俱在建牙鄉乾隆志

白巖報恩院

在孝義鄉後周廣順閒建府志

秀峰院

在孝義鄉後周顯德閒建府志

惠昌院

在孝義鄉後漢乾祐閒建府志

積善院

塔山院 保安院 龍泉寶昌院 俱在孝義

鄉府志

定慧院

在泰清鄉唐至德閒建萬曆府志

新興院

在泰清鄉後梁貞明閒建舊府志



福昌院 在泰清鄉石晉天福間建府志

龍泉院 福壽院 清涼院 圓覺院 俱在泰清鄉府志

淨空院 在臨江鄉宋端拱間建府志

廣福華嚴院 瑞光院 羅漢院 延壽院 方潭院

俱在臨江鄉府志

越興院 在仙桂鄉後梁開平間建府志

壽昌院 隆平院 嗣明院 崇因院 興國院 俱在

賢宰鄉府志

藤溪院 白泉院 祥符院 俱在清通鄉府志

廣化院 在仙居鄉梁貞明間建府志

慧日院

在仙居鄉唐先天開建

府志

有碑記

詳金石

崇果院

在仙居鄉晉開運開建

府志

廣福院

在仙居鄉宋治平開賜額

府志

雲峰普安院

在仙居鄉唐先天開建

府志

乾符靈山院

在仙居鄉唐咸通開建

府志

昭福院

在仙居鄉梁貞明開建

府志

福祐院

在仙居鄉與昭福院相近

舊志

三元宮

在導俗巷元大德開建明宣德開知府何文淵

祈雨有徵重修少保黃淮有記萬厯開知府劉芳譽躬

禱大雨捐俸重建

舊府志

一在棣華坊一在尙膳橋

康熙志

泰山宮 在迎恩門內一在海壇山麓（康熙志）在拱辰門（舊志）

廣應宮 在倉橋祀陳氏聖母（福建省志）順懿廟在古田

陳昌女生於唐大厓二年卒年二十四臨水洞有巨蛇

時吐氣為疫癘忽有朱衣神人執劍索蛇斬之鄉人詰

其姓名曰我江南下渡陳昌女也忽不見眾遂立廟於

洞上凡禱雨暘驅疫癘求嗣續莫不響應清祐中封崇

福昭惠慈濟夫人賜額順懿又連江縣亦有臨水行祠

按吳任臣十國春秋所云永福有白蛇閩王璘召靖姑

靈真宮 在大若巖唐咸通間建（康熙志）

應道觀 在瑞穎坊唐張無夢宋林靈素咸脩真於此內

有井名應仙明萬厓閒道士王九靈重建 國朝乾隆

二十一年諸生周夢發道人徐應信募金重建（府志）明

萬厓問道士王九靈註道德陰符參同悟真維教正論  
 併金書玉泉集經隨遍遊五嶽名山晚年歸觀朱之蕃  
 贈聯云五嶽歸來雲滿袖九山高臥雪盈巔後經註散  
 佚知縣韓則愈補梓康熙三十三年九靈六世徒孫曾  
 延禧等募金鑄鐘乾隆四十四年紫陽派道  
 人宣華海募金建文昌閣斗樓供呂祖師像

元妙觀 舊在華蓋山麓唐改名九皇宮宋改名九星宮

今遷松臺山下仍復舊額舊府志 明周旋遊元妙觀

護羽人棲瑤臺紫府依微見翠竹蒼松咫尺迷拂石時

窺仙鶴舞坐花閒聽谷鶯啼此中好問參同契暇日相

從駐馬蹄 一在吹臺鄉即無量梵音寺址 國朝乾隆間建

舊志

真華觀 在華蓋山麓唐開元間創建 國朝康熙二十

年總兵陳世凱重建康熙 同治 年里人重脩新纂

飛霞觀

在積穀山南麓

府志

國朝道光八年

邑紳曾佩

雲捐建真人殿龍母宮臥樹樓二十七年秋壞於颶咸

豐七年紳孟璜集資建復並築層樓於其上

魏道賈聲

郡城積穀山有飛霞觀相傳晉時邑人劉根隱此乘赤

霞至天台觀以得名洞口有碑勒至和二君佩雲於道

古記永嘉縣志載焉年久傾圮邑職員曾告竣並龍母

宮臥樹樓觀日臺駐鶴亭昇臺重建而新之諸生鄧承

弼等謁余請為記以彰名勝余告之曰古稱地靈人傑

温州居浙東南甌江直趨入海波濤洶湧其四面皆峻

嶺疊嶂環繞郡城山水之秀其必有鍾與清脩隱逸

之士或深藏巖洞以自寄其超曠而後人遂傳其飛昇

登仙以為美談郡守陳公碑記固以誌古蹟抑以此地

民多信神因其土俗而教之使向善而不即於非或寓

永嘉縣志

卷三十一 雜志

寺觀

三

傑則地益靈矣余謂人之趨向各殊有志竟成神仙之說容或有之而不載於經傳其能煉氣養身即能延年益壽亦自然之理苟以此功脩移而用之於儒志以帥氣人皆可為聖賢復其見天地之心即飛霞而可喻也吾又聞曾君佩雲嘗捐資脩縣學有司上其事蒙賜職四品今又為此舉固行善之士邑人效之習儒者勤於業務農商者各安其分於風俗實有助焉諸生果以余言為然即勒諸石

永真觀 在賢宰鄉梁天監年建府志觀在賢宰鄉呂浦康熙志列真

玉清觀 在建牙鄉丁么西華洞天右弼真人吹簫地唐

咸通開昭宗賜御書玉清觀額舊志國朝乾隆六十年道

士金復雨重建前進

青嶂觀 在青嶂山山巔有凌霄庭宋柯可崇建府志凌霄庭一

庵作

紫霄觀 在吹臺鄉十四都雲霞奧奉許真君像舊國朝志

乾隆六十年道士李華蓮邑人柯大川重建殿閣嘉慶

七年巡道李鑾宣祈禱有應題觀額舊志

天清觀 臥雲觀 俱在吹臺鄉府志

容成道院 在華蓋山下元延祐開曹淵龍建相傳黃帝

時容成子於此脩煉上昇今扁曰太玉洞天舊府志

有容成道院記詳金石案明初在縣學大成殿後至正

德時王令獻臣以其地歸學建奎光閣徒道院於真華

觀之南見李東陽奎光閣記今有別建容成道

院在華蓋山上雙忠祠側三楹而已非舊址也

衍慶道院 在新河街丁字橋宋元祐開建有方池名天

慈濟道院 在清河坊舊府志

乙池康熙志

寺觀

遺愛道院 在太平坊舊府志

太古道院 在仁濟坊舊府志

廣化道院 在廣化坊舊府志

冰壺道院 舊名三元宮 在新街西施水寮巷內元至正

壬辰建內有施水龍井明洪武十九年虛白道人顧太

真祈雨有驗有題記舊志國朝嘉慶六年應道觀宣道人

徒項萃恩勸募重建巡道李公鑾宣題額改今名又建

斗閣

西巖道院 在來福門內葉適子萊建舊府志

悟真道院 在海壇山下梁天監初年康熙閒建志



清寧道院

在西洋舊府志

巽山道院

在城南巽吉山下相傳白玉蟾駐鶴於此山

巔下有玉清斗閣明萬厯改爲三元道院 國朝乾隆

十八年重建改額全真觀舊府志

玉鎮道院

在鎮海門外舊志

含真道院

在拱辰門外舊志

紫霄道院

在集雲廂舊志

崇元道院

在膺符鄉舊志

通元道院

惟一道院 俱在德政鄉舊志

白鹿菴

在海壇山麓康熙志作祀晉郭璞因卜城時有

白鹿銜花之瑞故名舊志

郭仙菴

在海壇山巔

康熙志

亦祀郭璞

宿覺菴

在西洋宿覺禪師道場

康熙志

西洋在松臺山西

明崇禎開台宗靈操重建 國朝雍正十一年

勅封宿覺大師為洞明妙智禪師奉文查勘禪師道場知

縣張若羲詳報達部始有叢林之名乾隆閒里人重脩

府志

案今以淨光禪寺九山第一四字移於仁濟廟

之西放生池前俗名九山舊志所稱宿覺叢林者蓋指

此而不知宋時別有宿覺菴葉水心記云土人但稱淨

光故遺述舊事題曰宿覺則即在松臺山麓者近是而

以今之宿覺叢林當之非矣葉適宿覺菴記元覺師

歌詩數十章雖不與中國之道合余愛其撥鈔疏之煩

自立證解深而易達淺不可測明悟勇決不累於生死

蓋人傑也既沒六百年學者戴之不衰所居山延袤十

里有江月松風之勝依而寺者十數余亦在其下若疾  
痼非人事酬苔不妄出他日錢塘本然蜀人居寬固請  
登焉則山已入貴家所存二二而已枯茶敗草髮鬚亂  
石中余慨然憐之為於絕境亭下作小精舍寺名四字  
土人但稱淨光故重述舊事題曰宿覺使寬主之稍種  
竹樹有所避隱出沒以爲風雨晦明之地而時與坊僧  
菴友遊居其間以招來其徒冀遇如覺者嗚呼余老矣  
病而力不給情而志不進豈非不復知以古人自期而  
遯流汨沒於異方之學者哉蓋世有畏日暮疾走猖狂  
而迷惑者然猶反顧不已余之記此既以自警而又以  
自笑也嘉定二年二月又宿覺菴詩宿覺名未謝殘  
山今尚存暫開雲外宅不閉雨中門麥熟僧常餓茶枯  
客漫吞荒涼自有  
趣衰病遣誰言

鎮東塔

在鎮海門內

舊府志

廣福塔

在廣化廂

舊府志

巽山塔

在巽吉山

舊府志

明有巽吉山建塔碑記詳金石

羅山塔 案舊志作羅浮塔誤今依康熙志更正 章山塔

靈福塔 廢今 俱在永寧江北 舊府志

白塔 在十三都 舊府志 俗名白象即白塔瑜珈寺有明嘉

靖閒碑記 新纂

江心塔 在孤嶼有二塔東塔宋開寶三年建明萬厯十

九年邑人王叔果重脩有記 國朝乾隆二十五年郡

守李琬重脩西塔唐咸通十年建 案康熙乾隆府志東

嶼 志明洪武十年重脩萬厯二十三年王叔果妻林氏重

脩有記 國朝乾隆四十三年知縣傅永綽率邑紳會

唯等重脩 舊府志孤嶼志 明王典重脩江心孤嶼東

塔記佛氏謂離幻即覺又曰一切有為法如

夢幻泡影故山河大地名象能所悉皆消殞而善學佛  
 人又謂能空諸所有直超彼岸此上根開士而四眾蚩  
 蚩觸目警中則又有象教焉故莊嚴之土幽勝之區架  
 琳宮像諸天寶蓋金輪種種端好浮圖七級卓立霄漢  
 夜則篝燈驪珠層層放光大明來遊者盱矚者油油欣  
 悅翼翼肅恭即盤夫悍卒亦莫不瞻象而改容如見如  
 來頓生善念是謂無量無邊不可思議功德顧締造功  
 鉅多藏之家愈益纖嗇即有揮金盈餘者亦祇飾平泉  
 之花石闢金谷之臺榭而結念佛廬者幾何人哉東甌  
 江心孤嶼古名勝也肇自東晉漸次除治中有正殿兩  
 廡翼如鐘鼓二樓暨澄鮮閣年久荒落西塔創自唐咸  
 通而東塔則自宋開寶歲久欹傾才一計工蓄縮莫有  
 任者參知陽谷王先生雅抱卓朗捐貲繕修揭為龍海  
 珠林殿廡門庭以次鳩工仍祠文文山卓忠貞而浩然  
 樓屹立中央睨霄俯江千百年勃勃猶有生氣諸名公  
 如吳兵憲劉文忠衛郡伯劉貳守焦殿撰先後協贊捐  
 俸摛詞以增壯江山之勝概而曠谷先生之勞費多矣  
 又謂澄鮮閣境愈勝東塔年愈久工愈鉅慨然復自任  
 之召工計費千金有奇工匠展力澄鮮閣先就葺理而  
 併力於塔凡造塔自下而上修塔則自上而下予時寓

寺中朝夕坐竹院晞之萬木締構斤斧紛紜蟻旋於風  
 簷月曠之上時時嘆喟蓋嘆其觀之美而又念其工之  
 鉅也經始於辛卯孟秋望日落成於壬辰冬月朔日寺  
 僧道充謂宜有記勒石以予親見植功而與陽谷先生  
 通家乃以屬予予聞西方聖人以造塔為一大善緣而  
 明覺大聖建泗上塔及化去猶以杖揭之雲中形見萬  
 衆歡呼仰面作禮矣夫為塔必於莊嚴之佛土則敬心  
 象者異用而功矣夫為塔必於莊嚴之佛土則敬心  
 生必於嬉遊之勝境則喜心必於莊嚴之佛土則敬心  
 苦多生業念不現而自消不摧而自伏矣心本無形對  
 鏡而照如飲恒河隨量充滿造塔功德不可思議亦復  
 如是孰真孰幻孰起孰滅總歸大覺何必孰為名象而  
 曰此非所以見如來也哉士大夫懸車不憂貧惜餘財  
 則沈酣盡餘日而先生結念若此法身當永作人天之  
 主也先生長君玉蒼尤父子同心殷殷仗義為東嶼西  
 德世家云萬麻王辰仲夏記盧達重脩江心孤嶼西  
 塔記往誦謝康樂諸詩知東甌為山水郡比永嘉王長  
 公玉洞君侯來令吾邑政閒暇談其地奇勝因出江心  
 志示予披覽終卷冷然如御風孤嶼間又一日吾邑於  
 水口經度建塔貲費未集長公乃語予曰江心故有

東	西	二	塔	東	塔	初	始	宋	開	寶	西	塔	初	始	唐	咸	通	歲	久	頃
畝	間	計	繕	脩	以	費	鉅	力	絀	莫	任	經	營	邇	蘊	叔	氏	參	政	暘
谷	公	新	山	門	澄	鮮	閣	因	脩	東	塔	乃	西	塔	盤	峙	嶢	岳	風	雨
漂	搖	視	東	塔	加	損	蕪	兄	弟	言	於	吾	母	林	茶	人	曰	東	塔	既
新	西	塔	未	葺	江	心	不	無	缺	觀	寺	僧	及	大	衆	復	屬	望	於	吾
家	請	嗣	東	塔	併	脩	可	乎	茶	人	命	諾	遂	出	羨	賞	屬	仲	弟	薦
季	弟	普	集	工	匠	經	紀	其	事	從	舊	路	旋	而	上	朱	輪	紺	殿	倍
昔	莊	嚴	始	萬	厯	癸	巳	仲	秋	望	日	迄	甲	午	臘	月	八	日	而	工
竣	費	凡	若	千	金	前	所	未	載	也	先	生	幸	爲	之	記	盧	子	曰	佛
氏	謂	建	塔	爲	人	天	勝	果	公	家	今	所	創	脩	爲	法	輪	增	輝	其
賢	於	阿	育	雀	離	遠	矣	眞	無	量	功	德	乎	長	公	曰	吾	不	習	浮
屠	氏	語	第	大	衆	一	切	事	總	屬	當	爲	而	身	外	賞	錢	靡	匪	長
物	世	之	人	錮	於	自	利	非	其	身	與	家	所	須	者	錙	銖	不	以	捐
捨	斯	亦	鄙	矣	江	心	爲	歐	勝	區	塔	之	有	無	固	無	關	於	大	端
顧	其	地	宋	文	文	山	及	我	朝	卓	忠	貞	皆	以	忠	節	過	化	錫	祠
肇	祀	光	於	江	山	且	孤	嶼	望	郡	城	密	邇	二	塔	聳	雲	表	爲	一
方	偉	觀	使	視	其	就	圯	而	不	脩	何	以	樹	瞻	不	佞	家	藉	世	資
不	欲	爲	鄉	土	吝	姑	於	茲	效	力	耳	功	果	之	說	則	何	知	盧	子
聞	長	公	語	竊	謂	江	心	西	塔	之	脩	有	五	善	焉	念	先	郡	國	表
樹	捍	門	以	顯	地	靈	一	也	不	煩	里	旅	捐	其	橐	金	以	樹	衆	歡

善系示  
 卷三十一  
 禱志  
 寺觀  
 五

二也義重忠賢增飾靈區以光俎豆三也力任經營  
 敵維新以崇古蹟四也弗祈福應明於用財以成令舉  
 五也一舉而眾善備其有造於一方大巴子聞長公太  
 翁憲使西華先生以節義名於世林恭人訓長公以仁  
 廉庇吾邑彼其家所施為民社利賴者無量而王氏之  
 澤且將准水比長詎獨塔江心之淨土藉其功德已哉是  
 為記金錫敦秋日觀塔燈詩中天伫立梵宮幽夜色  
 江聲接郡樓潮勢怒聯雙塔起燈光寒迸亂星流千山  
 欲曙還疑月一葉驚飛始覺秋總為追陪成往事令人  
 深羨謝公遊縉雲鄭汝壁登江心寺雙塔詩山海天  
 垂盡乾坤氣乍浮長虹懸作柱雙蜃結為樓樹杪分帆  
 影球胎界月流地應標震旦雄欲歷南洲帝鐸冷風和  
 神鼇並足遊諸天窮縹緲萬象出冥搜身到齊飛鳥吟  
 成起蟄虬迷津聊自度覺路竟誰投懸火千門夕鳴鐘  
 孤嶼幽馮虛一長  
 嘯吾已狎江鷗



永嘉縣志卷之三十七

雜志二

遺聞

謝康樂守郡愛永嘉有東山之勝且山水尤美於會稽乃  
 創第鑿池於積穀山之下迎母太夫人來養欲定居焉未  
 幾陞臨川內史遂攜其子鳳及長孫超宗以行而留其次  
 孫超祖侍祖母太夫人於永嘉之第至臨川為有司所劾  
 謫廣州尋死於誣太夫人憂患而卒葬於所居第之城東  
 飛霞洞之左不復有東歸之志於是遂為永嘉人

謝夢符鶴陽謝

氏宗支把夢符號問樵宋咸淳中仕郡庠經諭記作於元  
 大德三年自紹興以下二十世名誦第五五公者遷居楠  
 道聞

溪之鶴陽  
蓋宋初也

溫士在程門十一人周行己許景衡劉安節安上戴述鮑  
若雨沈躬行謝佃潘旻陳經正經邦經德經郭實十三人  
在朱門十二人周端朝葉味道陳埴戴蒙林武錢木之徐  
寓徐容沈惻蔣叔蒙包定及姪顯道敏道詳道平陽志又  
有林湜蔡舉實十六人南軒門一人周去非也溫亦自有  
學始於王景山林石最盛者曰薛季宣鄭伯熊陳傅良至  
葉適益顯宋史儒林傳一卷中薛陳葉及蔡幼學戴溪有  
五人焉自宋及元諸儒皆有著述盛矣哉

息園閑識  
見府志

溫士馳名太學者元豐有九先生周許二劉沈蔣及戴述

趙霄張輝也寶祐六君子陳宜中黃鏞劉黻林則祖陳宗魯唯也名見宜中本傳景定三年皆賜進士然惟宜中劉黻林則祖實係溫人黃鏞諸人皆台產也

同上

李邦蒼墩人崇寧中擢武科端方忠毅宣和初授成忠郎從童貫征遼爲步騎將領至燕山與遼兵遇度必致死乃截鬚授從者遣馳歸報家曰吾死戰以是爲識家人竟奉鬚葬於鄉之日溪南山隴弟邗挾策淮甸間悼兄歿於王

事辭榮而歸

李氏譜錄

溫州經總制錢乾道元年止趁及三分之二守臣王述奏乞減額未報二年八月本州海溢浮蕩瀕江數萬餘家朝

命唐琢往勘回奏乞減額二分是薛尚書良朋鄭少卿

伯熊吳檢正龜年共言於廟堂乞減額戶部持之不下會

良朋請對乞依唐琢所奏三年有旨從之陳謙永寧編見歐乘補

康執權字平仲按歐乘補誤河南祥符人龍圖閣直學士

建炎閒扈蹕至永嘉因家焉乾道丁亥八月己卯卒贈銀

青光祿大夫時年九十有一葬于孝義鄉正興院後山之

左碩人郝氏附焉宋戶部侍郎向伯奮康公墓誌

葉水心作汪參政墓誌有曰左右執政共持國論參政蓋

與秦檜同時者汪之孫為浙東憲綱不平之請改水心不

許答曰檜時執政某未有言其善者以先公厚德故勉為

之自謂已極稱揚猶以爲未足邪水心死後刊文集者爲

刪去左右執政四字非水心意也

舊志

趙忠定令水心草詔序所以立嘉王之故云病無嘗藥之人崩乏居喪之主忠定不敢用易之水心云禍將作矣立君大事不明言其故必有小人造謗興讒以禍諸君者竟不言功隨即去國未幾韓侂胄果誣忠定貶死水心不受賞亦不受禍可謂知幾君子

同上

周端朝張衡徐範蔣傅林仲麟楊宏中皆出譴惟周受禍略備初自廷尉聽讀衢州已次半道有旨再赴廷尉周始自分必死時憲聖在上韓猶不敢殺士故欲以計殺之周

竟不死復聽讀永州杜門教授生徒後以韓誅放還復籍  
於學爲南宮第一人

四朝聞見錄

林温生延祐丁巳八月八日以春秋登至正辛巳江浙鄉  
闈試第一是科董彛第四董朝宗第五朱公選第二十八  
實殿榜後榜中孔暘王孔文高祿卿潘如珪皆再薦後温  
以恩例任奉化州學正董彛亦爲學正慶元彛慨然曰吾  
父嘗出應書大父得奇夢記諸籍云丁巳年九月七日夜  
夢林温作魁朱姓人鎖榜第四第五連姓董內四名用硃  
筆點云是舊請舉者稽之於今無有不合其最異者温之

生甫一月耳

舊志下同

洪武三年五月二十一日中書吏部奉旨選天下教官入  
覲奉天門適太史奏文星見親擢十八人俱爲監察御史  
次日詣武樓下賜袍帶二十五日之任臺官傳令賜宴永  
嘉許宏士樂清李時可瑞安馬漢平陽孔希普俱與選按  
明實錄與選者十九人

宣德乙卯春郡守何文淵進諸生講經於明倫堂有羣蜂  
擁一巨蜂飛集楹間聲如雷郡守顧謂諸生曰羣蜂中有  
巨蜂爲之主猶士林中有鉅儒爲之領袖此來科狀元之  
兆耳明年周旋果狀元及第

正統丙辰狀元周旋楊文貞所取一甲三卷未決狀頭間

同事有識周旋儀表者否其人面白豐美對遂以旋卷  
首晉及臚唱陛見貌寢甚衆論悵然蓋所問者周旋所答  
者涪安周瑄也數之前定如此

王瓚初讀禮於開元寺僧舍有芙蓉五月盛開遂於宏治  
丙辰聯科及第瓚少貧販鹽爲業值寒夜泊舟仙洋應氏  
之船枋主人有異夢款留之妻以女後以榜眼厯官司成  
少宗伯諡文定應之物色亦奇矣

王子孝諍隨其父鍊之任竹山教諭其邑藍氏女夢有都  
御史來游園主人奇其夢詰旦伺之乃子孝也卽以是女  
妻之後果至僉都御史



關尹子一篇徐藏得之永嘉孫定宋景濂以爲卽定僞撰  
果爾則吾邑藝文此宜第一而孫定學識不凡居然可見  
卓越字彥材福寧人舉景泰庚午鄉薦知永嘉縣廉而不  
阿提舉市舶中貴至縣索貨越卽抑其爪牙中貴怒將笞  
越越佯解衣受笞誠臺吏先竄越擒中貴搥之中貴讐服  
請盟盟定乃各更衣備賓主禮而去改金鄉縣邑人祀之

福寧府志

永嘉朱叟去吾州學正五十年而其邑人陳子繼之莊秀  
才遜學後先獲事焉乞余言爲贈曰東嘉繼美東嘉比東  
魯禮樂何轅轅窺經見崔服問姓乃朱陳先後博士師作

元 卷三十一  
我妻侯賓絳帳宛如舊青衿俱已新惟應垂白者猶是守

元人

王弁州集

順天蕭鳴鳳精於星學官郡守以不職罷歸舟次遇比部張公瓏張素聞蕭術神試以祿命叩之布算良久不言因問之曰祿命書從此可焚矣問何故蕭曰僕閱人多矣無不中者獨於僕與君而失之張曰何也曰僕自揣祿位應至方伯而今止於二千石觀君之命不出三年便當入相而君猶然郡署也豈吾術有未至邪遂別去文忠入京僅三載以議大禮中上意遂大拜既貴憶蕭公言卽起之十餘年果至方伯而卒

舊志

羅峯翁雖入相得君其家人常穿兩截衣服家有子姪放  
債踏算佔田害人嘗親撻而面詈之或令縣官枷號以警  
怙勢作威者此皆保全族人之道也

項喬既  
東私錄

滴水巷在華蓋山西北舊志云晉太守王羲之嘗臨墨池  
試筆據元豐二年十二月真華觀戶帖則本觀五嶽殿王  
右軍祠堂卽墨池故地今亡其處滴水亦不知何水也唐  
張又新詩序云滴水巷在華蓋山西北流入郡城涓涓不  
盈不竭謝公與從弟書地無佳井賴華蓋山北湧出一泉  
名爲滴水卽此水也滴水泠泠徹碧沙旱時無減水無加  
澄清好是爲官侶引入孤城一帶斜

岐海  
環譚

永嘉蘭亭刻本宋理宗收入內府列在丙集蓋集諸本共  
一百一十有七裝潢十册永嘉之刻特其一耳後歸賈平  
章繼歸錢唐謝氏陳仲醇云永嘉蘭亭是智永臨寫宋紹  
興間太守程邁刻寘郡齋筆勢雖縱逸而未免失真首行  
會字亦全末有孫綽後序是唐乾封二年僧懷仁集書又

有吳傳朋題識具在輟耕錄考

盤遺事

瀉祐壬寅於臨安客舍見永嘉一士人藏一法帖乃唐人  
硬黃仿右軍書前有金字御筆云王右軍長者帖後有宣

和玉瓢樣御寶

洞天清錄

顧駿之畫在永嘉法空寺

畫錄唐裴孝源公  
私畫史作法王寺

永嘉名書有唐僧書金字法華經藏於郡城壽靈禪寺荆溪結空院唐季有僧惠昇結廬北巖道滿居山南滿能詩昇工柳書嘗寫法華經至普賢勸法品天雨舍利二顆建牙鄉玉清觀御史中丞譔記節度使程詢書丹宋吳說書證道歌於淨光禪寺米元章書周侃龍泉院記鐫諸石後爲黃文簡昇去不知所終王綽撰先賢祠記瓜廬薛師石以篆書刻石於郡庠又有明倫堂養源堂二扁延祐闕翰林院待制趙公舉筆書法清壘黃公潛譔容成道院碑記不知何人書丹字亦俊雅已上諸蹟今已亡矣江心寺有宋高宗御書清輝二字扁尙存浴光字被元季方國珍竊

去西山虎跑寺有陳氏世德碑趙文敏筆也湖石穹窿載以龜趺居民不奈官府搨印鑿壞下端數十餘字且屹立荒區雨暘淋炙日漸損泐惜哉

岐海  
璪譚

陶宏景永嘉邑居圖考之地志玉環之木流

按應作樞  
亦作溜與

賢宰鄉之永寧山永寧鄉之綠嶂山清通鄉之烏石白泉山均爲宏景流連之所見有遺蹟存焉第不知所圖者果何屬耳蘇長公云能使江山似永嘉永嘉山川秀甲海內著名非一日矣

宣和畫譜宋御府藏有張旭永嘉帖

俱同上

周感富文學有氣節仕止縣令其子思友亦讀書善談論

攜有松雪大洞玉經標首趙松雪墨蹟五字卽感筆也長  
可二丈裱者裂斷之司寇王陽德跋趙書此經謂右軍土  
海出入結構中則當是松雪真蹟

書畫  
跋

文信號雪山永嘉人此卷是其自書所作五言律七言絕  
句凡八詩不著歲時梁中丞以雪山題趙彥徵畫卷在洪  
武六年六月證之謂此卷是洪武初年所作則爲元人無  
疑以題扇詩中有江南京國鍾峰駐馬之語前詩所稱聽  
宣諭者也

翁方綱復  
初齋文集

永嘉林叔睿所藏端石馬蹏樣深紫色厚寸許面徑七八  
寸有鄭魁銘詩云仙翁種玉芝耕得紫玻璃磨出海鯨血

鑿成天馬蹏潤應通月窟洗合就雲溪常恐魑魅奪山行

亦自攜

何遜春渚紀聞

瓜廬翁每與四靈聚吟獨主古淡融狹為廣夷鏤為素神  
悟意別自然清空荆山劉植跋云瓜廬耕釣于會昌湖上

多肥遯之詞抒性情之正得象外之趣酌準繩之嚴

宋詩紀事

明代三元惟商文毅一人温則有武三元永嘉王名世萬

麻丁酉順天鄉試戊戌會試廷試皆第一

舊志

貞義書院聖旨在五都姚溪張孚敬未第時讀書於此及  
入相嘉靖七年具奏奉聖旨卿所奏足見篤學以勉就後  
來之意書院名與做貞義堂名更做抱忠仍著彼處有司



就書院中蓋敬一亭一座以置朕之五箴抱忠堂門等處  
或有損壞亦與修葺

舊志

吾甌刻漏舊在子城南譙門上卽今之衛治前譙樓也

衛治

今爲城守營署

永嘉譜云本之燕肅制度極精後梁尙書汝嘉再

作用古水稱法尋以用不效復舊制淳熙中火陸郎中之  
淵始命藝士陳宗武改制宗武參呂才燕肅二家法定爲  
銅壺三曰夜天池日天池平水壺萬水壺下水海一視呂  
才增退水壺改燕肅四十八箭爲二十四冬至夏至各用  
一箭春分秋分共一箭餘二十一箭品分氣候用之其餘  
大略依舊法淳熙戊申樓宗丞論別立刻漏於小廳頗采

宗武法而壺差小以日夜增水各三人不勝煩始創意於  
三壺之後別立大架旁設梯級上置圓斛比夜天池之大  
六之日一增水令極滿亦置銀管注水易夜天池平蓋爲  
木盤比銅荷柄指北以受水又於其後增一銀管亦以漆  
竹行之入於退水壺視舊法爲便余覩今譙樓所存刻漏  
爲天順五年辛巳周守琰重鑄其款識稱舊者敝於火闕  
之有年相傳謂舊者遷於省城朝天門不知何據復綴一  
銘曰挈壺有職司彼天時壺旣敝矣職何攸司振頽舉廢  
厥職在誰我吏茲土寧不圖斯稽古而制曰模曰規于以  
合天毫髮無差君子莅政弗亟弗遲民樂厥生興息有期

作銘紀勝載頌雍熙

岐海  
璵譚

譙樓鼓更點舊管鼓八角十一更以鼓點以鈺鈺閒款識  
云梁貞明六年歲次庚辰使司給到角舊以漆竹乾道九  
年始倣軍前式改造昏時吹角五人爲三疊搥鼓六人鼓  
三百三十三槌爲一通角十二聲爲一疊角聲止乃各搥  
鼓千爲三通凡三角三鼓而畢更三點至五點凡再發申  
刻惟吹角三疊爲小引後吹角者久矣而搥鼓無聞夫徭  
額雖存而專役不設更點測盤香爲候或密或疏初無定  
則其視刻漏爲長物更點爲末務古稱有善政者更點分  
明司民牧者尙念之哉 同上

許涉齋及之儒志編序云築室城東隅豐湖王氏譜云今  
之元妙坊上善橋南樹坊名曰儒志宋郡守楊蟠所建蓋  
王氏先世自閩來甌居瑞安西峴山下至儒志先生之父  
遷郡城明倫里六世孫益大字居安厯官右文殿修撰自  
號芹邊居士以所居在郡庠之東也益大子名與字與之  
築室華蓋積穀兩山間創業謝池里蓋明倫元妙謝池居  
第相望也攷儒志坊萬厯康熙兩府志俱不載附見王景  
山傳中乾隆府縣志始附見坊表之末而云未詳其處蓋  
未深攷請得而互證之蘇平仲開元寺興造記云開元寺  
在元妙坊東

舊志無元妙坊名今補入

康熙府志下馬臺在元妙坊宋

高宗謁天慶宮神御時於此下馬天慶宮卽開元寺萬厓  
府志尙膳橋在開元寺巷中知元妙坊尙膳橋之所在卽  
知儒志坊之所在尙膳橋又名上善亦名讓善蓋音相近  
而異其文耳又儒志先生裔孫光世爲其父處士幽堂志  
云世居郡庠之東郡表其坊爲儒志以彰其里焉明劉觀  
槐陰書屋詩序亦云所居在郡庠之東其坊以儒志名子  
孫處斯里者先後第宅相望則儒志坊塙在今之府學巷  
與王氏譜所稱上善橋南許氏城東隅之說合夫明之東  
山書院在華蓋山乃先生講學之所今之東山書院在積  
穀山麓實先生發祥之地尤足深高山仰止之思數典而

忘其可乎況儒志一坊爲永嘉學派淵源所自而前後修  
志者畧而不書書而不詳其地卒無人焉起而表章之良  
足慨已今旣補錄戴栩三十六坊記於坊表中而詳攷之

如右

儒志坊攷

耿逆之亂知縣馬公殉難姪穎姿被害子逸姿尙幼家人  
抱出託生員李謙受謙受轉託生員潘殿颺抱回撫養二  
人皆馬公門生忠臣有後固由天佑而冒險存孤則二君  
亦迥乎難及也

周聲烜貝子事實冊

一說潘廣字廷颺與馬公有舊

公被害賡遽入縣署負其幼子逸姿出匿之崑陽家中得

免逸姿卽後爲江蘇督糧參議者也

又見記謂

陳遇春雙忠祠甌人襁而出渡

江自焦山梅奧小京韓埠入崑陽匿之潘氏合三說觀之可以知其詳矣

瑣記

王梅溪讀書江心寺寺中住持真歇了禪師知其為龍種時寺前埂子山門屢築不就將成即有龍攪波濤潰之一日梅溪大醉禪師進曰公能捨山門前一塊土乎公必中狀元無疑矣就之乞書券梅溪醉中戲書與之其後禪師坐山門乘涼有一老人拄杖而來攜一童子索地出券示之泫然泣去至今寺中寶藏其券焉王應奎柳南續談按謝詩亂流趨正絕孤嶼媚中川蓋孤嶼在兩峯之間自受券後築成平地以沒其蹟今圓通殿大士蓮座下是其遺址也甄龍友字雲卿少有俊聲詞華奇麗而資性浮躁於鄉人

無不狎侮木待問蘊之為尤甚木生朝為詞賀之末云聞道海壇沙漲也明年蓋諺云海壇沙漲温州出相明年者俗言且待也又嘗損益前人酒令曰鬼魅魍魎木以癸未魁天下也一日登對上問卿安得與龍為友甄罔然不知所對既退乃得之曰何不云堯舜在上臣安得不與夔

龍為友聞者惜之齊東野語案麗元英談藪云雲卿游天竺寺集詩句贊大士大書於壁云巧

笑倩兮美目盼兮彼美人兮西方之人兮孝廟臨幸一見賞之詔侍臣物色其人或以甄姓名聞曰是温州狂生用之且敗風俗上曰惟此一人朕自舉之以為其邑宰後召對不稱旨猶得添倅官至國子監簿

劉錫祖父掩據羲之墨池且百年後為世僕所發太守留公茂潛斷其廬得池於臥內劉氏遂衰其臨政操斷皆類



是葉紹翁四朝聞見錄

永嘉有百筓瀨鄉人斷水捕魚宰生禱祭祈多獲逾時了無所得眾侶忿怨棄業將罷其夕夢見一老人云諸君且可小停忽聞有跳躍聲驚起視之乃巨魚也剖以爲鱠頓獲百筓因名瀨焉劉敬叔異苑

蔡襄造洛陽橋夢大士以須温州三人一自至方可成於是遣人至温訪之一日使者見有三人其二俱瞽其一又僅一月坐河頭分柑而食使者度必此三人乃前致詞已而三人者論使者先回輒同下一井而沒及使者回泉州三人者已先至矣故至今名其地曰分柑河頭蔡君謨洛

陽橋碑記載其事

歐乘補

按分柑河在華蓋里沙巷口其井相傳即今與文坊鐵欄井

東坡云余在惠州有永嘉羅漢院僧惠戒來謂曰明日當還浙東間所欲幹者予無以答之獨念吳越多名僧與子善者常十九偶錄此數人以授惠戒使歸見之致予意且為道予居此起居飲食狀以解其念也信筆盡紙語無倫

次又當尚有漏落者方醉不能詳也紹聖二年三月二十

三日東坡居士書

志林

按永嘉城內有羅漢寺宋祥符間賜名崇信教院

林靈素盛時一日有詔兩學之士問道靈素既陞座首詔

太學博士王俊乂久而不出既出乃昌言昔我先聖與老

聃同德比義相與師友豈有摳衣禮黃冠者哉聞者駭然

周輝清  
波雄志

林靈素作神霄錄自公卿以下羣造其廬拜受獨李綱傅

崧卿曾幾移疾不行

困學紀聞

薛叔仔字德先紹定中仕平南尉庚子辛丑温郡薦饑發

廩煮賑至一萬八千餘石奏聞擢官江南東路兵馬副都

監嗣知化州會縮成丐祠寶祐甲寅進呈中興四朝志傳

經武要畧今上日麻會要玉牒等書

陳懋卿欽薛叔仔墓誌

林邦福字大彥温父也初署常山尉歸浙省左丞擢為鄉

郡知事時山寇竊發掠慈湖將窺城上下洶洶乃白府單

舸走賊巢諭以禍福皆俯首退去為良如初有司上其功

尋以疾卒葬永之建牙鄉

宋景濂文集

陸務觀野廟記云甌越閒好事鬼山椒水濱多淫祀其廟  
貌有雄而毅黝而碩者則曰將軍有溫而厚皙而少者則  
曰某郎有媪而尊嚴者則曰姥有容而艷者則曰姑其居  
處則倣之以庭堂峻之以陞級上有老木攢植森拱蘿葛  
翳其上鴟鴞室其閒車馬徒隸叢雜怪狀農作之毗怖之  
大者椎牛次者擊豕小不下犬雖魚菽之薦牲酒之奠缺  
于家可也缺于神不可也一朝懈怠禍亦隨之羣孺畜牧  
慄慄然病疾死喪毗不曰適丁其時而自惑其生悉歸之  
于神雖然以古言之則戾以今言之則庶乎神之不足過

也岐海  
璣譚

谷良號確菴宣德正統歲荒捨粟賑濟又捨米千石倡創

大雲寺築唐嶺竹浦嶺路三十餘里遵例出金百兩助軍

御史陳公瓊為題名董儲館石

阮存谷處  
士墓誌

谷譜號循菴正

德間歲歉捐穀六百斛賑之又輸粟助之邊儲郡守楊公

且具達授義官谷俊字士毅捐穀六百石授七品

谷氏  
譜

張昌明明景泰甲戌應詔輸粟京庾授七品散官張鼐成

化丙戌應詔輸粟五百斛於預備倉又進粟京庾充邊儲

授七品散官張謹成化癸卯陝西荒歉應詔輸粟七百斛

授散官張積宏治壬子募民入粟修荒政因獻七百石備

賑又輸萬金於官事聞授冠帶義官勅贈南京國子監典  
籍張一環萬厯閒歲歉捐粟於郡預備倉又應詔輸粟七

百斛旌表義士榮膺冠帶

張氏譜

膠凍一味吾溫素未有製之者曩有人治病取石首膠者  
化充劑因過稀薄不堪用又不忍棄置遂條解和以辣醢  
反成佳味且善於補腎凡冬月供盤殮備筵宴靡不需之  
者惟吾地獨有之他處未之見

岐海瓊譚按  
卽今之魚膠

曾七如號七道士名衍東山東嘉祥人乾隆壬子舉人爲  
楚北令緣事謫戍來甌居郡西曾氏依綠園之旁名其地  
曰小西湖性落拓不羈工詩好古硯書畫篆刻尤精筆墨

狂放自榜其門曰掛冠自昔曾騎虎閉戶于今好畫龍慕  
鄭板橋爲人常曰難得糊塗赦後貧老不能歸卒於溫著  
有小豆棚集啞然集嘗作元宵燈鼓圖題云驚人歲月千  
搗鼓老我乾坤百盞燈讀之令人有勝事長新年華暗老  
之感也

彭左海濤曾  
七如小傳

柳彬道光十九年以選貢判溫州明敏剛正有幹才邑之  
八都呂家岸積年盜藪官不能治民患苦之雖褊小村落  
歲必納金若干希幸免增貢生葉冠瀛訴其事於彬請親  
往搜捕彬許諾卽選幹役於端午夜冒雨直抵賊巢竟獲  
渠魁盜風寢息民至今尸祝之

採訪  
冊

葉紹祉字次尹號廉齋習申韓業乾隆閒同郡張遐齡出  
守雲南大理葉從游佐幕心存利物與張講求政治主賓  
相得民懷其惠芒市民泊六崗頭人公送揚旗頌謝其旗  
正面書青天師太老爺葉清廉勤慎嚴謹夷方收糧平斛  
用夫有法愛民如子萬民感激百世留名合地頂祝芒市  
安撫司治下子民暨六崗頭人眾等銜結頂祝不朽上謝  
共六十三字背面書夷字如蟲篆不可識至今其家猶寶

藏之

周藉農衣德  
述見歐乘補

姚梁號佃芝處州慶元人僑寓永嘉以進士通籍累官至  
山左按察使子魯培號洙楷聰穎異常年十四隨父至粵



西經岳陽樓詩曰岳陽樓上淡斜暉岳陽樓邊秋雁飛乾

坤吳楚此終古廊廟江湖誰與歸斷岸樹依懸酒旆遠波

帆颭掠漁磯蒼茫何處聞湘瑟一點君山縮翠微惜甫游

泮水年未弱冠而亡戚學標鶴泉文鈔有傳歐乘補

陳瀾號秋槎永嘉場人嘉慶丁卯舉人後改名乙金以教

習期滿銓授湖北建始縣道光壬辰赴任舟泊餘干縣麥

皮坂夜半失足溺焉子楠情急援之亦溺明晨子抱父屍

出人咸驚異以為孝感所致案楠係孝子本可詳請旌

楠墜水其父以救子故並罹水厄情節迥異此事必由地方官詣驗詳報豈亦傳聞失實耶姑兩存之

劉上書習醫相傳嘗遊飛霞洞遇吹簫道人授以秘訣自

525-6-219

是醫業日進專以婦科行子孫蕃衍今多世其業

歐乘補

萬家傑字興士黔中人能詩工書畫孱弱多病落落寡合  
隨父宦金陵父歿遊橐匱當道攜至甌城道光癸未歲卒  
年二十有四初疾作自撰壙志云生而茫茫死也何傷彭  
殤齊誕大塊文章題曰水雲子墓旁書冢下人自題鐫石  
訖攜僕遊東山步至東北隅海壇側命僕云我死必葬此  
及卒僕以告當道因遂其志營冢而樹其石以誌不忘予  
於癸未秋覽生詩畫甲申春經其冢感生之數奇而情曠  
也詩以弔之蘇榮陶富等棲塵落魄天涯幻此身萬古長  
眠孤徼客一杯誰奠九泉人小兒造化從天厄大塊文章

特地新欲認本來真面目浮雲傳像水傳神

曾立勳隨  
意消遣集

市井七才子其詩有膽炙人口者季碧山秋夜云雲峯  
剩夏露氣已生秋薄暑消今夕新涼動故愁予懷成渺  
離思寄悠悠俯仰無終極星河徹夜浮默坐思無端高  
興浩然秋風起衰草涼露咽寒蟬清響趨羣動殘釭照  
眠平生負豪氣奄忽又經年皆楚楚可人黃巢松之三  
菊通雲外屋一溪梅放雪中山亦佳祝聖源鼓兒天詞二  
鼓兒天詩人夜未眠茶烹活火品新泉茶兒熟鼓兒促  
驚驚醒鄰兒哭鄰兒哭古月生霜照寒屋亦覺新穎張  
光子名森字柔木亦能詩工雅過於乃父著有山樓吟

泰順董霞樵為之訂定郡博陸曉峯先生嘗稱其春草詩

綿麗可喜

陳遇春  
筆記

永嘉縣志卷之三十八

雜志三

辨誤

方志之書類皆攬摭舊文更相沿襲不暇致詳然或以  
增益而滋訛或以攷訂而轉謬自矜賅洽未能究厥指  
歸其弊亦與疏略者等則裨補闕漏糾正瑕疵胥有待  
於後人敢蹈襲謬沿訛之咎耶今竊取顏氏匡謬正俗  
之義聊就見聞所及獻厥箴規以效愚者之一得若云  
發墨守鍼膏肓則吾豈敢至有傳聞異辭不能衷於一  
是者則別出之爲存疑云

疆域誤

舊志形勝引王十朋綠畫軒記峯巒奇偉林麓靜深環合

映帶

案綠畫軒在樂清去玉簫峯二十里所記與永嘉無涉

且此係名勝非形勝也今削

山川誤

羅浮山舊志在江北岸華嚴山下又載合山

案合山即羅浮山不應兩載辨見輿地山川

石門山舊志在府城北十五里賢宰鄉附謝靈運詩二首

案靈運所遊是青田石門今磨崖詩刻猶存見栝蒼金

石志舊志湯志俱附謝詩誤矣辨又見輿地山川

芙蓉山湯志在四十四都清通鄉引隋書地理志永嘉有芙蓉山

案隋時永嘉一縣兼有温州五縣之地志所稱芙蓉山似卽雁蕩山雁蕩有芙蓉峯下有芙蓉村故名然境內亦自有芙蓉山一統志云有三峯聳立紅赤相映如芙蓉與樂清接界是矣宋陳虞之禦元兵於芙蓉巖卽此在仙居鄉四十八都今云四十四都清通鄉亦誤

甌江舊志東受樂清之象浦

案象浦在三十六都俗名烏牛浦舊有村莊亦名象浦

與樂清館頭相隔里許三十六都各村溪流俱從此浦南出入港乃指爲樂清地誤矣

華嚴山舊志有黃巖洞

案黃巖卽華嚴之誤蓋土音華黃二字不分而載筆者

遂從俗書之

右軍帖云華嚴石硯今有作黃巖石硯者其誤僚然亦有作黃巖山者則尤誤矣

石室山舊志引嘉靖志在城東七十里又引寰宇記石室山南溪入一百二十里有石室可坐千人

案石室山在永嘉場寰宇記所稱宜移入大若巖下在城西北一百二十里亦名石室山不得混而爲一舊志

誤湯志亦誤



風俗誤

隋書地理志少爭訟好歌舞婦人勤於紡織有夜浣紗而旦成布者俗謂之鷄鳴布

案此條本與永嘉無涉隋書云豫章之俗少爭訟好歌舞勤於紡績非指永嘉也舊志據甌江逸志云云並未檢隋書原文此剽竊稗販之陋習也又祝穆方輿勝覽有此文好作尙舞字下有婦人二字隋志無則竟引祝書可耳今更正

明朝用賓禁約二條

案胡用賓樂清知縣永嘉職官無其人舊志誤

物產誤

倒生松

案松以倒生得名乃形之奇古者耳非別有一種也入之物產殊誤

夾竹桃舊志入木屬又見花屬

案夾竹桃宜入花屬一物兩收誤

金沙舊志引府志郡圃中有金沙花附錄王十朋種金沙花戲呈景盧詩

案梅溪詩乃守饒州時所作蓋饒之郡圃與永嘉無涉  
狢獠舊志引薛季宣思石門遊詩注出石門山中狢類猿  
而綠獠類狗而黃蓋猴屬之大者

案浪語集詩有軒轅邱一夢懷往意悠哉之句注云石門之上有軒轅之邱軒轅邱在青田石門舊志誤樂清志引之亦誤也

鬪魚舊志引游宦紀聞三山溪中產小魚斑文赤黑相間里中兒豢之角勝負聞永嘉亦有之

案永嘉並無此魚傳聞不足據也

祠祀誤

舊志卓忠貞祠在江心寺祀明戶部侍郎卓敬附鮑嘉蘊悼忠貞詩

湯志卓忠毅公祠在郡城南隅萬厓閒移建江中孤嶼附劉

康社重修卓忠貞廟碑文又康社悼忠貞詩張德明悼忠貞詩

襍志

辨誤

四

案劉記乃瑞安卓忠貞祠非江心卓祠也鮑劉張三詩亦當入瑞安舊志湯志誤

古蹟誤

筆亭浙江通志引縣志云縣治西北郭公山有晉郡守王羲之筆亭久圯今字蹟猶存

案舊志富覽亭額係晉王羲之筆亭久圯字蹟猶存通志改易數字而以筆字屬下句讀遂標筆亭之名誤矣

此條係通志之誤舊志本不誤然恐後之修志者援引通志之文別出一筆亭爲古蹟則誤矣故附辨於此

浮沚書院舊志引萬厓府志宋儒周恭叔故居

案恭叔所居乃浮沚也有自撰浮沚記可證後人卽其

地創建書院而以浮沚名則浮沚當入古蹟不得竟以書院爲恭叔故居也

池上樓舊志引太平寰宇記謝公池在州西北積穀山之東

案謝公池在州東南不得云西北又在積穀山之西不得云山之東此皆舛誤之甚者今不錄

問水亭在學署後煉丹井上

案永嘉學宮圖作活水亭蓋取朱子爲有源頭活水來之義圖列卷首可證舊作問水亭誤

大雲寺淨光禪寺崇德寺飛霞觀金雞嶺

案已上三寺一觀俱見寺觀不得又列古蹟應刪金雞嶺亦宜改入山水門今更正

職官誤

南北朝張進之舊志職官安固人永寧令領校尉又見義行傳

案南史本傳進之永嘉安固人歷五官主簿永寧安固二縣領校尉考其文義領校尉三字乃歷叙官階而并及之非縣令兼官也宜削去又安固卽瑞安旣曰永嘉安固人則非永嘉人矣入義行傳中亦誤

唐永寧縣令程振康熙府志不載乾隆志據唐書程務挺

傳補錄府志同

案本傳務挺父曰名振凡六見今刪去名字誤一隋河南郡有永寧縣非永嘉之永寧誤二名振初仕竇建德在隋大業末俄棄賊自歸高祖詔授永寧令使率兵經畧河北永寧在河南故也時江淮以南羣盜竊據如李子通杜伏威沈法興輩而苗海潮方據永嘉豈能越江淮數千里而令東越乎武德初次第削平浙東西郡縣初入版圖武德五年以縣置東嘉州析置永寧安固橫陽樂成四縣見唐書地理志此置永寧之始苗海潮亦於六年三月始降見高祖紀時程名振已轉洛州刺史

封東平郡公矣此誤收而并改其名蓋不及詳考地理年代及上下文而滋譌者也又次永寧令於永嘉令之下亦誤

宋縣令詹夫作詹夫胡衍作胡衍周秘作周秘趙汝掄下作泰定趙大猷作范大猷府志同

案已上舊志均誤辨見職官門各條下

元縣尉王楚山舊志云遇賊戰死之見名宦帖木傳

案今舊志名宦中並無帖木傳及王楚山事見府志武宦帖木傳中則府志二字自不可省

人物誤



漢蔡敬則舊志武功

案蔡敬則瑞安人光和間舉孝廉見瑞安縣志選舉及人物循吏傳壇廟墳墓皆有之舊志誤

唐葉一源字九江其先栝之松陽人大父格心徙永嘉因家焉一源幼有志操能詩書習騎射云云見舊志忠臣

案瑞安志引葉水心廟記云徙永嘉之安陽東郭蓋安陽屬永嘉郡故各志誤作永嘉人今水心集亦無此文故削之節錄於此

宋王景山舊志儒林引萬厯府志云初名開祖府志同

案宋史藝文志儒志編一卷王開祖撰許及之序云先

生名開祖字景山 國朝四庫全書總目同陳謙儒志  
先生學業傳亦云王景山諱開祖惟舊志儒林傳標題  
景山而曰初名開祖不知其何所本也

元蔣允汶舊志儒林

案允汶青田人詳下經籍條今改入寓賢

宋徐誼舊志名臣引宋史本傳乾道八年進士後知建康  
府移知隆興府卒

案水心集知隆興府徐公墓誌有徐寅者相王審知寅  
之孫薄其官遯於平陽自號處士處士廟於沙岡爲別  
祖是誼世爲平陽人康熙府志亦作平陽人舊志誤

宋方懔舊志見文苑又見隱逸明謝廷循見文苑又見方技張天麟見武功又見仕績所載事實大同小異

案已上三人均一人兩傳誤

又案舊志人物如名臣業已立傳又列其名於他傳

中注云傳見名臣此亦與一人兩傳無異非志體也

宋錢敬直舊志文苑引葉適錢敬直墓誌字敬子以祧廟諱改名易直字季莊

案墓誌稱敬直忠懿王九世孫五世祖尙徒温州樂清爲其邑人又稱祖堯卿紹興中舉孝廉因表其居曰孝廉里樂清志堯卿居白石是敬直實樂清人舊志誤

國朝翁應春舊志文苑著蚩冷符

案蚩冷符應作論癡符本顏氏家訓舊志妄改

國朝鄭如夔舊志文苑

案如夔樂清人僑寓永嘉見樂清志附傳今改寓賢

宋陳侃舊志孝友又見義行作陳侃

案宋史陳侃附許祚傳侃卽侃字之俗體舊志兩傳事蹟皆不引宋史一引萬厯府志一引明一統志互有詳畧實一人一事也遂作兩人失考

明張鳴鸞舊志仕績

案鳴鸞自有傳而其父張純傳中又附見殊贅

晉張薦舊志隱逸永嘉人有高操隱居樂清丹霞山郡守

王羲之訪焉不獲見而去

案永嘉郡記樂成縣民張薦隱居頤志不應辟命王右軍聞而造之是文君實樂清人舊志誤

後五代蔣湛舊志隱逸傳引浙江通志有高操刺史季廣琛建牙持牒詣其家徵之不就至今名其鄉曰建牙

案蔣湛爲蔣渙之弟據水心集蔣行簡墓誌云蔣氏本陽羨人梁普通初蔣渙爲永嘉守從弟湛以西華奇山也留居不歸武帝賢而官之命後守卽廬授焉故鄉名建牙是渙與湛並蕭梁人無疑而萬厯府志載蔣渙爲温州刺史在後梁開平間與水心集不合又水心集但

曰梁武帝命後守卽廬授湛官不詳後守姓名而乾隆

府志則以後守爲季廣琛

萬厯康熙府志不載

萬厯志職官門梁

温州刺史蔣渙後亦有季廣琛考舊唐書肅宗紀上元

二年正月温州刺史季廣琛爲宣州刺史則廣琛自是

唐人旣非後梁温州刺史又與蔣渙渺不相涉乾隆府

志乃沿浙江通志之誤以蔣渙後守爲廣琛尤誤中之

誤不足辯也吳任臣十國春秋亦云蔣渙季廣琛相繼

爲温州刺史吳書援据多疏舛此條蓋卽襲地志誤文

要之蔣渙自是蕭梁永嘉太守季廣琛自是唐温州刺

史與後梁並無涉水心集述蔣氏先世當据其家狀諜

舊文必無差誤舊唐書爲劉昫所脩去李唐時代不遠所載亦必可依据今括此二書參互考定以蔣湛收入蕭梁寓賢而刪李廣珠三字後之脩郡志者宜以蔣渙歸之蕭梁以李廣珠歸之李唐庶不爲舊志所誤矣

宋鄭秦臣舊志隱逸

案卽趙清獻集之鄭賡字泰臣所載事實與趙詩注合府志不載其名題曰鄭秦臣亦失攷舊志作秦臣誤

宋徐必友舊志隱逸鐸孫政和間屢薦不起隱柏洋山下案徐鐸熙寧九年狀元平陽人必友見平陽志隱逸柏洋山亦在平陽舊志誤

明何白舊志隱逸

案何白樂清人今改入寓賢

明劉康社舊志隱逸與仕績之劉康社相混

案劉康社字以吉見仕績此係康社之誤康社字幼安一仕一隱截然兩人社社二字以字形相近而誤

國朝侯思炳舊志隱逸

案府志思炳樂清人亦見樂清志隱逸舊志誤

明郭純舊志方技引東里集初名文通精繪事太宗賜名純擢營繕所丞洪熙初陞閤門使

案黃淮介菴集樂清人永樂中淮嘗薦之得名見賜名



純志以爲邑人誤以成祖爲太宗尤誤

明柳楷湯志方技

案府志選舉楷以童子舉官中書舍人瑞安人湯志誤唐包全舊志寓賢引府志字子周會稽人舉貞元乙丑進士官福州長溪令自會稽入永嘉至安固寓庫村

案庫村爲今泰順地唐時屬安固非永嘉也舊志誤

唐崔道融舊志寓賢引府志荆南人自稱東甌散人著東浮集九卷乾寧乙卯永嘉山齋編成蓋避地於此者

案道融以徵辟爲永嘉令後避地入閩見全唐詩鈔小傳舊志誤今補入職官

五代吳畦舊志寓賢注云傳詳名臣

案名臣無吳畦府志有之所居乃安固庫村非邑境唐書五代史俱不載其人蓋譜家附會之詞未可信也

宋朱熹舊志寓賢引府志乾道閒館樂成講道東臯山麓其往來小徑名文公巷

案文公巷在樂清既言館樂成於永嘉無涉舊志誤

宋徐定舊志仕績寓賢兩見

案徐定泉之晉江人娶永嘉鮑氏因家焉應入寓賢不宜復入仕績舊志誤

宋阮存舊志選舉鄉薦下云進士有傳

案明進士阮存傳詳仕績宋進士無阮存名今削

經籍誤

蔣允汶尙書通考 大學章旨 中庸詳說 四書條類

蒼巖先生文集

乾隆府縣志

案蒼巖蔣訓導允汶萬厓府志乾隆志並有傳考東甌詩集有蔣文質注云字彬夫永嘉人號蒼巖所載字號與允汶同而名特異王齋自撰壙志云登蒼巖先生蔣公文質之門則文質卽蒼巖無疑其作允汶或入明以後所改也然陳高蒼雪軒記云蔣君文質舊居栝之青田後僑居永嘉其所述與舊府縣志稱蒼巖蹤跡亦合

則蒼巖本貫青田所著書即不宜收入今刪參溫州經籍志下同

俞德鄰佩韋齋輯聞詩說一卷 佩韋齋文集十六卷雍正

通志乾隆府志乾隆志作佩韋齋輯聞四卷

案至順鎮江志元俞德鄰永嘉平陽人宋寶祐中父卓

為廬江令僑寓京口因家焉有佩韋齋文集十六卷輯

聞四卷宋濂俞希魯墓碑亦云先生之先居溫之平陽

大父某為廬江令始遷鎮江父德鄰鄉貢進士是德鄰

已為鎮江人非永嘉人今刪

薛季宣伊洛遺禮 伊洛禮書補亡萬厯乾隆府志有伊洛遺禮乾隆志有伊

洛禮書補亡雍正通志二書並題陳傅良集

案此二書薛陳二先生行狀並不載考陳亮龍川集有伊洛禮書補亡序云吾友陳傅良爲余言薛季宣士隆嘗從袁道潔游道潔蓋及事伊川自言得伊洛禮書欲至蜀以授士隆道潔死無子不知其書今在何所伊川嘗言舊修六禮則信有其書矣道潔之所藏近是惜其書之散亡而不可見也因集其遺書以爲伊洛禮書補亡又書伊洛遺禮後云伊洛遺禮其可見者惟婚與喪祭僅存其一二今以附諸補亡之後然則二書皆亮所撰文獻通考錄之亦不題陳薛二先生撰舊志蓋因序中述二先生語遂誤據收入今刪

蘇太古古禮書敘畧

王柏魯齋集乾隆志

案蘇太古事蹟無考惟金履祥仁山集有送三蘇君序曰愚翁先生蘇公來官金華其三秀從焉長曰太古仲曰佩韋季曰會心皆所以號也又有九月初永嘉蘇太古同游金華洞夜宿鹿田寺詩是太古乃別號非名也考萬厯府志寶祐癸丑進士有蘇文洪瑞安人佩文齋書畫譜引王魯齋集蘇基先溫之瑞安人登寶祐癸丑第初調臨安府浙江稅終金華令科第履貫同而名不同仁山集所稱愚翁先生或卽基先歟則非永嘉人也南宋人稱溫人爲永嘉蓋用永嘉郡舊稱今不著於錄

李倫家禮酌中 萬曆府志作酌中隆慶樂清縣志作酌宜

案李倫樂清人舊志誤今刪

朱文簡學庸圖說 乾隆府縣志

案文簡樂清人見樂清志舊志誤

戴厚經解三卷 乾隆志

案經義攷作經解三十卷舊志誤

戴仔非國語辨 乾隆志

案戴守鏞非國語辨篇見慎江文徵經義攷亦著錄然

非單行著述今刪

陳謙謝修撰墓誌 雍正通志乾隆志

陳謙謝修撰墓誌 雍正通志乾隆志 陳志 辨誤

25 A 26 A

475-9-55.5

案直齋書錄解題謝修撰行狀墓誌一卷昭武謝師稷  
務本行狀里人黃通撰墓誌陳謙撰因有與黃氏行狀  
合刻單行本故著於錄謝氏既非溫人陳誌亦非著述  
今刪

張叔椿建安志二十四卷

萬麻府志  
乾隆志

案直齋書錄解題建安志二十四卷刪定官郡人林光  
撰慶元四年郡守永嘉張叔椿俾僚屬成之是此志本  
林光所撰張春卿守建安令僚屬補成之非出春卿手  
纂今刪

張聲道岳陽乙志

三卷

乾隆府  
縣志



案聲道溇熙進士瑞安人舊志誤

李至剛耽羅志畧三卷

乾隆府志

案至剛樂清人孝光從子舊志誤

項喬董子故里志六卷

雍正通志乾隆府縣志

案天一閣書目董子故里志李廷寶撰又甌東私錄董

子遺事志序畧云某叨先生故里守嘗欲繼絕世脩故

墓而苦無端緒景守李廷寶適志遺蹟遺文及先賢所

嘗贊記云六卷而以序屬余是董子故里志實景州守

李廷寶所作甌東特序其書耳非即所著也今刪

林武朱子語錄

萬厓府志雍正通志乾隆府縣志

包定池州語錄

雍正通志乾隆

府縣志

案朱子語錄宋代傳本至夥黎靖德編語類卷首列記錄姓氏凡九十七家采摭詳博並無林武包定所記且池州語錄爲嘉定乙亥李道傳所集黎書載道傳自叙明白可據塙非包定所編此二書皆不足信今刪

鄭景望蒙齋筆談

雍正通志乾隆府縣志

案四庫全書總目蒙齋筆談二卷舊本題宋鄭景望撰商濬刻之稗海中厲鶚宋詩紀事亦曰景望湘山人生元豐元祐間有蒙齋筆談今考其書乃全錄葉夢得巖下放言之文但刪其十之三四而顛倒其次序濬蓋誤

刻偽本今刪

周達觀誠齋襍記二卷

雍正通志乾隆府縣志

案四庫總目誠齋襍記二卷舊本題元林坤撰前有永

嘉周達觀序稱坤會稽人所著書凡十二種此乃其一

誠齋坤自號也他書誤為達觀所著舊志承其謬今刪

釋法樞鐵關和尙語錄二卷

乾隆志

案妙覺真空大師法樞平陽人舊志誤

釋啟元太初語錄

萬厯志乾隆府縣志

案乾隆府志仙釋傳啟元作啟原日本人吳元年航海

入中國後入安固抵石山駐錫是啟元乃倭產今刪

倪濤玉谿集二十二卷

萬麻府志雍正通志乾隆府縣志

案直齋書錄解題玉谿集二十二卷左司員外郎永嘉

倪濤巨濟撰其父始徙居廣德云云又案東都事略文

藝傳宋史文苑傳並作廣德軍人蓋其父始徙廣德至

巨濟已為土著直齋題永嘉蓋據舊貫言之耳今刪

徐泳橫槊醉稟

乾隆府縣志

案泳見平陽志武科橫槊醉稟亦見書目舊志武科無

泳名而經籍收之誤矣

萬規東平先生集

乾隆府縣志

案萬規見樂清志人物東平先生集見書目舊志誤

孔子升潔菴集

乾隆府縣志

案子升名暘平陽人元進士潔菴集凡十二卷蘇伯衡為之序見平陽志舊志誤

盧摯疎齋集

乾隆志

案元詩選三集盧摯字處道號疎齋涿郡人著有疎齋集據此是盧疎齋乃涿州人乾隆府縣志文苑傳別載盧摯字處道永嘉人善詩文與高明齊名其字與疎齋同疑卽一人舊志相沿誤載耳今刪

東甌王氏平冤錄一卷

見焦氏經籍志疑卽王淵無冤錄

案無冤錄乃王與所撰非淵也

陳雷窳菴集

乾隆府縣志

案列朝詩集甲集前編陳雷字公聲嘉興人秀民之子

有窳菴集蓋秀民僑居嘉興其子曰著籍於彼舊志誤

高友璣南屏遺稿

乾隆府縣志

案友璣樂清人舊志誤

姚汝循錦石山齋集

雍正通志乾隆府縣志

案千頃堂書目汝循字敘卿上元人

明詩綜亦作上元人

通志引

黃目作永嘉人蓋偶據誤本府縣志悉沿其誤今刪

李光春西臺奏議

乾隆府縣志

案光春樂清人西臺奏議見樂清志書目舊志誤

陳少垣雞肋集 乾隆志

案少垣名昌時以字行則翁長子瑞安人舊志誤

宋黃仁榮永嘉集 李知己永嘉集 俱見宋史藝文志 元章嘉

永嘉縣志 明邑令汪循永嘉志 又東甌倡和集 郡

守鄧淮鹿城書院集 樂清蔡璞東甌詩集 國朝石門

勞大與甌江逸志

案已上均非邑人著作宜改入文外編

藝文誤

謝靈運橫陽還嶠上詩注一作遊嶺門山詩又行田登海口盤嶼山詩又白石逕為民行田詩又斤竹澗越嶺溪行

詩

案橫陽卽平陽嶺門山在城南盤嶼白石斤竹澗俱樂  
清地舊志誤

謝靈運歸塗賦

案賦中所云登青田之枉渚搜縉雲之遺迹實非指今  
永嘉也舊志誤

孟浩然晚春臥病寄張八子容詩

案子容尉樂清詩中無一語及永嘉舊志誤

李頎送馬錄事赴永嘉詩

案詩言主印清淮邊又言楚雲飛面前非永嘉明甚全



唐詩錄永嘉作永陽舊志易陽爲嘉尤誤

趙凝送張又新之任詩

案全唐詩錄係趙嘏作舊志作凝誤

張又新常雲峰詩

案樂清有常雲山亦名靈府山詩云仙府靈臺莫漫登  
是也舊志誤

李維楨送人之永嘉東李五峰詩

案五峰樂清李孝光也詩曰雁蕩落日照松扉又日五  
老峰前攬夕暉均指樂清稱永嘉統名耳舊志誤

侯一元贈王相山督學之楚詩又理說載名理篇四章

何白哀江頭詩 侯思芹贈司李嵇叔子遷守杭州詩

案已上三人俱樂清人舊志誤

陳水雲冷泉夜坐詩

案此係趙靈秀詩作陳水雲誤

災祥誤

晉太寧三年有白鹿銜花止於安固之白巖山

舊志引府志

案安固即今瑞安與永嘉無涉况太寧元年載有此事

疑本一事重出萬曆府志無是也今刪之

宋建炎三十二年大風壞屋覆舟

舊志引宋史五行志

紹興三十二

年秋七月颶風大水

舊志引府志

案建炎盡四年當作紹興下引府志云云卽一事而重出者也湯志已正之矣

元世祖至元二年蝗

舊志湯志引元史五行志

至元五年芝草生於郡

城之松臺山狀如連雲文彩煜然

舊志湯志乾隆府志

案世祖至元二年係宋度宗咸淳元年至元五年乃咸淳四年其時永嘉屬宋不屬元考元史五行志順帝後至元三年六月温州蝗是舊志誤以後至元三年爲前至元二年也今與府志五年一條均移泰定之後又案至元五年一條萬厯府志不載康熙府志作至元甲子歲尤謬甲子乃世祖至元二年宋景定五年也又

泰定元年以下六條自至元元年至二十七年均宜作  
至正今誤作至元其至元十八年應作至正八年戊子

雜記誤

來斯灘在北閣仙溪昔有神人驅石之海一則

案來斯灘在樂清雁蕩見廣雁蕩山誌

高則誠撰琵琶記雙燭花交一則

案則誠名明瑞安人元詩選云則誠寓鄞之楛社沈氏  
樓作琵琶記成按拍歌舞蠟炬二枝光忽交合因名瑞  
光樓則人爲瑞人地爲鄞地與永嘉無涉

晉書本傳不言右軍嘗守永嘉一則 宋陵拾骸林處士

事與唐處士同一則 又論侯一元二則

案右軍守永嘉當入府志林平陽人侯樂清人均與本志無涉此皆隨手刺取府志之誤

存疑

### 古蹟疑

新城方輿紀要晉太寧初置郡議築城於江北岸去今城六里今温州謂其地曰新城 舊志卽永寧故城今其地爲田野猶稱新城云

案唐書地理志武德五年以縣置東嘉州析置永寧安固橫陽樂成四縣疑江北之城武德時所置故稱新城

至貞觀元年仍省入永嘉也

前人皆言孤嶼在城南以此

讀書堂舊志引明一統志在舊郡治謝靈運讀書於此

謝靈

運齋中讀書詩

讀書齋舊志引晏殊類要城內西偏有謝康樂

讀書齋

謝靈運讀書齋詩

案讀書堂疑卽讀書齋今併爲一

李集宅在茶山唐宗室隱居於此

案舊志仕績傳李唐卿唐河閒王孝恭裔自虔徙永嘉

茶山蒼墩李氏宗譜注云李唐卿其先出於唐河閒王

孝恭八世孫集考唐書宗室表河閒元王孝恭裔有先

遠者初名可集別有可信可誠可立則可爲輩行字亦

得省稱集自王至集正八世疑卽其人

芙蓉亭浙江通志湯志彙引明一統志在府治 君子堂  
在舊郡治舊名芙蓉亭

案上芙蓉亭疑卽下君子堂

職官疑

元縣尹趙搭蒔

案金華徵獻錄作大納宋濂浦陽人物志及舊志名宦  
傳永嘉縣學碑竝作塔納上从土下無艸考搭蒔塔納  
大納音皆相近疑元人尙翻譯惟取音近不必有一定  
之字耶

明訓導王淵

案淵王氏譜作齋又儒林傳言洪武三年舉進士檢府縣志選舉門及科名碑俱無之蓋舉進士者應試之名非中式之謂且洪武三年鄉試四年乃會試焉得有三  
年之進士乎又訓導王元傳名澤傳疑係溥字之誤

選舉疑

宋宏詞科李仲意知真陽縣遷臨安府尙孝宗長公主授駙馬都尉公主諱柔正生而眉髮皓然有白祥之號賜湯沐萬戶告身四道後以入覲卒於臨安

舊志乾隆府志同萬厯府志但注駙

馬二字



案宋史公主列傳皆詳載公主封號及駙馬姓名其再  
嫁者亦著之惟高孝光寧四朝女皆早亡孝宗二女長  
公主已受封而亡其次未及封而亡長公主既未下嫁  
又安得有駙馬哉且徧考宋史亦無柔正公主之號今  
檢蒼坡李氏譜但云真陽縣不載宏詞科並無遷臨安  
府事志與譜亦屬兩歧今姑仍舊志入宏詞科而附辨  
之又按朱氏蜃濱襟記謂仲意嘗通判溫  
州署中有公主梳妝臺舊址尤屬無稽

人物疑

鄭洪鄭君舉詩一卷

案洪字君舉號素軒有詩一卷爲秀水曹侍郎溶家藏

本題其簡端云是永嘉人蓋本賴良大雅集也而朱竹  
垞謂三衢人按顧奎光元詩選姓氏爵里考亦作永嘉  
人今從之

朱聳舊志隱逸作朱聳經籍作朱贅山川又作朱聳

案朱氏譜牒作朱聳然府志俱作聳今從府志

周頤真洞浮老人集

萬厯府志雍正通志乾隆府縣志

案通志周頤真永嘉人府縣志則云閩福清人至元丙

子徙居永嘉當非無據今姑存其人於方外而刪其集

元陳秀民舊志文苑

案府志作温州人縣分未詳今姑仍舊志

附錄

蒼山周氏女及笄未字汲水溪邊見一石卵潤澤可愛懷  
之卽墮落乃含口中不覺吞下遂有娠後產一白龍女驚  
死鄉人取其骸骨塑以泥藏置巖洞閉旱則迎之祈雨嘉  
靖十三年大旱縣尹周琬禱弗應有繫獄者稱係龍母族  
裔獻議迎龍母渡江及抵山川壇俱霏微雨護送有從行  
者負旗先驅戒勿展衆望雨久強展之風雨頓作龍負雲  
起如白氣舞於空中嘖嘖有聲開元寺溫衛治多拔仆惟  
山川壇龍母殿不動燭亦不滅雨傾蓋下不移時河溢入  
城嗣後亢旱禱輒應

舊志下同

梅大歇能神遊一友亦善其術會丁祭乃共處一室相戒  
各出神規聖人受享狀至則境內百神畢集武士呵衛警  
蹕其友止門外不得前大歇術稍高盡其法力擠至靈星  
門亦止矣遙睇座中一巨星炯然諸神陪位擬於饗帝已  
而兩人各言之其語悉合

元延祐四年六月十七日晚有無舵小船飄至海島中界  
山地名燕宮內有一十四人五人穿青黃色服九人並白  
衣內一人攜帶小木刻字長短不等計三十五根其上刻  
畫不成字樣提挈葫蘆八枚內有青黃白色成串硝珠其  
人語言不辨本路圖畫人形船隻差官將各人起解江浙

行省十月中書省以聞奉旨訪通曉語言之人詢係海外  
婆羅公管下密牙古人氏凡六十餘人乘大小二船欲往  
撒里郎地方博易貨物途遇大風大船已壞惟十四人乘  
駕小船飄流至此有旨命發往泉南候有人往彼帶回本  
國

明洪武八年八月有海舟至温州港衛府差官到舟譯者  
黃宗起稱暹羅斛國王列參寶昆耶里哩哆囉祿於六月  
初一日恭遣正使冒崑坤信副使詔璫哆囉齋奉金文進  
貢白象方物前赴大明國朝見撒差巴篤寶招歐靄船裝  
載過海遇風飄至遂移舟泊温州城下衛府差官送陸路

至行在其文色雄象命象奴於本府開元寺喂養內方物  
苾布西洋紅布兜羅綿被象牙胡椒黃蠟降真香蘇木至  
九年始回本國

崇禎五年有番船泊海口以桅舵損壞教人入地內覓料  
匠爲守關兵船所覺強拽入港下其船艙底以金銀壓碓  
艙內金寶無算闔郡官皆以勘驗爲名次第登舟理刑某  
見黃金爲條長二三寸許亂揣懷袖靴桶皆滿蹣跚坐輿  
歸猶怏怏不足乘夜各官將貨物盡起入城僕從因而驟  
富發家者不知其幾一役得阿魏一器嗅之臭投之江一  
役得算盤一具次早視之珠爲之也以壞船報上司查詰

數四彌縫而止船擱外沙浦未幾劉香入寇困城羣賊奔  
壞船破其水櫃下夾板中扛白金數萬去守城軍民從塚  
口遠瞭莫可如何或曰船內所裝卽劉香物故突犯剽劫  
取償民間爲地方劇禍云

國朝乾隆十八年六月十二日溫鎮左營守備於南龍洋  
面盤獲番船一隻男女五十二人并槍劍鐵炮火藥等物  
押護進口停泊內港其人髮髻目圓睛綠衣禪相連上衣  
背鈕無數帽用紅紗紬摺捲露頂一頭目手執一物似如  
意頭用金鑲有女年可十七八髮下垂足跣目亦微圓美  
倩似中華少好女子言語俱不相通閱月廈門送到外夷

通事賴祿譯知是干系臈國人名龍番教魯羅邦分封屬  
國呂宋王下作判事官號亞里閒麻油駐管泰賢世賴地  
方其手所執是彼國王給與三品職銜憑據有文憑三紙  
隨身二是干系臘國王印文一是呂宋國王印文各畫其  
國王面刻就印刷五年任滿攜帶眷屬回見呂宋國王過  
海遇大風約經百日飄至此時當夏秋風信不便鎮道諭  
令將船內人口及器物搬移上岸暫住校士館飛報大憲  
摺 奏動帑給其食用并修葺船隻凡四月風順遣水師  
弁兵送至廈門令往販呂宋商船便帶歸國

葉尙高祭文廟文嗚呼天兮何忍嗚呼人兮何辜嗚呼斯



文兮幾於喪嗚呼吾道兮從是污嗚呼變生叵測兮振古  
未有嗚呼禍起非常兮諸夏所無嗚呼棖梅猶存兮悵離  
離之彼黍嗚呼髮膚致毀兮悲蓼蓼之匪莪嗚呼裸將於  
廟兮何莫非先朝之彥嗚呼駿奔於堂兮殊異於聖人之  
徒嗚呼裸體文身兮斷不肯效尤於虞仲嗚呼被髮左衽  
兮然後知受賜於夷吾嗚呼悠悠我思兮自分爲識君臣  
之螻蟻嗚呼渺渺予懷兮豈同不知春秋之螻蛄嗚呼旣  
不克在泮獻囚兮如皋陶之淑問嗚呼亦僅等敗軍之將  
兮與七國之大夫嗚呼雖不得與于祭兮猶惓惓於泗水  
之濱尼山之土嗚呼余小子固有志兮爰采采乎西山之

蕨北海之蒲嗚呼澗毛可以昭明信兮何羨乎腥膻之肥  
脂嗚呼白水可以薦馨香兮奚取夫清酒之百壺嗚呼吾  
師乎嗚呼吾師乎雖泰山之已頽兮曾林放之不如乎雜錄  
永嘉有一人患瘡藍縷寒餒市中求乞有薛主簿憫之來  
與飲食去亦不謝薛後暴卒陰府追至爲前生冤家執論  
遣令勘對薛方回身報大舅至王起身迎謁薛視之乃瘡  
者也遂高聲叫相救瘡者驚曰主簿何爲來此乃謂王曰  
老舅承斯人願盼可爲拔之乎王謂吏檢簿書云有三十  
年在王乃謂薛曰能作善業可得還薛曰如得生還願造  
尊勝幢子償解冤讐王命押回引從舊路歸至所居門首

似夢覺家人號泣曰一宿矣後遂每日一食輒建幢子專

持念其瘡者即不復至乃圖像供養焉

唐傅亮靈應錄

山人黃子復擅巧思製木偶運動以機無異生人嘗刻美

人手捧茶托自能移步供客客舉甌啜茗即立以待甌返

於托即轉身向內而入又刻為小者置諸席上以次傳觴

其行止一視觴之舉否周旋向背不須人力王陽德曾捐

十金購谷簾秋古琴僅存壞板數片黃為重造卒成完器

聲音清越冠絕一時

岐海瑣譚

郡西敵樓在放生河畔康熙間郡大夫建以瞰敵故名或

云宋時方臘之亂教授劉士英禦敵所建然亦無攷嘉慶

甲戌城守金國標倡捐重建上祀關帝下洞其門以便往來休憩道光初元燬後再建陳遇春易其名曰笛樓有笛樓記見梧竹山房文彙今樓圯改爲茶亭

相傳有張氏子與李女比鄰幼結婚及長張母寡且貧李謀離婚女不從會元宵觀燈女見張卽捨伴從之訴衷曲知婚無合期行至橋上相抱投水杳無知者次年水中蓮開並頭人皆駭异募人掘根得二屍蓮莖各出一口卽張子李女也邑令以其不失貞義合棺題石名鴛鴦橋曰雙蓮當時有詠其事者曰初盟不負鐵心堅割斷塵緣作水仙烏鵲巧催橋上度青娥長展鏡中妍生前果墮相思樹

死後花芳並蒂蓮何處宰官身可見幻髮嬌小愛河邊見

種書堂校刻集異編

案朱楊蟠有雙蓮橋詩即指此蓋唐時事也

陳相心以拆字名於公卿閒推原禍福考索成敗無不驗

見楊維禎拆字說

舊府縣志方技

道光丁亥西山護國寺門外佛光如火人見而異之掘地

得方石一下埋石琰二俱鑄佛像旁注一萬人同造後五

百年有福慧者重興十五字陳遇春誌異詩注云此寺宋

紹興二年建以其時則可矣福慧者不知何人或寓言亦

未可知詩曰無端光焰起蒼厓五百年前事已排勒石分

明苔不蝕未知當日為誰埋盛衰遞嬗數禪關香火因緣

詎等閒誰是如來今再世黃金布地笑開顏一時名流題

詠甚多

陳遇春護國寺誌

冥財庫為中元焚楮之所向在開元寺右即今倉聖祠基  
道光中歲貢黃鶚揚以字灰狼籍捐建磚爐於寺後每屆  
中元無論大小戶以紙糊箱篋滿貯冥鏹投入庫中焚之  
追薦宗親寓追遠報本之意相傳此舉自明季始所從來  
遠矣

補遺

山川

溫城七山成斗形

王十朋駕幸溫州次僧宗覺韻詩注

七山如北斗

楊蟠浩然詩集

案志稱環城之山舊名九斗今據王楊二君詩止稱七

山然則九斗之名殆起北宋後歟補

雅山宋文憲公濂送覺初禪師還江心寺鳳山何元咎汲

良楚先世由玉環遷樂山之迎社學山曾丹橋詩九山叢裏

恩橋中歲卜居郡郭鳳山耐學山注在郡北鱉

魚毬山界黃土巽吉之間

案已上諸山皆郡縣志所未載補牛眠山在四十五都昆陽山如牛形首尾相肖又有鹿

三龍井在昆陽相傳有三龍浴此劃成三井

祠廟

列女瞿素祠在九都瞿嶼山麓

華光廟一在松臺山麓一在嘉福寺巷嘉慶元年毀於颶

風光緒五年里人重建

崇奉華光大帝即開窗括異志所稱華光如來也

選舉薦辟

元茂異黃一龍

字國寶鎮江府教授舊志佚據至順鎮江志陳友龍鎮江府淮海書院記畧補

人物義行

黃中字通理弟宏芳原名宏智字明遠居泰清鄉藤橋兄弟六人中芳皆讀書尙義時邑令每以豐熟之年採買常平倉穀蠹役勒派小民賠累不堪泰清臨江二鄉曾於康熙中控禁勒碑厥後舊禁漸弛吏役追呼乾隆丙申中乃搜揚舊碑與金振玉周維新同控撫藩九月暘與楊五兆



等拒捕毆官中懼歸里丁酉夏藩司提審中與叔父卜南  
名欽鵬號萬里金振玉及黃岡周雲飛等赴省寓豐樂橋  
吉祥寺既而中疾作乃喚芳至以此事屬之爲易今名勉  
其留芳也六月廿七日中殉殞於西湖芳哭之以詩曰馳  
驅越嶠渡錢唐凜冽秋風砭骨涼豐樂橋邊誰是樂吉祥  
寺裏未爲祥風敲藕葉愁千片露滴松枝淚萬行多少候  
蟲嗚唧唧令人幾斷九迴腸八月輿櫬歸戊戌歲藩司委  
杭府台府及溫府會鞠六月廿三日集審閏六月望日復  
審懸案未結鄰村張某檢得康熙間立碑全案有前督覺  
羅滿奏奉 聖諭及前縣林發下碑記硃印如新芳乃

於臨審時遞呈而卜南以憂懼成疾未能赴審程守曰楊  
總督諭常平買補如辦不善先究官後究民今爾叔不到  
案何能結壬寅歲卜南疾歿席令閱供通詳完結六月芳  
與金振玉黃岡周雲飛四人先後出獄舊禁亦復闔邑小  
民如出水火而衽席之矣兩鄉戚友欲資助芳不受乃橐  
筆授徒以自給嘉慶丙辰芳館戈田金氏友人詢其顛末  
而記之如右

採訪冊  
下同

呂從龍字協南歲貢生性倜儻好義邑故設莊長督催錢  
糧役富民爲之雖生監不免充是役者爲吏胥魚肉家率  
破從龍憫之借貢生邵炳生員張樹德等凡十八人展轉

愬大吏自乾隆五十四年至六十年歷七寒暑有司利陋規皆左袒豪胥不得直而嫉從龍樹德尤甚陰中以他端褫其衣頂會秦公瀛任溫處道深燭其弊旋攝臬司與方伯謝公啟昆力持之爲請諸撫院事得白勒碑申禁卒余莊長里人德之尸祝於先農祠奉秦謝二公粟主併及從龍同時有吳江者字成桂號仁溪輕財貴義亦以謀革莊長事左右其閒者也壬子歲貢生巨川候選州同

吳天衢西溪歐渠人孝友敦行慷慨樂施道光十四五年連歲災歉天衢爲賑饑計築巨室以工代賑積至一萬三千餘工里之貧者咸就食焉一日大雨巖牆傾圮工人壓

焉急命出之則壞墻上合下開空其中得無恙人謂其散財救贍故得此報年六十四而終子孫世守義方姪通瀾性孝友崇儉樸緩急濟人貧者不責償子三人皆游庠學憲丁給慶徵詒穀額表其間族有吳時輻者敦厚好施每歲暮分錢米饋親隣之貧者又吳浩武庠生以孝友聞里有溪水暴漲深不可測人多病涉浩獨建石橋行者德之其他濟饑療病尤衆人咸謂甌渠吳氏有世德云

### 人物文苑

明朱道魁字墨臞良暹孫相溪人郡庠生貢入成均壯歲棄舉業韜晦高尚終其身爲溫處二郡義學山長王瓚朱

諫王澈王激皆其弟子著有鍾山詩集墨臞養拙集二十卷其卒也鄉人賦鍾山鶴怨以哀之王激爲之序

朱氏譜

人物忠義

丁天義民金和春業農精權算好檢拾字紙化灰並收埋暴露骸骨同治壬戌四月十二日粵匪入境被擄欲用爲鄉導和春大罵謂汝等殺人放火我肯從汝耶賊怒殺之

孝女

陸茂山女割股療母病復

烈婦

王南煇妻林氏雍正四年十月南煇溺海死柩葬於永昌堡外氏每朝奔墓而哭母欲奪其志誓與

古

卷

藥志

補遺

三

母絕一日焚香浴體服金  
不死卒自縊死年二十五

林儒士某妻羅陽夏氏

結襦一載夫亡以死殉焉進士林  
生芳序其事且作贊曰懿彼淑

媛嬪予宗子黽勉一心辛勤十指及爾同歸靡它自矢  
情重三生誓堅一死死者已矣傷如之何匪石莫轉無  
瀾豈波招魂水澳畢命山  
阿香魂常馥貞珉不磨

### 古蹟金石

徐德寶妻潘氏墳塋告后土文石碣

維寶慶二年歲丙戌六月甲申朔庚寅日陽上夫徐德寶  
男徐亞雙次男阿金女亞前次女仕姝云等謹立口告于  
五方五帝山川百靈后土陰官丘丞墓伯阡陌諸神切念  
德寶蓋為先妻潘氏九娘子於今年二月初五日歿故龜

筮協從相地惟吉宜於温州永嘉縣賢宰鄉羅浮山村黃  
家山後之原或東□□地□爲宅兆安厝謹用九萬九  
千九百九十九歲□□也□買地壹段□止青龍右止白  
虎前止朱雀後止玄武內方勾陳分掌四□□□□□  
□□□路□齊整阡陌千秋萬歲□□□□若輒干犯茲  
禁將軍亭長收付河伯今□□□酒飯百味香□共爲信  
誓財地交相分付工匠動土營造墳墓安厝已後永保休  
吉見人歲月主保人今日直符故氣邪精不得□□□有  
居者永避万里若違此約地府主吏自當其禍主人內外  
存亡悉皆安吉急急如五帝主者律令寶慶二年辛丑月

十五日丙申

右石碣得於三十二都千石莊高廣不及二尺今藏瑞安資政第孫氏寶慶爲宋理宗紀元之一

温州府主戴俞問明判案碑記

右碑在十二都茶山實際寺正殿右壁嘉靖四十二年僧廣滔正訪立石據碑文因寺僧欲賣項姓祖捨田畝涉訟控經本道批府審明又云正統十二年立有碑記原係鄉宦黃文簡公撰文備述古蹟今此碑未見其稱本道爲分巡老爹府主爲戴爺可見當時稱謂之質直其文殘缺詞亦俚俗今不錄



望歸亭碑記在四十一都廊下將軍菴道左侯一元撰嘉  
靖四十三年爲孝子朱尙綜立

碑文未拓

旌異松鶴處士康公墓誌在十八都郭溪水關頭

案松鶴處士疑卽康從理

碑文未拓

### 坊表

貞烈坊在十九都宋與河南爲王宗培聘室南氏立

節孝坊一在五都上河濱爲儒童邵瑞璋妻張氏立一在

十都阮郎洋爲孫秀環妻王氏立

新志自開局以來首尾不及三年卷帙浩繁增舊志

三倍有半所費止三千七百餘緡視鄞鎮二縣志用

至二萬三萬者相去懸絕惟校讎之役殊非易易適  
兒子文儁自邗上假旋竭三月之力專任其事改正  
訛謬不勝塗乙多至八千餘字其脫畧複衍之處刊  
落重鐫者十餘幅尙未能毫髮無憾甚矣校勘之難  
也所冀閱者指摘瑕疵藉資補救則幸甚矣再是書  
告成於光緒七年後來事蹟不便屢入以示限斷後  
之人慎勿妄爲補刊致亂體例如其事應入志乘恐  
其久而湮也宜刊永志續補別著年月以備遺忘庶  
無攙越之弊咸弼又識

清光緒刊行永嘉縣志三十八卷板皮保安橋圖書館民國十七年間主館事者不謹於藏致有殘闕不能付印聞者相與歎息而已比年省內外公私藏家馳函徵索守土官竟無以應有倡議重修者以絀於經費而止劉貞晦丈景晨特謀之徐縣長子勉用洎同邑諸君子先集貲補板以還其舊開工剗刷而屬余任校字之役計補板五百一十二葉字二十六萬三千有奇刻將成費逾於所估之數楊君雨農振所另籌墊若干會周君守良邦新自滬上假歸乃爲添募以還楊君二君已有所輸而猶力圖其成可謂難矣自始事迄今閱時八月前後共募款一千二百五

十金劉丈屢自滬上郵書殷殷督促駑鈍如余亦排日爲  
理摩挲梨棗效清塵掃葉之勞邑之人聞有斯舉咸欣忭  
以觀厥成益歎晦明絕續之交爲此文獻一綫之延之猶  
當於人心也板成仍藏邑館第一次印書一百部取刻資  
之羨餘與預售之券值以充印費而事方竟爰并記之中  
華民國二十四年九月邑人梅雨清謹識

補刻助貲人姓氏

徐用子勉

公撥助二百元

潘國綱鑑宗

二百元

徐陳冕寄廬

二百元

黃羣溯初

二百元

周邦新守良

一百元

陳權東守庸

一百元

楊振炘雨農

一百元

顧耕梅

一百元

吳百亨

廿五元

翁來科 盈泉

以上共收國幣一千二百五十元

廿五元